





M

Ex Bibliotheca  
majori Coll. Rom.  
Societ. Jesu

14-30A-18







371

2



METEORO-  
LOGIA  
CURIOSA.



12.34.B.H2

3  
METEOROLOGIA  
CURIOSA



AD

LVSTRISSIMVM AC REVE-  
RENDISSIMVM DOMINVM.

.BOGVSLAVM

COMITEM DE LESZNO

ESZCZYNSKI,

Præpositum Ecclesiæ Ca-  
thedralis Plocensis,

DVCEM SIELVNENSEM.

Canonium Cracoviensem, &c. &c.

AUTHORE

P. ADALBERTO TYLKOWSKI,  
civitatis IESV Theologo, & in Colle-

gio Varsoviensi Philosophiæ  
Professore.



CRACOVIAE,

STANISLAVM PIOTRKOWCZYK,

S. R. M. Typographum; Anno D. 1669.

Vrum quis terruit vnquam ?



LESZCZYNIORVM quòd Domus, velut precor,  
Stabit perennè, spem mihi haud dubiam facit  
Ille V R V s ille quo nihil ferocius,  
Ille amor amicorum, hostium terror grauis:  
Quo Thressa viso palluit Luna haud semel;  
Quem terror orbis sæpiùs timuit L E O:  
Et cui Sagittas Bistonum fregit cohors:  
Strauère Falces, & bipennes Perfidii.  
Hic pro Domo V R V s excubat custos vigil  
Æternitatis, nare complexus, notas.

ILLVSTRISIME  
ET  
REVERENDISSIME DOMINE.

**I**N Tuis manibus meam depono Meteorologiam. munus, ni fallor, & Te dignum, & mihi non inconueniens. Te quidem lignum; quia nihil aliud est, quàm Maiorum Tuorum Illustrissimorum, Tuiq; symbolon. Enimue-  
ò qua Romanus Sapiens præfat. in quæst. nat. ion tam euenire asseruit hanc partem Philosophia tractantibus, quàm precatus est: hac in Tua Domo Teq; gratulabundi, semper intuemur. Cenuit ille eiusmodi Philosophos orbem terra magnus portare: animo alium possidere mundum. Vestris humeris non parua sui parte Polonus gestatus est Orbis: cum per annos Septingentos, ab ipsa fidei Christiana aurora, quam Vos ipsi per Damabraucam accendistis: Senatûs nostri subsecutio continuatâ serie, impleuistis. Et simul Cruces, Tiaras, Clauas, Sigilla, Scipiones, Clauas, & alia Regni ornamenta, ex dignitate Reipub. sustinuistis. Animis verò capacissimis; Martium, Pacatumq; Bellonæ, ac Mineruæ: nostrum, ac totius Europæ mundum, possedistis. Quàm sublimis hîc mihi Insularum oboritur fulgor!

\*\*\*\*\*

## D E D I C A T I O.

gor ! Quantus fulminum Martiorum fragor !  
 quanta eloquentia maria aperiuntur ! quanti  
 scientiarum per sublime , rutilant Ignes ! Videor  
 mihi contueri, Bosutas, Rudgeros, Werneros, Phi-  
 lippos, Venceslaos, & alia magnarum Insularum  
 capita, videor conspiciere Bronisium Abbatie Pa-  
 radisiensis authorem : alios Monasteriorum, tem-  
 plorum , excitatores & Patrones munificos.  
 Quantus ille armis consilioq, Raphaël qui cum  
 Vellere Aureo titulum Comitum S. R. I. in Vestra  
 intulit limina , reducto in fœdera cum Frideri-  
 co III. Casare Rege Polonorum Casimiro ; nequid-  
 quam fremente, ac infidias struente Matthia Cor-  
 uino Hungaro ! Quantus alter Raphaël Belsen-  
 sium Palatinus ! qui bella inter Sigismundum  
 Polonorum , ac Gustauum Suecorum , composuit  
 Reges. Sed altior omni dignitate tertius Ra-  
 phaël qui maturâ virtute ante annos Palatina-  
 tum Belsensem promeruit, habere noluit. Capit-  
 oculos vincitq, triumpho fulgore Dobieslaus con-  
 tra Hermannum Magistrum Prussiae Dux Exer-  
 tuum. qui ita fudit hostem , ut plures quadru-  
 plo ex acie captiuos abduxerit , quàm milites ad-  
 duxerit. Neq, paruo fulget nitore Dlugosius,  
 gemma Polonia, ac historiae lux, Vestraq, domo di-  
 gnissimus surculus. Spectacula isti sunt in subli-  
 mi. bellisunt fulmina. Exorti Patria saluti so-  
 les.

## DEDICATIO.

5

les. irides pacis, tonitrua quæ non misceant  
 Graciam, sed Patriam animent excitentq. Hos  
 rediuinos in his veneramur, qui sunt nobiscum,  
 & quos illorum modestia mea subtrahit panegyri.  
 illorum munificentiam, mea meteorica pluuia,  
 mella ac saccara, morum suauitatem: venti,  
 in exequendis, quæ maturo formata consilio, cele-  
 ritatem: nubes, assumptam cum res poposcit  
 seueritatem, ac mox serenum: æstus maris, pe-  
 rennem illum circa salutem publicam magnarum  
 meditationum recursus: Fontes ac flumina, na-  
 turam sui minimè parcam, ac in omnes effusam,  
 eloquuntur. Sed Tibi ipsi quodnam assignabo  
 meteoron, cum omnium Tuorum mores indueris,  
 & transtuleris in Te exemplar! suspicimus in Te  
 artium pacatarum Irides. Spectacula ignea in  
 ære, igneum Tuum pro Dei Ecclesiæq. gloria ze-  
 lum. venti, turbines, procella, & cætera inquie-  
 te æris impressiones, ex aduerso constantiam  
 Tuam immotam, animiq. tranquillum: æstus,  
 & naufraga maris regurgitationes, fortitudinem:  
 Soles noui, illustrem Numinis imitationem, de-  
 cribunt. & hæc quidem Tua ex parte munus  
 reum commendant. Mihi verò conueniens est  
 ferre librum, in quo Deum, Deiq. legas iucun-  
 da oracula. Meus est liber, dixit Magnus An-  
 nius, hist. Eccles. c. 18. natura rerum à Deo  
 con-

## DEDICATIO.

conditarum, in quo quotiescunq; sic animæ meæ visum, legere possum, quæ dicit Deus. *Imò idem sublunaris Mundus, non iam Liber, sed Schola fuit Basilio itidem Magno in Hexam: ubi ita ille.* Mihi thronum Dei effingit Iris, Majestatem prædicant conitrua ac fulmina, potentem successio ac tremor: Sapientiam, regulariter variis Marium, æstus, terræq; tam varia ac mira fecunditas. *Accipe itaq; hoc munus pari atq; à me offertur affectu. Deum, Tuos, Teq; in illo feliciter lege; illum Tuum fac, hos ut amularis, ita quàm diutissime representa.*

*Dat. in Collegio Varsoviensi Societatis IESV  
Anno 1668. Decemb. 9.*

Illustrissimæ & Reuerendissimæ D. V.

*Studiosissimus*

ADALBERTVS TYLKOWSKI  
Societatis IESV.

METE-



# METEOROLOGIA

## CURIOSA.

SEV

*Meteora per experientias deducta.*

**M**ETEORA cum Philosopho vocamus scientiam quæ agit de rebus sublimibus. Meteoron enim Græcis, Latinis est sublime, vel pendens: hoc modo Suetonius scripsit Claudium Imp. meteoricam laborauisse, an-  
i scilicet suspensione. *Obiectum* huius scientiæ, sunt iuxta imperfecta, sublimia, & loco vt plurimum, & consideratione. quia mentem Philosophi ad considerationem rerum sublimium attollunt. dicuntur etiam compressiones, & affectiones: quia aëri imprimuntur extrinsecus, eumque noua quadam afficiunt formâ: iuxta verò imperfecta habentur, vel ex eo quia diuersam ab elemento ex quo procedunt, formam substantialem non habent. vel, si habent, non diu subsistunt: sed citò nata, citò pereunt. de his in præsentia genere constituimus, speculationem experientiâ fulcindo, & à simili ad simile passum formando in quo genere philosophandi præluxerunt nobis Neotericorum doctissimi, Cabæus, Kircherus, Schotus & alij: at hanc non leuem coniectandi esse rationem. *Vide* hunc effectum, quando ab arte procedit, ex horum agentium naturalium applicatione oriri: itaq; ex eorumdem applicatione oritur, quando à natura prodit.

Meteorologia  
**C A P V T I.**  
*Locus Meteororum.*

2. Cum cælum, è mente omnium, in locum Naturalem Meteoris non sit attributum. neque ignis Sphæra ( si illa datur ) commodas illis præbere possit ob ardorem suum cūnas. tria igitur restant domicilia in quibus nasci possint. Terræ venter, sinus maris: aëris regiones. Terra enim in cauernis, motus: in vligibus fontes & flumina: in bituminosis sulfuratis ignes subterraneos generare potest: aqua, cum sit hic dulcis, ibi falsa, alibi nitrosa, bituminosa, sulfurea: potest salern, nitrum, & similia proferre. Aër tamen in primis est Meteororum Patria, qui propter certas quasdam affectiones, distingui in tres regiones solet.

§ 1. Diuisio aëris in Regiones.

*Suprema aëris regio* est calida, ac vt 1. Meteor 2. dicitur *seruescit*, ab exhalationum scilicet calidarum, copiâ, ac solis viciniâ. inde etiâ est Mater potissimum ignitarum impressionum. experti sunt id, Solino teste, qui petebant verticem Atlantis, deferre etenim acetum cogeantur aquâ permixtum ad temperandum aëris illius feruorem? quod idem factitare, in suis montibus, qui sunt respectu Alpium vt palatia Regia respectu humilium casarum, Peruuos, asserit Acosta lib. 3. c. 9. *Media regio aëris* frigore horret: quod ostendunt aternâ niue canæ Alpes: & vis niuium, atque grandium ex hac prouincia demanans. Causa huius frigoris; defectus calefacientis corporis, namque eo neque vis ignis, neque reflexi radij Solares possunt euadere: & copia vaporum quibus vbi illò perue-

peruenere, lentè expirante calore, natiuum redit frigus : hoc verò antiperistasis intendit. Nam frigus vaporum supernè ac infernè à duabus calidis regionibus circumfessum, claudit ac cogit se, concentrat, intendit, coëst. Hac in regione generantur nubes, pluuiæ, grândinès. Certum verò est in aliquibus regionibus inferiorem huius aëreæ prouinciæ superficiem non superare montium altitudinem. certe de monte Thessaliæ Lucanus lib. 2. cecinit.

nubes excedit Olympus.

Similia de Atlantè s. Æneidæ & tamen iuxta Geometriam Xenagoræ apud Plut. in Paulo, Olympus in perpendiculari tantum habet passus 1270. aut sicut est apud Kircherum in orbe subterr. passus 1269. Neque tamen ex hoc velim inferas : itaque alij montes magis excedent nubem, atque adeo se regioni aëris secundæ inferent. Nam aëris regio vicinior Æquatori attollitur, polis propinquior deprimitur, atque adeo non sphaeram sed ouum figurâ imitatur. Quàm altè verò exhalationes, quæ illustratæ crepuscula constituunt, prouehantur. res vnâ lege definiri non potest. Albazen in sua regione obseruauit eas attolli ad 57. millia passuum, sed in alio positu terræ, longè aliter se res haberet, vbi à terra obliquius radij solares redeunt, minusque in altum corpora promouent, quæ leuârunt. Altitudinem nubium quisque in sua regione, hoc ratiocinio vt cumque deprehendere poterit. Iubeat explodi sclopum, ipse ab eo diffusus passibus v. g. D. diligenterque accensionem aduertat : & vel in artieriarum pulsu, vel in oscillationibus perpendiculi, tempus numeret. tum similiter obseruet, caelo tonante, quan-

## Meteorologia

tum interfit inter inflammatam in nube exhalationem, & sonum tonitruui. atque ex priorē ad hanc observationem ducat proportionem. Si enim in explosione sclopi, ictus arteriæ obseruati 20, & in obseruatione tonitruui 60. inferes illam nubem altam esse passus 1500. etsi Geometricè loquendo interueniat hic aliquis error: Nam per crassiorē fertur aërem sonus sclopi, vt pote per viciniorem terræ, quàm sonus tonitruui, vel saltem per inæqualem.

*Infima regio aëris vicinā est terræ, terminatur verò ibi, vbi cessant reflexi solis radij: quare pro horum altitudine ac magnitudine itemque incidentiā attollitur, aut deprimitur ista regio. Nam qui perpendiculariter solo immineat, magis in altum redeunt. ex quod etiam fit vt ista regio, nunc altior, nunc depressior, etiam eodem loci euadat.*

## C A P V T II.

### *Tempus Meteororum.*

2. Ver & Autumnus, tempora sunt Meteoris generandis aptissima tum enim temperatus frigore calor dominatur: æstate autem torrida, exhalationes quidem copiosæ è terra euocantur, & ex aquis assurgunt multi vapores: sed citius consumuntur quàm ad secundam, vel tertiam penetrent aëris regionem. hyeme propter frigus concreſcunt omnia, atque claudunt pora. Sol item minùs efficit propter radios oblique vibratos, itaque & materia modicā extrahitur, & statim densata frigore recidit. Quodsi tamen alicubi hyems similis esset nostro veri, vti in Terrâ Sancta similem scribit Iacobus à Vitriaco hist. Orient. lib. 1.

¶ 84. meteora est vigere, hyeme potissimum necesse-  
vri & euenit ob quam causam æstate raro aut nun-  
quam ibidem pluit. Non tamen omnino desunt hye-  
mi & æstati sua Meteora, potissimum vbi hæc tempo-  
ra remiserunt. Sic æstas habet rores, pluuiam. Iri-  
dem &c. hyems niuem, grandinem, pluuiam.

## C A P V T III.

### *Causa Meteororum.*

#### § I. Causa Materialis.

4. Materia Meteororum est vapor & exhalatio :  
hæc nonnisi ex illis prodeunt quæ habent mixturam  
partium crassiorum atque tenuiorum cum quadam hu-  
miditate atque pinguedine. nam exhalatio & vapor  
tum sunt, quando partes subtiliores secernuntur, & à  
crassioribus discedunt. Hinc valde modicè vitrum,  
lapis, aut gemma exhalant, in quibus modicum humi-  
di, quo tamen extracto, singula hæc, patiuntur seni-  
um, vti vetera vitra fenestrarum, saxa dilabentia, &  
gemmæ vetulæ testantur. Et quia exhalatio est sic-  
corum, altius ascendit vapore, diciturque 3. Meteor. r.  
*igni potestate.* Terra & aqua maxime constant parti-  
bus inæqualibus, ideo præ alijs corporibus vberiore  
præbent impressionibus materiam. Concurrit etiam  
aër, nam densatur in aquam, & sic saltem remotè ser-  
uit meteoris. Terra quid possit exhalare deprehen-  
des. accipe adiposam ac pinguem, omnemque ex ea  
humorem exprime, resiccarique sine: videbis non-  
secus ac sulfur, flammam concipere, quod est oleoso-  
rum. hoc itaque attenuatum rapitur deinde sursum.  
Quantum vero possit rarefieri terra, innuit experien-

via Snellij celebris Geometrz, qui pulueris pyrij granum igni rarefactum, notauit occupare locum granorum æqualium centum viginti quinque millium. Sed neque omnis eodem modo puluis diducitur, magis enim tumescit generosior. Corpora humana omnia expirant, sed quædam magis. applica digitum polito metallo videbis testem expirij maculam. Gemma lib. 2. cap. 4. corpus peste extincti asserit plùs exhalare, quàm decem ægrorum corpora. Hinc patet etiam, quòd non solum elementa, sed & mixta perfecta aëre-  
is militant passionibus. Ignis si sit purissimus vix aliquid eiusmodi reddet,

§. *Vapor* est substantialiter aqua. exhalatio autem, est substantialiter terra, aut id è quo prodijt. inde pluuia, ros, nix, verè sunt aqua. Potest tamen exhalatio, aliquid habere de vapore & è contra: siquidem & terra sæpiùs permixta est aquis. calor autem non discernit, sed quidquid tenue, rårum, volatile, atque eleuabile inuenit, separat & abripit. quæ pars separata quia similis est cum partibus residuis totius, idem etiam nomen ac genus habet cum eis, non ita succus florum, aut sanguis animalium quæ non dicuntur flos, aut animal. Paracelsus quædam Meteora delabi à stellis credidit vti fructus ab arbore, sed non credam, nisi rationem coniecturæ, non ex vano vanæ, attulerit.

## §. 2. Causa efficiens Meteororum.

6. Causa efficiens *vniversalis* est Deus. iuxta illud Psal. *Qui dat niuem sicut lanam &c.* Sæpè etiam à bonis, aut malis Angelis formantur. quare illa omnia signa & Meteora, quæ olim in Ægypto ad pœnam Pharaonis

raonis facta legimus, item fulgura & tonitrua in monte Sinai, Mannæ præparationem, ac sparsionem, Intelligentijs Viri docti adscribunt. Ericus Rex Gothorum quocunque pileum vertisset ventum prosperum creabat. Finni & Lapones venales proferunt ventos, scilicet triplici nodo illigatos, quorum primo soluto, fauentes: altero, vehementiores: tertio, vehementissimos emptor habiturus.

7. *Causa efficiens proxima* est, calor. sed nec solus nec solum astrorum. Solis calor terram non permeat ultra decem pedes vti probant cellaria æstate frigida. Sed neque in omni profunditate aquas peruat, licet contrarium senserit Plinius lib. 2. cap. 4. ideoque conspici eum ex omni fundo maris censuit. Verum non nisi è quindecim vlnarum demersione, moderni Vrinatores vident. Iam verò instante tempestate, iuxta experientiam Gerardi, tanta consurgit in metallifodinis auræ commotio, vt lumina tenerè proposita extinguant. Quocirca ad Meteororum materiam procurandam censemus & ignes subterraneos concurrere, sed non solos. Eos ignes se alere manifestè produnt. Ætna, Hecla, Vesuvius, & plurimi in America apud Acostam lib. 3. c. 24. ad basim vsque exusti montes. Non tamen ignes istos omnis tellus habet, alioqui frequentiores haberemus Æthnas, nullibi enim saltem in stabulo materia deest incendij nitrum ac sulfur. Et quoniam in Nitrum incidimus quod haud dubie à plurimis ad Meteora ignea concurrere præcipue creditur, eius indolem scrutemur.

## § 3.

## Natura nitri.

Nitrum est anima pulueris pyrii, nascitur in locis

## Meteorologia

vbi post conflictus cumulatim plurima simul defossa cadauera: ita Siemienowicz Eques Lituanus cui plurimum Kircher & Schotus tribuunt. Signum est nitri, si terra gustata morsicet linguam: si iniecta carbonibus sparsim, crepitet. cuiusmodi non raro habemus. Nitrum artificiale nascitur in stabulis ex ea materia, quæ relinquitur in stabulis: sed nondum purum, nisi decoctio & ars adiuuerit, quæ hoc modo iuuat. Fæces, quæ residuæ ex nitri natui decoctione sternunt sub tecto vbi transeunt homines & iumenta frequentius, crassitie pedis vnus, tum obruunt varij generis pecorum fimo, eodemque perfundi sinunt. post biennium prouenit vberrimè. Flos nitri est, flos murarius in locis obscuris nasci solitus, vbi non deest humiditas: perficitur verò affusione lixiuij facti ex calce, percolatur, decoquitur. ac proinde, si vbique subterranei essent ignes, si non ab incendio saltem a terræ motu, quem nitrum crepans faceret, securi essemus. Crepans, inquam, quia non ardet, imò fugit ignem. impone tabulæ ferreæ candenti, si non liquabitur, fugiet, flammam nequaquam concipiet. Si carboni imposueris viuo, proripiet se quidem flammula, sed carbonis non nitri. ignis enim ad præsentiam hostis se excitat, fita euenit & in incendijs dum aqua mediocriter perunduntur, ita & in officinis fabrilibus dum carbones cesparguntur. Dum liquatur nitrum, si ei sulfur inieteris, non comburetur, sed tantummodò sulfur in nitri superficie ardebit. Quod carboni contingit nitro superiecto, hoc omni incenso pingui oleum ardens perfunde aqua profiliet, perfunde aliam pinguedinem, in altum se proripiet. imò metalla soluta eisdem saltus



salvus facient, experiri cuique, promptum im plumbo. Quia dum se aqua oleo inlinuat, leue elementu n ignis in altum fugit metu hostis. aqua enim peruadit oleum, si desuper affluat. proportionate se res habet in metallis. Puluis pyrius eijcit globum, quia dum sulfur accenditur quod est flagrantissimum, ignis vt suum hostem maximum fugit nitrum, concipit impetum, obripit globum. refrigerat enim nitrum, hinc febri ardentibus sal prunellæ offertur, quod nitrum depuratum. volentes glaciem conficere, nitrum adhibent ob frigus, salem ob siccitatem aliquam, vti dicemus, vbi de glacie tractabimus. Eodem modo dum crocus metallorum paratur, & nitrum antimonio immittitur, quamprimùm simul liquantur, maximo cum impetu fugiunt. Quodsi tertiâ & quartâ vice nitrum addatur, fundaturque antimonium, non amplius auditur strepitus, quia iam sulfur omne deflagrauit, quod ardorem spuit. Sic butyrum antimonij, vulgò dictum Hermeticis, si spiritum nitri susceperit, bullit, ac flammam concipit, quia se hosti collectis viribus opponit. & eadem ratione aqua fortis efferuescit. Quia butyrum antimonij maximâ parte sulfureum est. Ferrum etiam & chalybs habent copiosum sulfur, ex eoque fit dum spiritui vitrioli iniiciuntur, quod sulfuris odorem exhalent. quia spiritum acidum ferre sulfur non potest, vti & quædam alia, itaque se colligit ac opponit, ac quod est calens naturâ concertatum flammescit, quæ dein flamma sulfure alitur. Continet. & ipse spiritus vitrioli nonnihil sulfuris, sed modicum. Ex iisdem causis aurum fulminans accenditur. Quia nitri Spiritum in se continet, hic si incalescat à proximo igne,

fugit. nam sal tartari vel oleum, quò aurū soluitur, se auro insinuat, illud verò est plenissimum nitri, sal verò aqua calida eluitur, & ita solum nitrum in auro fulminante relinquitur, vt patebit ex confectione eius, quam infra afferemus, atque hæc de nitri natura in ordine ad ignem. proinde non calore accensionem, sed frigore & antiperistasis frigidorum intendendo, concurrere potest. Sed ad ignes redeamus.

#### § 4. De Ignibus subterraneis, & euaporatione.

Diximus ignes sub terra prope superficiem latere non posse vbiq̃ue, sed neque procul ab ea in omni terra latent, tum quia metalla nulla nisi liquata effoderentur, tum quia isti ignes aliquando in fodinis se exhiberent. Sed neque ad euaporationem, externo omnibus calore opus, vt ignis in subsidium aduocari debeat. Vaporant enim suo calore interno, reperfacta abundè quædam, certe Santorius Iustinopolitanus collegit per speculum cauum, halitum in illo resoluen- do, quod homo per os libram aquæ per diem halet. sumpto verò per diem cibo librarum octo, quod per poros libras quinque expiret: etsi hoc variet pro tempore & ætate. Nam hyemalis halitus 50. vncias attingit, idem aduertit pororum nullam perspirationem fieri in fluentibus aluo, aut vomentibus: cæterum & canosus aër hanc perspirationem impedit poros oppilando. Ieiunus non perspirat noctu vltra 18. vnc. Satur verò si cibos bene concoquat ad 40 vnc. Sed neque solus homo, neque sola sanguinea halant: euenit idem arboribus, floribus, aromatibus, liquoribus, & in ceruisia euanida id sensus probat. idcirco qui

qui volunt indemnes potus seruire, vt prohibeatur halitus ex consilio Paracelsi lib.3. de gener. rer. natur. oleum superfundunt. aut ex vulgi vsu crustâ panis integunt, varioque muniunt operculo. atque his resolvendis modicus tepor sufficit, vti etiam linteis à madore siccandis.

### § 5. Causa Finalis Meteororum.

8. Causa Finalis Meteororum triplex assignari potest. *Naturalis* vt Elementum in quo fit Meteorum expurgetur. depuratur enim terra extractis vaporibus: aqua, salsedine: aer, ventis. depuratis autem elementis animalium sanitas tutior. *Moralis causa* est, cognitio Dei, timor & amor: item cognitio perfectionum illius atque aatributorum. nam Psalmo attestante. *Magnificentia eius nubes discurrunt.* tantum aquarum in sublimi & tenui fertur! tanti ignes concipiuntur! tanti fragores mugiunt! tanta spectacula theatraque aperuntur! Denique *Supernaturalis* finis est ille, quem Deus arcano suo consilio præfixit, vt Hominum penitentia, malorum impendentium minæ. ac denuncia- tio, & eiusmodi.

## P. A. R. S. P. R. I. M. A.

### *Meteora Ignea.*

9. Exhalatio vt flammam concipiat debet esse oleosa ac pinguis, idcirco prius calore præparat in ligno & lampade ignis sibi quoddam oleosum, quo pascatur: cuius defectu cineres non ardent & ferrum sæpius ignitum amplius non candescit, exusto nimirum sulfureo, quod erat materia cuiusdam oleosi. Ignea itaque Meteor-

Meteora constant exhalatione pingui & oleoso vehementer attenuato atque ideo volatilo. Sed quibus causis accendi possint, nunc dicamus.

§ 1. Modi quibus Meteora possunt accendi.

*Accendantur, à varijs causis. Solis radijs, vento, aquâ, antiperistasi frigori, &c.* quia his omnibus modis ars potest ignem excitare. Accendes aquâ istam mixturam, vti à peritis accepimus. ℞. Sal nitri lib. 10. Sulfuris viui lib. 6. Calcis viuæ lib. 20. ardebit hæc materia, prius bene commixta, si aquis mergatur. Ardebit & hæc. Salnitri sumantur libræ sex, sulfuris libræ quatuor, thuris libra semis, olei lini libra semis, olei petrolei vnc. quatuor. pulueris pyrij lib. octo. calcis viuæ lib. 12. Succi ceparum lib. vna. vtramque hanc compositionem reperiēs, apud laudatum supra Artilleristam Equitem Lituanum. Lapidem ramentum Portæ & Cardani qui spūto accendatur, inter fabulas reponit Kircherus in orbe subterr. Sed hæc meliorē meretur locum, quam experiētissimus Scaliger exerc. 12. in Cardanum ponit, & asserit spūto incendi. ℞. Olei sulfurini, laricini, cedrini picis liquidæ, sing. vnc. quatuordecim. salis petræ vnc. 16, salis ammoniaci, vitrioli, tartari, calcinatorum ana vnc. octo. Magnetis calcinati, calcis viuæ ex Silicibus fluuiatilibus ana semunciam seui, adipis anatis, ana vnc. sex. aquâ cooperta omnia sepeliantur in ventre equi ( loquitur phrasi chymicâ de fimo animalis huius ) per menses tres ( mensis Chymicis dies constituit 40. ) quarto quoq; die conturbentur: tūc igni decoquantur, donec omnis abierit humor & sex maneat: eo vase ru-

petro extrahitur ac teritur. hoc puluere, si aqua consper-  
 gatur, ardet. Potest etiam huc reduci, ignis campho-  
 ræ vel malthæ, qui oleo extinguatur, aquâ magis ar-  
 descit, ut inquit Fronsbergerus, qui etiam plures for-  
 mat compositiones, quæ possint aquâ succendi. Sed  
 cur ignis camphoræ oleo non extinguatur, cum omne  
 & solum ardeat oleosum? cur aqua inardescit? aquâ  
 ignem excitari diximus num 3. ubi ignis multò va-  
 lentior est aquis. oleum verò velut pannus ignem in-  
 duit sua densitate, nec rarefcere subito, neque disijci  
 potest. atque ita suffocat. *Sole calentiore concipit flam-*  
*mam hæc materia.* Oleum therebinthinæ resinæ, vi-  
 ni sulfuris, iuniperi, naphthæ, lini, colophonix & cā-  
 phoræ. pix. halnistrum, anatum pinguedo, omnium  
 duplum. aquæ vitæ à phlegmate repurgatæ: mixta ac  
 tusa omnia in vase vitreo sub fimo per menses duos  
 recondantur: elapso hoc tempore distillantur, tum  
 liquor puluere pyrio, aut columbino cribrato subiga-  
 tur, hac mixtura quidquid illeueris, Sol æstiuus ac-  
 cendit. Similis est illa apud Exercitorem exerc. 12.  
 quæ solè accenditur, neque vinci nisi vrinâ, aut aceto,  
 potest, & in ipsis aquis ardere est visa. R. Recremen-  
 ti lachrymæ laricinæ quod residet ex olei distillatio-  
 ne, olei eiusdem, picis liquidæ, picis cedri, canforæ,  
 bituminis, mumix, ceræ nouæ, adipis anatis, fimi co-  
 lumbini, olei ex viuo sulfure, olei iuniperini, laurini,  
 canabis lini, petrolei, olei Philosophorum, olei vitel-  
 lini, singulorum semilibram, salis petrx libras 10.:  
 salis ammoniaci vnc. 7. imbuantur aquâ ardenti om-  
 nia eò vsque donec cooperiantur tum sepulta in  
 ventre equi maneant, sed tertio quoq; die lectus reno-  
 uetur.

uetur. posthæc extrahatur anima ex Seraphino, quam spissabis bubuli ventris puluere tenuissimo. Dantur apud Fronsbergerum *mixtiones quæ etiam ventu accenduntur*. Vnicam ex eo transsumimus, plures videre est apud Kirch. in mundo subterræn. prope finem tom. 2. æ. atramenti, sulfuris, olei vitellorum, singulorum partes æquas: torre in fríxorio supra carbones: tum adde partem quartam ceræ & incorpora: serua in vesica imbuta oleo; & orificium cerâ occludere, ne aër subintret: hanc si recluseris, inquit ille, non solum pluuiâ, sed & ventis poterit accendi. Sed etiam notum est *antiperistasis* accendere horrea, si nimirum madidæ fruges comportentur. id ipsum intra nubem euenire potest. nam si exhalatio calida & sicca abundet de pingui aëreo, diutius calorem retinere potest conceptum & potentiùs frigori resistere; & ab eo circumstante constringi vsq; ad flammam, certè tanta vis est huius circumfistentiæ, vt in medijs flammis producat strias glaciei, vti experiuntur Chymici in suis fornaculis. *Nubes* etiam ipsæ, vel per reflexionem vti fit à speculis cauis, vel per refractionem vti in conuexis, vel à plurib<sup>9</sup> in eâdem partem exhalationibus reflectentibus, vti à speculis planis contingit, flammam possunt excitare. Oritur etiam ignis attritione, salicis enim frusta sicca si confricentur, ignis erumpit, vti expertus Io. Bustamāntinus de Reptilibus lib. 2. cap. 2. n. 17. idem contingit vitis palmitibus, & fricato capite humano (inquit idem ibid,) panno laniicio, eliso felis dorso, aliarumque animantium calidarum. illisus filix ferro educit ignem, idem præstant molendinorum mola: dum enim nimium

aër resuatur, non retinet formam, & in tenuiorem naturam igneam degenerat. cum fricatur animal solum pori deterguntur vt euolet lucidum, ad eum modum quo sufflasæ prunæ flammam emittunt, depulsis fulginibus quæ prohibebant, ac poros obturabant. Sæpe etiam euenit lucem esse, quæ putamus ignem. lucet salix, fraxinus, corylus, putrida: sed sub dio, sub tecto intra septidium obscurantur, ait Franc. Verulamius in sylua sylvarum: rursus exposita dio nitorem recuperant, vt seruent nitorem in cubiculo per 14 dies oleo tingantur, vel aqua macerentur. Sed non sola hæc lucent ligna: mirati sumus lucem, etiam in quercu annosa, idque in patibus cortici viciniõibus. Simile quid habet lapis Bononiensis, qui expositus soli, ubi combiberit lucem, eam per aliquod tempus conseruat. Quid si alicui vapori, quid simile insit, quod noctu luceat, ubi ex alijs nubibus in nostrum visum venerit? ex eiusmodi accensis impressionibus est.

## C A P V T I.

### *De igne fatuo.*

10. *Ignis Fatuus* hic vel de nocte accenditur, vel de die accensus per noctis tenebras fieri conspicuus incipit. Fingit saltum vel ob rorem in se deciduum: vel ob aëris fluctuationem: vel quia iam cum densata ac grauiore materia descendit; iam cum rarecente attollitur. In cloacis, patibulis, cometerijs, & locis conflictuum magis comparet, quia illic materia copiosior, æstate crebrior ob materiam à sole præparatam, quæ etiam in autumnum manet: ob quam etiam causam in partibus magis calentibus, copiosior. Ad-

hæret

hæret vexillis militum & hastis ob glutinositatem, cuius exempla habet Plin. lib. 2. cap. 37. Sequitur fugientem, aut insequentem fugit: prout hic aërem aut post se rapit, aut ante se propellit. Deducit ad flumina, quia aqua fluens secum abducit aërem, cui succedit alter aër portitor fatui. fertur ad præcipitia, quia in talibus se gyrat aër, veluti aqua in vortice. Murmurat & voces fingit, ac rudibus specie spectro-  
rum gementium imponit, prout lucta cum humore strepuit. Videtur sibilare ex congressu cum humido; videtur fremere ob eandem causam: & omnia exaggerat metus perculsi spectatoris. Imitari hunc ignem posset aliquomodo, qui coqueret camphoram in spiritu vini usque ad consumptionem intra cameram, & postea suspensos camphoræ halitus incenderet.

## C A P V T II.

### *De Castore & Polluce.*

II. *Castor & Pollux*: iidem dicuntur ignes Sancti Nicolai. S. Hermi vel Telmi. S. Germanus. summitatibus malorum & antennis adhærent. sed teste Plin. lib. 2. c. 37. etiam in ima navis decidunt & adurunt. Fugiant, ut fatui persequentem eadem de causâ, quia materia similiter levi constat, sed glutinosâ ob quam adhærent. Castorem & Pollucem vocarunt Gentiles, quia hos prosperæ navigationis Deos constituerunt. Sed vana Plinij observatio, si vnus compareat naufragium portendere. Superstitioni fecit occasionem Helena exitium Patriæ. evenit tamen id subinde, ut solitarius ignis portendat tempestatem, ac quæ eam sequitur submersionem navium. Vnus ignis col-  
ligit



ligit materiam duorum ac densat: duo vt raram facile diuidunt. densior verò in flatus vehementiores soluitur, rarior euanescit, hinc periculum aut salus. Ignem eiusmodi, potest ars imitari. Accipiantur partes æquales olei, petrolei, calcis viuæ, therebinthinæ, adipis porcini & vertecini, terenda terantur & cum alijs incorporentur distillanturq, super cineribus calidis vel carbonibus. hæc aqua dabit ignem qui manū non adurat, ita asserit, qui tentauit. Casimirus in Artilleria.

### C A P V T III.

#### *De Igne lambente.*

12. *Ignis seu flamma lambens* qualis circa Æscanij comam Æneid 2. visa Lambere flamma comas, & circum tempora pasci, quod ipsum contigit Sèruio Tullo apud Liu. Et, ignis iste, exhalatio animalis præseruidi temperamenti agitatione accensa, hinc equitantium, aut deambulantium capitibus insidet, & ebriorum ac iratorum magis, quorum etiam oculi relucunt, item ruforum, itemq; crudelium qualis Tiberius fuit, cui tantam lucem oculi proprii suppeditabant, vt perinde de nocte ac de die omnia distingueret: talis fuit Sylla, cui oculi vt lupò micabant. Verum iste ignis sæpius est falsus ignis, vti Delrio docet atq; Scalig. exerc. 174 solumq; est quiddam relucens. ita enim hic posterior argumentatur. Omne lucidum & album in tenebris micat, patet id in ensibus politis, ac speculis: & omne candidum ad naturam lucis accedit. tales hi vapores. Vbi addit, Caumantiz Heroinez capillus in tenebris dum pectitur, ignem vomere

videtur. Idem ait, equum se habuisse candidum, quidum in obscuro fricaretur strigili, scintillas eiaculari videbatur, id erat, inquit ille, squamma, siue fursur candidum è sudore sicco, quod districtum exiliret. hoc modo & hoc admirandum Cardani lib. 8. Variet. cap. 43. explicamus, nouerat ille quendam, qui quoties caputium reduxisset, velut agitato tinione scintillas effundebat. Nouimus & nos quendam, scriptis aliorum refutatis notissimam, qui in iuniore ætate dum excuteret in tenebris tibialia totam cameram illustrabat. ita equi nigri & cati contra pilum perfricti, scintillant. nam sudor pinguis & viscosus exit ex præcalidis corporibus & statim arefcit, subindeque inflammatur. idem apparet in cæmeterijs, coquinis, sub patibulis vbi videntur ardere lumina. quia in illis locis terra fumos pingues & crassos exhalat ex mortuorum cadaueribus. Ignem eiusmodi nobis exhibuit saccharum candidum cui nullum ictum illisimus quin flamma eiusmodi operiret cultrum. Tiberij equus flammam in pugna ore eiebat interdum, vt scribit Gillius lib. 4. cap. 1. de quo est & apud Heliodorum. de alio cecinit Architreneus

- - - ignes equus arduus efflat

Ælianus lib. 16. cap. 39. scripsit apud Chios fuisse in quadam Pellæi montis valle enatum draconem, qui cum ingenti sibilo flammam dum respiraret eructabat. Huius naturæ prodigij, vt rationem demus assumimus ex Solino in Polihistore cap. 30. draconis descriptionem. est bestia oris strictissimi, molis maximæ, calidissimorum viscerum. hoc notato. bestia indiget multo aëre, vt æstum temperet quo exuri videtur, hunc

per

per angustas oris fistulas, dum sorbet maximo suctu  
& expellit, attenuat, atterit & in flammam vertit, si-  
bilibumq; grandem ciet, huic immiscetur magna copia  
fuliginum ignitarum anhelatione vasti animalis facto  
impetu, spiritibus cordis pulmonumq; immistis. quò  
ignem euomere Dracones, Poëta cecinerunt. Virg. 2.  
Æneid. Homerus, Ovidius. & Lucanus lib. 9. etiam  
chelidro serpenti hoc ipsum attribuit

- - tractiq; viâ fumante chelidri.

Iob autem cap. 41. dum Leuiathan describit. sub figu-  
ra draconis, ut patet ex Isai 27. *Sternutatio eius splendor  
igni, de ore eius lapides procedunt, sicut tædæ igni accēse,  
de narib<sup>9</sup> eius procedit fumus, sicut olla succēsa atq; seruētū,  
halitus eius prunas ardere facit, & flāma de ore egreditur.*

## C A P V T IV.

### *De Dracone volante.*

13. *Draco volans.* Hunc in igne æthereo natum,  
pro sua indole. facile sibi persuasit, verumq; esse ani-  
mal, credidit Paracelsus. Sed nobis est nubes accensa  
deorsum cadens quâ parte densatur. in hac cæruleum  
effingit colorem permixtio lucis & opaci, ita enim  
diffusi apparent montes cærulei. sonum & sibilum fin-  
git, quia materia madore permixta, talem exprimit  
sonum pulvis pyrius madens accensus. Sinuatur ac  
gyros format, partibus quibusdam velocius, tardiùs  
alijs decidentibus: partes nubium appositæ figurant  
alas: scintillæ volantes circum caput, mentiuntur vo-  
mere ignem. Est signum impuri aeris. Qui draco-  
nem per artem imitari voluerit. Sumat oblongas cor-  
rigias, & maceret in aqua vitæ in qua fuit resoluta

camphora, & farinâ pyrij re'pergat, ex altoque accensa deijeiat, videbit tortuositatem, & scintillas & flammam & sibillum audiet.

## C A P V T V.

### *De Stella cadente.*

14. *Stella cadens* est exhalatio pinguis accensa, atq; decidua, talem efformat indita pyrobolo materia eoque exusto, cum igni deorsum descendens. Pro ea sumunt salnitri libram semis, sulf. vnc. 2. Succini pul. uerisati vnam, antimonij crudi vnam, pulueris triti, tres. Alij Sulfuris vnc. semis salnitri vnc. 6. pulueris subtilissimè triti 5. semis, olibani, Masticis, crystalli, mercurij sublimati. singul. vnc. 4, ambræ albæ, vnam: camphoræ, antimonij, auripigmenti, sing. vnc. semis. omnes materias terunt miscēt, atque gummi Arabico subigunt, formantque globulos fabæ quantitate, atque exsiccant; & stuppâ inuolutos, pyrobolo imponunt. Facillimè cadentem stellam exprimes, si filum pulueris pyrio contrito in crustatum, accenderis.

## C A P V T VI.

### *De Capræ Saltantibus.*

15. *Capræ saltantes sunt*, ignis per exhalationem in longum inæqualiter extensam procedens, quæ cum motu quodam & quasi transultu ignitur. taliter flamma procedet, si colliculos pulueris nitrij copules filo sulfurato, atque succendas. imò globum saltantem igniuomum habebis, ligneum cura fieri cauum & tubos plurimos intrude, qui omnes centrum respiciant, eosque onera puluere, hi enim quoties explodent, toties

ries globum iactabunt. vel fac sphaeram cauam char-  
taceam, hoc modo: globum ligneum, aut alterius  
materiæ, circumline cerâ & super eam conglutina  
multipliciter papirum, deinde vbi opus resiccatum.  
scinde per medium atque igni admoue, vt resoluatur  
cera, habebisque duo hemisphæria, intra hunc glo-  
bum concludere duas rochettas perforatas, sed sine af-  
fusione pulueris viui, easque ita dispone, vt orificium  
vnius cum alterius caudice concurrat, & pro vnius  
tantum accensione foramen relinque curret globus in  
vnam partem, quamdiu prior ardebit rochetta, curret  
in alteram, vbi altera à priore flammam hauserit, &  
multiplicatis pyrobolis, cursus & reditus multiplica-  
buntur.

## C A P V T VII.

### *De Stipulis ardentibus.*

16. *Stipulae ardentes, seu scintilla*, sunt ignis in dis-  
continua materia qualem pyrotechnici in hunc mo-  
dum efformant apud Equitem Lituanum. accipiunt  
salnitri vnc. 1. materiæ liquefactæ vnc. semis, tantun-  
dem pulueris triti, camphoræ dr. 2. singula seorsim  
puluerisunt & soluunt, cum spiritu vini, in quo solu-  
tum fuit gummi Arabicum: huic solutioni imponunt  
gossypium concisum minutatim, sed quod fuit prius  
in aceto, aut vino adusto decoctum, ac post resicca-  
tum, fiuntque particulae mole pisorum, quas farinâ  
puluerum aspergunt, resiccant, atque in auras explo-  
dunt, istæ enim stipulas ardentes proximè assequun-  
tur,

## C A P V T VIII.

*De Lampade.*

17. *Lampas, licenum, affub ascendens, qui, &, ignis albus dicitur, estque, in materia pauca & conglobata, illi æqualiter subtili, quæ ob paucitatem extendi nequeat, sed dum extendit se in vnâ partem, contrahitur in alteram. Talis olim deciderat Romæ, dum Germanicus Gladiatorum spectaculum ederet. Confirmat hanc speculationem experientia pyrotechnica quam cum doctissimis mutuari non dedecet, datâ illius Magistris fide in arte sua. Sic autem habet. Accipiuntur antimoniij, crudi lib. 2. salnitri lib. 4. sulfuris lib. 6. Colophoniz lib. 4. carbonum lib. 4. fitque globus, qui eijcitur mortario, hic enim in suo cursu ardet & lucet. Alij sumunt Antimoniij libram semis, salnitri libram 1. Carbonum lib. 1. Sulfuris lib. semis. Colophoniz lib. 1, picis nigræ lib. semis, miscentur, & in fictili supra carbones, cum cautela, liquantur, tum stuppæ tantum iniicitur, vt materiam ebibat, formanturque globi, qui eodem modo, vt priores in altum, mittuntur.*

## C A P V T IX.

*De minutioribus Meteoris igneis.*

18. Minutiora sunt ignea Meteora & quæ formantur iuxta figuram exhalationis, *trabes, clypei, haste, saxes, &c.* quæ ita fieri experientia nobis pyrotechnica probabit, quæ similia exhibet, aut formando in eam figuram materiam, aut materiæ solam eam partem detegendo, *Scutum igneum* ita pyrotechnici formant.

Intra

Intra duos asseres reducitur canalis spiraliter ductus materia pyrobolari impletus, multaque ad eum, per asserem ducuntur foramella, quibus singuli pyroboli adduntur, ut eo successivè flagrante etiam ipsi non simul accendantur. *Clavam* igneam formant hoc modo. accipiunt libram unam picis, sulfuris vnc. 4. Carbonum vnc. 2. miscent, & pinguedine vel cremato aspergunt, ac globum formant, eique addunt manubrium, atque accendunt. *Gladium igneum* hoc modo construunt. Intra tabellas ligneas oblongas ad imitationem gladii canalem includunt. Sæpiusque lignum perforant, & singulis foramellis apponunt rochetam. *Calicem igneum*, ita constituunt. fit calix è ligno tornatus, habetque canalem, qui hæc vel simili repletur materia, quæ obscuram producit flammam.  $\mathcal{R}$ . pulveris vnc. 4. Sulfuris vnc. 2. Carbonum vnc. 1. Antimonij crud. vnc. 2. salis communis vnc. 1. tum in fundo ponitur aliquid pulveris granulati, & pyroboli inferuntur, qui orbe ligneo teguntur, & tandem pice inducuntur, hic calix infernè accenditur. Alias figuras sic efformant, excindunt intra asserem quod volunt videri, & ignem intus pyrobolarem recondunt, ita, ut nonnisi per ea, quæ volunt foramina refulgeat, accensa materia.

## C A P V T X.

## De Fulmine.

*Fulmen*, putavit ex astris, ut è vasis depromi. Paracelsus cap 8. Meteor. nam astra credidit esse vasa onusta sulfure, Mercurio, salpetra. Plin. lib. 2. c. 20. censet astra vivere, vaporibus pasci, fulmina excernere.

re. Bodinus lib. 2. theatri, nonnisi à dæmonibus formari. Sed sepositis fabulis, *fulmen nobis est exhalatio mixta metallari materia, quæ conglutinatur instar farinæ lenis & sicca & conatur in secundam regionem euadere, sed ab obstante nube repellitur, & sic agitur & tandem accenditur. Quodsi diutiùs retineatur intra nubem, calore solis & nubium frigore cogente durefcit in lapidem, quem materia fulguris, vt cognatum ambit, & cum illo iactatur, & deiicitur. eruditè & Philosophicè Maro fulmen descripsit.*

Tres imbris torti radios, tres nubis aquosæ.

Addiderunt, rutili tres ignis, & alitis Austri

Fulgores, nunc terrificum sonitumque metumq;

Miscebant operi, flammisque sequacibus iras.

Accenditur fulmen antiperistasi vel aquis, vel ventis. fundus enim nubium sæpè ad densitatem aquarum accedit, ideoque rupto eò passim fluit inter fulminationes. Iam causas præcipuarum eius proprietatum reddamus. *Fertur deorsum*, facit hoc materiæ proprietates eò rapientis ignem, nam & aurum quod vocant Fulminans, ima petit cum fragore, conficitur apud Kircher in mundo subterr. hoc modo. Accipe aquæ fortis ex duabus partibus vitrioli & vna parte nitri distillatæ lib. 1. & hæc erit aqua regia. in hac aurum in fustula concisum leuî calore, cum nonnulla abullitione dissolue. Solutioni huic guttatim instilla lixiuium ex Tartaro: & vehementi ebullitione peractâ aurum instar limi in fundo subsidet. hoc peractò, falso tamdiu eluatur, donec nihil ampliùs acrimonie appareat, sedimentum postea auri leuissimo calore siccet, & fiet materia, quæ vel odore ignis ardescit.

Simi-



Similem habet Osualdus Crollius in sua Basilica, & Casimirus in Artelleria descriptionem. Eadem de calce Martis à Chymicis asseruntur, iacitur & hæc deorsum; proinde qui fulmen volet imitari, pyrobolo eiusmodi pulverem loco explosionis infundat.

### § 1. De Colore flammarum.

*Flamma ignis fulminei sæpè colorata.* hoc prouenit ab alimonia, à qua ignis colorem assumit. Nam si certas portiones camphoræ ad materiam exurendam adieceris, flamma dabitur alba, pallida, & lactea. Si picem græcam, spectabis flammam rubeam vel æneam, si sulfur, cæruleam. Si sal ammoniacum, viridem. si antimonium crudum, rufam, mellinam, aut buxeam: scobs eburnea, argenteam & candidam facit flammam, sed paulò subliuidam: scobs succini flauam, vel citrinam. pix naualis dura, atram, fuscam. Exhibuit flammam viridem & hoc modo, P. Balthasar Conradi. æris viridis flores, siue æruginem imposuit in aquam vitæ omni phlegmate liberam & imbibi per aliquot dies fuit, ac tandem accendit.

### § 2. De Viribus flammarum.

*Flamma ignis fulminei pertinaciter aquis resistit.* prouenit hoc à mixturis materiæ istis, vel huius similibus, quæ etiam ubi incendium conceperint, aquis non cedunt. Prima hæc mixtura vulgaris apud Kircherum Ruscelli. Accipe calcis viuz, Tutie non præparatæ, salnitri sæpiùs clarificati, magnetis, sing. partem 1. sulfuris viui, camphoræ, sing. partes 2. terantur optime & ponantur in olla fictili noua, quæ immittatur

in crucibulum, quod altero simili claudatur: ferreisq; filis colligentur mutuò, atque commissuræ ne materia perspiret, luto muniantur: hoc vbi fuerit siccatum, defer ad calcariam vel laterariam fornacem, vt ibi igni vehementi torreatur, & postea simul cum calce vel lateribus prole excoctis exime, & ruptis extrahere vasis, materia intus contenta, proposita satisfaciet. Aliâ compositio Alexandro M. adscribitur, & sic habet.  $\mathfrak{R}$ . Olei benedicti lib. 1. olei lini lib. 3. olei de vitellis ouorum lib. 1. fiat mixtura. Tertia est Filiij Amram, celebris & illa, quæ etiam ferrum exurit, taliter verò instituitur.  $\mathfrak{R}$ . Picis liquidæ, gummi Iuniperi, olei è lacryma terebinthi, olei ex bitumine, olei ex sulfure, olei de nitro, olei ex ouorum vitellis, olei laurini, sing. partes senas, pulueris lauri siccæ, capies vtriusque in aquæ vitæ macerati sing. partes 14. salis petræ ad pondus omnium. imponantur hæc vasa vitreo oris angusti bene obturato atque lutato: & desodiantur in ventre equino per menses sex, quarto quoque die agitando, deinde distillantur in Seraphino. Quarta Florauantij hoc modo habet.  $\mathfrak{R}$ . Vernicis quæ coria inaurantur lib. 10. sulfuris viui lib. 6. olei resinæ lib. 2. salnitri lib. semis. olibani lib. 1. Camphoræ lib. 6, aquæ vitæ optimæ vnc. 14, misce ad lentum ignem & stuppas intinge. Quinto, Vfanus hoc modo componit.  $\mathfrak{R}$ . Pulueris, sulfuris, salnitri, salis ammoniaci. ana lib. semis. camphoræ vnc. 2. hæc terantur, & cribrentur, addatur pugillus salis communis, affundatur olei q. 5. plura eiusmodi inuenies apud Kircherum, Schotum, Portam, & alios experientialiter philosophantes.

## §. 3. De effectibus flammarum per accidens.

*Ignis fulmineus subinde excacat.* Ob admixtum exhalationi venenum. *Obscurum inducit fumum* ob antimonium crudum. nam ꝑ. picis navalis duræ lib. 4, picis liquidæ quæ Bertulolenti dicitur lib. 2. colophonix lib. 6. sulfuris lib. 8. salnitri lib. 36. liquefiant supra carbonem; & vbi fuerint soluta, adde carbonum lib. 10. Serraginis pineæ vel abiegnæ lib. 6, Antimonij crudi lib. 2. misceantur, & hoc liquore stuppa imbuta incendatur obscurissimum ac plenum caliginis dabit ignem. *Fatorem excitat aliquando fulmen* potissimum id oritur ab assæ foetidæ, aut spatulæ foetidæ admixtis spiritibus. nam ꝑ. picis nigræ lib. 10, picis liquidæ lib. 6, salisnitri lib. 20. Sulfuris lib. 8, Colophonix lib. 4. lento igne in vase solvantur. Solutioni adijciantur carbonum lib. 2, scobis vngulæ eorum lib. 6. assæ foetidæ lib. 3. sagapeni lib. 1, spatulæ foetidæ lib. semis. his stuppa imbuatur, & veratur. *Non omnibus aque nocet halitus fulmineus,* eadem ratio quæ redditur cur non omnibus æquè noceant venena ac pestis. *Non omnia inflammat,* quia quibusdam parcit ignis, parcit asbesto, & carbaso, & pyragmo styrpi & amianto, vt docet Nieremb in hist. & Strabo refert: ad Caristum nasci lapidem qui ducitur in fila, ex quibus mappæ ac lintea, si fortè contrahant sordes, igni purgantur. Parcit & illis ignis quæ generantur ex igni, si quæ sunt eiusmodi. Famosa est Aristotelis Musca grandior in tornacibus nata cuprarijs in Cipro, dicta Plinio Pyraulis aut Pyrausta. Solinus etiam narrat aues Carystias in igne vivere,

re, sed Alber. Mag. negat fidem, de Salamandarum vita in hoc Elemento affirmatiuam sequitur. Galenus, in igne viuere, & post illum Matthiolus etiam, Pyraustam negat. Cardanus illam putat ex purgamentis ignis oriri, Scaliger & Agricola ex ipso igne. Nos cum Aristotele dicimus nasci in igne, sed non ex igne. Verum ex halitibus, vaporibusque atque fumo, ex puro igne nihil censemus generari, siccus ille est, generatio requirit humorem terræ ac aëri per benedictionem Creator impertijt fecunditatem, non igni. Diuus Thomas salamandram concipi credidit in igne, sed cum pyrausta confudit. Salamandra est lacertæ species punctis stellate: inuenitur in fontibus ac macerijs, vincitur à magnis ignibus, paruos superat frigore: similis ranæ est viuens, sed caudâ acutâ: est alia palustris, alia terrestris, vt docet Greuinus. Kircherus se illam vidisse sæpius, scribit in sua China, & describit esse mucosam ac plenam nausæ, instar limacum tardam, carbones accensos suâ mucositate extinguere, hoc ipsum sentit Scalig. exer. 205. ait Kircher, & limacem in supprimendis ignibus æquè ac Salamandram valere. Sed fabula est hoc, animal inter flammam viuere, nec pyrausta in magno durat igne: incineretur etiam Salamandra. Verum non per hoc negamus inueniri aliquid, cui parcat ignis. & quidem quoad speciem tractabit, hoc modo aliquis flammam. Sit cylinder caua specularis, in fundo ponatur candela, videbitur supra cylindrum flamma, sed erit innocua, & hanc digito quisque rimari poterit: apud plures legimus; Si aquam fabarum calidam dissolueris cum calce, & maluauiſci, atque magranculi  
aliquid

aliquid addideris, istâque massâ indueris manum, atque reficcaueris, ignem innoxie deferre poteris. Hunc etiam ignem scribunt adeò mitem esse, ut supra manum ardere possit absque noxa. Recipe ana æqu. olei petrolei, terebinthinæ, calcis viuæ, adipis veruecum & porci, terantur atque incorporentur, distillenturque in cineribus calidis, aqua illa quæ prodierit, si inflammetur, tam mites datura flammæ. *Fulmen aliquod omnia discerpit.* Huic credimus similem inesse compositionem illâ, quam Florauantius apud Harsdofferum ponit, quâ, si tormentum æneum oneretur, discerpitur. Recipe salnitri, inquit, vnc. 36, sulfuris vnc. 4, Carbonum & herbæ puluerisate viseglia vnc. 6. fiat puluis. Denique dantur *muta fulmina*, sed hæc necesse est minus violenta esse, cum etiam pulueri pyrio, quantum demitur de sono tantum de viribus: idem Florauantius pulueris huius descriptionem reliquit. Recipe lib. 3. salnitri purificati, vnciam vnam & semis, camphoræ puræ: sulfuris optimi vnc. 4, carbonum nucis vnc. 6, misceantur, fiat puluis. Sed hunc quidem sono minore, non tamen nullo credimus.

#### § 4 Fulminum diuisiō.

20. Tres ab Aristot. & Seneca natur. quæst. lib. 2. c. 40. species assignantur fulminum. *Prima est argia* græcis, quam Seneca vocat terebrantem: ideò, quod cum sit fulmen subtile, materiæque rarioris possit facilius ire, & se insinuare in corpora porosa: huius effectus est penetrare corpus saluâ interdum eius substantiâ, ut, si fregeris nûces saluo sacculo, in quo reposuisti,

fuisti, hic soluit aurum, aut argentum clausum non lasso vase: gladium vaginâ integrâ. consumit vestes illaso corpore, crines adurit intacto homine: pedem comminuit calceo non scisso: manum lædit, chirothecâ non afflicta. Causam huius effectus dat Arist. & Damasc. phys. c. 18. quia rarioribus & tenuioribus parcit, duriora adurit aut destruit: in tenuioribus quæ non resistunt inueni facilè porcos, quos celerrimè sine, aut cum pauca noxa, permeat: in durioribus autem inuenit resistantiam, & quasi contumaciam, quæ introitum & celeritatem dum retardant, sibi nocent: rumpit enim illa, adurit & destruit. contingit tamen, ut saluo vase vinum consumat. causa est non ignis, sed alia qualitas quæ subitò vinum in aërem resoluit. *Secunda species* habet fulmen fuliginosum, tumidum, decolorans, quod propter flammæ mixturam maximam cum fuligine, non exurit, sed adurit: extra non intra depascens & denigrans, qualem effectum dabit tibi extremitas flammæ, cum ardet picea. *Tertia species* appellatur fulmen clarum siue vrens, quod puriorem habet flammam ideoque magis vrit. alias species minùs nobiles affert. Plin. lib. 2. c. 43.

### § 5. De lapide Fulmineo.

21. *Lapis fulmineus* dicitur Ceraunia. In longum se extendit, quia partes humidæ, ut pote grauiiores superiùs relictis siccioribus petunt inferiora reperitur in æquilibrj loco sæpiùs foramen, natum ex eò, quod dum se partes constringerent incluserunt aërem, qui deinde liber abiit. subinde refert figurâ malleum aut securum, estque silici similis, nascitur exhalatione

concreſcente cum humido ad eum modum, quo in homine calculus, aut in dolijs vini tartarum, ſalis nimirum partibus in ſublime raptis & coagulantibus. ita & vapore concreſcere Lapidem ſerpentinum, in hunc modum deſcribit. In Iſagoge Phyſico-Magica-Medicâ Auguſtus Elezerus. *Congregantur in circulum ſerpentes & conſibilant, ſerpente auguſtioris forme in media exiſtente, aliorumq; halitum excipiente, qui in ſpumam primò, & vltioriè aſpiratione & ânhelatione in lapidem conuertitur, quo Regem ſuum inſigniunt, id quod pene puer in montano quodam tractu vidi.* ita & ille & his verbis *Seruatur Enſichemij* [narrat Anſ. Bôët de gemmis] lapis fulmineus in templo trecentarum librarum: lapſus anno 1492. Filo ſimplici circumuolutus hic lapis atque igni impoſitus madet, ſed hoc habet cum pleriſque gemmis commune, quæ frigore excellentes aërem vicinum ad eum modum, quo fenestræ hyeme in calida camera, in aquam reſoluunt: & ex hac cauſa filum aliquamdiu conſeruat, ſed madorem æque ſine filo exhibet. Puerorum lactentium, inquit idem, ſanat hernias, aut ab illis præſeruat cunis impoſitus, ex quo patet quòd exhalet qualitatem vehementer adſtringentem. *Brontias*, dicitur, lapis qui cadit cum tonitru, figura illi hemiſphærica, ſæpè maior oui magnitudine aliquando circulos binos iſtar modioli, qui ſupra axem voluitur, cum figura eiſdem præfert: ſubinde velut nuper excluſa teſtudo in lapidem conuerſa, viſitur; eiſque colorem exprimit. virtutes illius nondum exploratæ. *Omhrias* lapis eſt, qui cum imbris decidit, naſciſque poteſt ex ipſis aquis tam hic quàm ille: cum non pauci dentur fontes

res quorum aqua statim lapidescit : imò omnis lapidescit in qua aliquis nascitur lapis. accipe eundem lapidem, experiere veritatem, pone cum aqua in qua est genitus in alembico, & distilla, agglutinabunt se partes crassiores fugientibus subtilioribus, sed aqua sæpius affundenda, crescet lapis, donec alembicum impleuerit.

### § 6. Effecta fulminum.

22. *Effecta sunt fulminu.* 1. Ea quæ contigit sulfuris odore implere, quia se exhalatio sulfurea illis imprimat, ideò teste Seneca lib. 2. cap. 73. oleum & ipsa vnguenta fulminata, tetrum odorem acquirunt. 2. Alta sæpius petere, quia è nubibus vna perpendicularis, linea duci potest, infinitæ ad latera, seu vt vocat Aristoteles diametrales, sic turris alta pluribus occurrit, casa humilis vni fulminis viæ : in super fulmina in obliquum feruntur. 3. Subinde exusto dolio vinum conseruat, vti contigit apud Senecam per triduum, quia tenui pelliculâ induit in quam concrescit viscora exhalatio iuuante humidi o'sistentiâ ac frigidi. quæ vis etiam herbæ Psellio, si immittatur vino, tribuitur à Plinio : sed fulmen tale vinum veneno imbuit. 4. Nullum animal fulmine accenditur, nisi prius fuerit exanimatum, quia non accendit nisi præparatam materiam. 5. Vulnere quæ fecit fulmen in animali, cætero corpore frigidiora deprehenduntur, hoc à metu ac veneno infuso prouenit. 6. Fulmen dum venenata animalia percutit, veneno exuit, quia venena plerumque tollit ignis, ita aër pestilens igni purgatur, imò eâ vulnera, quæ



quæ intulit venenatum. Sed inficit non venenata fulmen, nam quædam venena in fumos resoluta sunt seuiora. experiuntur id aurifices in Mercurio, tale ergo venenum affert secum fulmen, quod ubi hostem non reperit cuius mixturâ intereat, aut moderatius euadat, sicut in theriaca, aut medicinis quædam venena, ipsum dominatur. 7. Quandoque lædit foetum in utero illasâ Matre: quia à veneno superatur facilius quod est infirmum, sed magis crediderim hoc ex matris Matris infanti euenire, concutiuntur ea ex quibus pendet infans, & sanguis atque humores vehementer alterati affunduntur: tum infans velut fructus concussâ arbore, delabitur. hoc legitur de Martia muliere Romana, apud Plin. cap. 51. legitur & alibi 8. Serpens fulmine tactus vermiculat, quod alias ei non euenit, quia veneno liberatur, quo multum friget, frigida verò non ita faciliè putrescunt. 9. Dormientem si tangit oculos eius aperit, vigilantis verò claudit, quia huius perstringit fulgore, illum expergeficit. 10. Percussi fulmine faciem vertunt contra illud; sic nimirum naturâ factum est, ut nos vertamus contra id quod nobis illabitur, aut nos ferit. 11. Intuentes cælum fulgurans aliquando excæcantur, ob vehemens sensibile quod lædit sensum retinamque incendit, vel certè ob haustum oculis ignem: aut venenum. aliquando intumescunt facie, aut lepram contrahunt, spiritu nimirum arsenicali, aut alio eiusmodi se in faciem vibrante. 12. Subinde vnum occidit, alterum assidentem non. eadem causa, cur vnum mæter non alium pestis. Sæpius tamen est hoc diuinæ opus dextera, quæ in puniendo errare nescit. subit

de, quia exhalatio non tam latè se extenderat, vt in-  
uolueret vtrumque. 13. Ordinariè cuneus fulminis  
infra terram non vltra pedosquinos descendit: de-  
scendit globus tormenti, quia non lapis, sed exhalatio  
impulsu illo fertur, quomodo solet accensus solus  
pyrius, & si etiam lapis fertur accipit impulsum in-  
libero, globus intra tubum, sic globo totus & vehe-  
mentior affigitur: lapidi, pars aliqua. exhalatio in-  
super vectrix lapidis dispergitur intra terram.  
14. Fertur irregulariter, prout materia per aërem  
spargitur quam prosequitur: impulsus deinde est in-  
libero, qui à leui repercussu aliorum auertitur, hinc  
cecinit Horatius

- - - obliqui via fulminis,  
obliquitatem insuper facit vis ignem, quæ à natura  
alta petit, facit aëris resistentia, quæ magna in velo-  
cioribus motibus sentitur, inde est, vt etiam sonitus  
fiat, & quædam frangantur.

### § 7. Remedia Fulminum.

23. *Remedia fulminum.* Varia præscribunt varij.  
Alij suadent loca profunda subterranea petere. Alij  
pelle vituli marini inuolui, qua de causa olim Imper-  
atorum tentoria ex eiusmodi pellibus fiebant: & Au-  
gustus Imp. pellem hanc vbique circumferebat pro-  
pter metum fulminum. causam conatur huius anti-  
doti reddere. Plin. lib. 2. c. 55. Quia ex natatilibus  
solum vitulum marinum non tangit fulmen, sicut ex  
volatilibus Aquilam, quare & armigera Iouis, & por-  
titor fulminum vocatur. Conimbricenses opinantur  
hec duo animalia occulto naturæ instinctu percipere fulmi-

fulminum descensum, atque se tempestiuè subducere. Sed hoc pelli attribui non potest, si tamen verum est, quod à fulmine conseruent, inesse his censemus virtutem veneni repressivam. cœterum fortasse in hoc persuationem vulgi sequuti Cæsares: ex qua etiam, Tiberius coronam lauream metuens fulmina gestabat, nam Vicomercatus 3. Meteor. cap. 10. scribit, & alias & paucis ab hinc annis ictam laurum fulmine, proficua tamen laurus odore, quæ etiam pestem arceat. Aliqui cum Alb. Mag. Buxum, quercum, pinum, aliaque ligna nodosa & tortuosa non faciliè putant lædi à fulmine propter duritiem corticum: sed contrarium euincit experientia. Plin. lib 37. c. 10. immunitatem à fulmine promittit gestanti corallium, sicut Cardanus gestanti gemmam hyacinthum, sed hunc ridet Scalig. & illud videtur esse fabula, Ecclesia campanas pulsat benedictas, partim ob naturalem causam obquam etiam vtile est tormenta bellica explodere, quia exhalatio coacta in nubibus vnâ cum ipsis, ex valido sono dissoluitur, partim vt dæmon, qui non raro adducit fulmina, videns & sciens Christianum populum pro sua incolumitate supplicantem, ad quod incitant campanæ, quibus oratio Ecclesiæ cum benedicerentur, Deoque sacrarentur, est annexa territus vnâ cum fatali nube recedat Iudæi tamen tempore maximorum tonitruorum lætantur & triumphant aperitis fenestris. Causa est quia ex nubibus venientem, expectant Messiam, iuxta illum locum de secundo Messie aduentu prolatam, ab illis de primo præuè intellectum. Dan. 7. 13. *Aspiciebam ego in visione nubem, Ecce in nubibus cali, quasi Filius hominis veniebat.*

## § 8. Specialia effecta ignis fulminei.

24. *Ignis fulmineus* denigrat carnes quibus incidit, partim ob adustionem, partim ob veneni affusionem. *Soluit metalla* ob salem ammoniacum & nitrum. nam si ex oleo salis ammoniaci & nitræ ellychnium lampadis imbueris, & per fistulam obliquam aurifabrorum, in metallum flammam impuleris, statim fluet. Imò intra putamen nucis solues metallum. Recipe sulfur, nitrum, tartarum, ana æqu. contunde, & in putamen infunde, intraque hæc sepeli metallum, ac demum accende carbone. imò solum inflammatum sulfur, si appresseris ferro, in guttas friabiles ferrum distillabitur. *Metalla* subinde, ignis fulmineus, quæ attigit *fragilia* reddidit, id Mercurio adscribimus: cuius fumò, iuxta Paracelsi lib. 3. de generat. rerum, aut oleo ut vitrum, fragile redditur ferrum, quod dissolui instar arenæ, idem ibid lib. 4. docet, si laminetur, & cum Mercurio amalgametur, demum mercurius per expressionem separetur. Lacte citius extinguitur: aqua enim præ vehementia caloris abijt in vaporem, quod etiam in magnis incendijs fieri spectauimus, cum per siphones injiceretur: vapor verò in altum tollitur, & sic nihil aquæ ad ignem pertingit. lac autem suâ se glutinositate affigit rei accensæ ac intra poros ignem suffocat: ideoque lac adhibetur potissimum caprinum, quia viscosius. Facimus fidem Plinio lib. 2. c. 54. Neminem tangi fulmine, qui eius sonum audierit, idem euenit circa sclopos, sonus post actum.

## C A P V T XI.

*De Fulgure.*

25. *Fulgur* est exhalatio accensa, sed minùs violentis quàm fulmen permixta, præterea fulminis materia tota simul incenditur, fulguris per interualla: fulgur intra vel paulo infra nubem accensum prodit, fulmen autem longius excurrit ac vibratur, quare ab antiquis, fulgur dicebatur Iouis comminatio, at verò fulmen, ictus. Verulamius lib. de Ventis, notat. Si fulguret à Septemtrione, grandinat. Si ab Austro & Zephyro, imbres & tepor. in causa est commotio humidi aut frigidi.

## C A P V T XII.

*De Coruscatione.*

26. *Coruscationem* exhalatio non continua facit, inde lumen eius tremere videtur ad eum modum: vt si quis acceperit sulfur, salnitrum: naphtham, camphoram, æqualiter ad pondus, & contrita, spiritu vini diluerit, ac in cucurbita supra carbones fecerit exhalare, acceptâ dein face ingressus, accenderit. Vel faciliùs. resinam duram puluerisatam, per canaliculum in candelam insuffla, videbis quiddam coruscationi simile: quam adhuc magis exprimet, pix Iuniperi eodem modo parata, ac per ignem iactata.

## C A P V T XIII.

*De Tonitru.*

27. *Tonitru* est sonitus factus in nubibus ex accensione exhalationis calidæ non continuæ, In tonuère

poli crebris micat ignibus æther, non verò excitatur hic sonus per nubes veluti alicuius solidi ruptionem. nam in metallis odinis similia sunt tonitrua, ut scribit Kircher. in mund. Subterr. quoties exhalationem contingit accendi. & hoc ipsum fieri censemus in monte Africano dicto Serra Leonis, qui tantoperò semper tonat, ut ad 50. milliaria exaudiat. Anaxagoras credidit ignem in nube, veluti dum cadens saxum aquis iniicitur, extinguere, illosque cedere sonos. Sed neque ullum subiectum ignium intra nubes tam densum ut conseruet ignem, neque nubes tam arcte stringunt propterea si ita accensum aëri exposueris humido lapidem, non tonabit. Paracelso nihil aliud tonitrua quam firmamenti collisio. Tonitruum quia versus terram aërem impellit per quem defertur sonus, vehementius subinde mugit quam tormentum bellicum, sed non tam procul exauditur: quia tormentum versus latus aërem impellit, ideoque à parte aduersâ, maximè vento fauente ad 20. etiam mill. germanica exauditur. Præcedere solent tonitrua in cauernis motum terræ, quia accenditur exhalatio quæ deinde locum maiorem, ut potè rarior facta, querit, ac terram conuenit, inde aliquando etiam cum igne erumpit. Crepat tonitruum, cum partes totæ simul flammescunt. eo modo quo globulus vitreus quantitate anellanae ad medietatem aquâ nitrosâ repletus, hermeticè clausus focoque iniectus. Vel certè illum crepitum facit humor exhalationi pingui ardenti incidens, ad eum modum, atque si pinguedini, vel aëri, vel plumbo ardenti, guttam aquæ inieceris. stridet tonitruum cum per materiam humidam ignis discurrit. Tumul-

multuatur tonitru, cum partes diuersis locis ardent. Citiùs percipimus coruscationem quàm sonum, quia species visibiles velocius feruntur: imò licet tardè ferrentur, nihil est ex quo earum tarditas notari possit. quò tamen sonus vehementior fertur, citiùs hinc maior fulminis fragor intra vnum ictum artenæ, minor intra plura peruenit: tormenti bellici sonus ab itinere mediæ horæ, vti obseruatum, intra 10. pulsus arteriæ, se nobis sistit. Sed hoc non semper æqualiter, quia citiùs in aëre puro se promouet sonus. Aër qui nam sit tenuior examinari potest folle fabrilis eleuato, in quo enim citiùs follis descendit, ille tenuior aër.

#### § 1. Significata tonitruum.

Tonitru matutinum notat aquam & ventum: meridiana imbres: vespertinum mare turbat: hybernū ventos graues mouet, si fides Dauidi Trolichio in Biblioth. Tonitruū significata variè apud V. Bedam, quod sequitur Antonius Misaldus Monlucienſis cui adiungimus Leopoldum Austriacum, hæc ponuntur. Si tonitrua fuerint ab oriente frequentia, notant bella. Si à meridie, pericula in mari. Si à Septentrione, pestes, sed Ethnicorum & aliorum pessimorum mortalium. Hæc de cardinibus mundi, de tempore etiā desumunt alia, iidem. Si in Ianuario tonuerit, pecora morientur & homines, sterilitas camporum, & agrorum sequetur, venti validi, & frugum copia. In Februario, auditui sunt noxia, mortem plurimam, maximè diuitum prædicunt. Quæ fient in Martio, pestem, vel diem iudicij (o vanitas quam tamen non pauci Astrologi suspiciunt!), ventos magnos, fru-

gum copiam, lites. Quæ sunt in Aprili, maritima pericula, noxam feminibus. Leopoldus tamen ait, annuntiare bonum annum. Maialia tonitrua pluuiam copiosam, fertilitatem optimam, iuxta eum qui Bedæ scriptis hæc inseruit, at iuxta Austriacum, tamen. In Iunio, piscium copiam & annonæ. In Iulio si fiant, periclitantur quoad vitam homines, arborum sterilitas efficitur. Sed iuxta Leopoldum, fructus boni, & fruges copiosæ. Si in Augusto tonuerit, pereunt serpentes & pisces marini, morbi sequuntur. Si in Septembri, multi sæculares homines moriuntur, frugum copia & cædes magnæ fiunt. In Octobri tonans cælum, ventos, tempestates & fructuum inopiam adducit. Quod in Nouembri auditur tonitru, aduocat sterilitatem omnium rerum, sed iuxta Leopoldum frugum copiam, & hominum hilaritatem. Quod in Decembri, omnia bona portendit, copiam annonæ, concordiam populi. Amplius hi Mattologi progressi etiam ex diebus prophetari cœperunt. Quod, inquit, tonitru die Dominico personuit, Pestem in clero & monialibus excitat. Quod feriâ secundâ, mortes in coniugibus. Quod tertiâ feriâ frugum copiam. Quod quartâ die, effusionem sanguinis humani & scortorum mortem. Quod quintâ fertilitatem & copiam piscium, Quod sextâ, bellum, aut cædes Regum, aut pecorum pestes, quod vltimâ septimanæ, bella aut pestes. Sed quo hæc fundamento? quid rationis suspicari in his possumus? experientiam? at alia expertus Leopoldus etiam ipse huius artis scientissimus, alia alij. Sola nimirum superest temeritas & credendi & dicendi tanquam ba-



sis firmissima. Potest etiam tonitru sine ignitione  
prouenire. Recipe salnitri purificati lot. 2. sulfuris  
lot. 3, salis tartari lot. 1. puluerisa & misce: modicum  
imponere cochleari ferreo, supraque candelæ flammam  
derine donec calefiat, & experieris. Idem audies, si  
auro per aquam regiam soluto oleum Tartari instilla-  
ueris, vel si spiritum vitrioli, spiritum sulfuris cum  
sale terrestris hederæ confuderis.

§ 2. Effecta Tonitruum.

28. Post tonitrua prodeunt fungi, quia pluuiialis  
aqua repens spirituumque plena affunditur & hæc  
planta ex varijs exoritur. nam si cui placuerit semi-  
nare, producet ex concisis ac pridie infitis fungis,  
prodibit & ex cortice populi, & ex cornu arietis,  
cauendum tamen ne ferrum se admisceat, quia vene-  
natos reddit. Tonante cælo acescit mustum, imò &  
cereuisia recens, quia vasis apertis in quibus eiusmodi  
liquores asseruantur, exhalatio se inclinuat: idcirco  
Thimon suadet vitri fragmentis (hoc enim minimè  
porosum) præmunire orificium. Lemnius verò, de  
occultis lib. 2. c. 48. ferri lamina. Tonitru aliquan-  
do inducit surditatem, concussione vehementi tym-  
panum auris laxando, vel etiam conuellendo. Multa  
verò per accidens ratione timoris excitati operatur,  
nam ceruas ad partum disponit, conchas ad abortum,  
& alia eiusmodi. Contra metum se animabat Cali-  
gula Imper. uti refert Dion, iam caput obuoluebat  
ne audiret. iam sub lectulum se deiciebat: tandem  
machinam Salmonei excitauit, quâ retonabat, atque  
saxa in cælum aduersus Iouem iactabat illud Aiakis  
vsurpans. *Tolle me, aut ego te.*

## C A P V T XIV.

*De Galaxia.*

29. *Galaxiam* immeritò Philosophus inter meteo-  
 ra reposuerat: si tamen reposuit, quia nihil asseruit,  
 sed solum disputauit. Est itaque *Galaxia*, vti tubus  
 Opticus demonstrat, congeries stellarum: qualium  
 similis confluxus in capite Orionis præbet speciem  
 nubeculæ, itemque in præsepi. hanc veritatem olim  
 subodorabatur Parmenides ac Democritus. Stellulæ  
 istæ vnum quid videntur ob distantiam à nostro visu.  
 Poëtæ fabulantur viam hanc lacteam, esse spatium  
 quod incedio Phaëton ambussit, aut lac Iunonis Mer-  
 curium lactantis temerè in cœli pauimentum effusum.  
 nec plus dignitatis habet Theophrasti opinio creden-  
 tis esse vestigium conferruminationis duorum, cœli  
 hemisphæriorum. In firmamento est *Galaxia*, quia  
 nullam admittit parallâxin. Acosta illam lib. 1. c. 2.  
 asserit circa polum Australem mirè splendere, sed  
 multis locis, maculis ferrugineis distingui.

## C A P V T XV.

*De Cometis in genere.*

30. *Cometam* Seneca dum specularetur merito di-  
 xit. Nobis rimari illam & coniecturare in occult tantum  
 licet, nec cum fiducia inueniendi, nec sine spe, multa veni-  
 entis sæculi populus nobis ignota sciet. rerum natura facta  
 sua non simul tradidit: ininitatos nos credimus, in vestibulo  
 eius hæremus, illa arcana non promiscuè, neque omnibus  
 patent deducta, & in meliore sacrario clausa sunt, ex qui-  
 bus aliud hæc ætas, aliud, quæ post nos subibit, aspiciet.

Anaxa-

**Anaxagoras** & **Democritus** credebant cometam esse congregationem stellarum, sed hæ stellæ quàm erroneos haberent calles, quàm in tenebras abirēt subito! **Pelius** alij, qui planetas coniunctos Cometam efficere censuerunt. sed anno 1531. luxit cometa, planetæ fuerunt dispersi: insuper extra Zodiacum Cometa nullus esset. **Aristoteles** absolutè Meteoron esse voluit: dixitq; esse exhalationem siccam, calidam, terrestrem, cuius partes inuicē bene cohærent. Nos assignamus duplices Cometas, alios infra Lunam, & his descriptionem Aristotelicam assignamus: alios supra Lunam, & hos extra censum Meteororum nostratum ponimus.

§. 1. De Cometa sublunari.

31. *Cometa sublunares* variam magnitudinem & formam induunt, sub Aristæi imperio apud Aristotelem talis Cometa partem cœli tertiā impleuit: apud **Dionem** lib. 54. ante mortem **Agrippæ** in facies resolutus. apud **Senecam** creuit sensim ad magnitudinem **Galaxiæ**. apud **Sozomenum** Constantinopoli vsque ad terram pependit. Narrantur & decidui aliqui, supra **Ierosolymā** gladij figuræ: **S. Ludovico** prodeunti trans mare cum exercitu, sub imagine Crucis spectatus, anno 557. cū **Iudæus** imaginem Christi lanceā confixisset, visus Cometa specie lanceæ: initio **Belgicorum** motuum, instar ardentis Troiæ. Horum Cometarum tempore venti consurgunt turbulentissimi, quia tunc magna exhalationum terrestrium copia aërem occupat, quarum aliæ pinguiore & viscosæ ad supremam aëris regionem ascendentes cometam pascunt: alia

aliæ aridiores in materiam ventorum in regione infima vertuntur : quare refert Arist: Anaxagoræ tempore, Cómétam 75. diebus luxisse, quem deinde tanta ventorum tempestas consecuta ut turbo reuulsum à rupe ingens saxum ferret in sublime, & in Ægeum Thraciæ fluuium demitteret. Hi Cometæ rariùs generantur hyeme, propter multam frigiditatē, rariùs quoque sunt æstate ardente, quia Materia consumitur. Ver quoq; nimis humidum vetat exhalationem tam altè ascendere. Frequentiùs in Autumno, maxime quando est coniunctio Martis calidi, & sicci Saturni. Vita Cometarum huiusmodi pro ratione materiæ. Plinius lib. 2. c. 25. Cometam 7. diebus durare, breuissimè, ponit: 80. longissimè. Seneca 7. natur: c. 12. sex mensium durationē summam Cometæ assignat. Sed cometes qui apud Ioseph lib. 7. de bello, c. 44. excidium Ierosolymorum antecessit, integro anno fulsit. Si in materia sint crassa terrea, habent lumen forte, atq; etiam interdum sunt conspicui, talis in morte Commodi Imper: apud Herodianum lib: 1. in fine. Sub Augusto apud Plin: lib. 2. c. 25. qui oriebatur circa horam diei 11. talis de quo Cardan de Variet lib. 14. c. 69. Hispanis iuxta Brasiliam visus per 10. dies nocte & luce. Motum hi Cometæ habent erraticum prout materiam persequuntur. Sub Commodio Imper: à Septemtrione versus orientem processit. Sub Nerone apud Senec: lib. 7. c. 21. ex eadem parte versus occidentem, apud Plin: lib. 2. c. 25. ab Austro versus Septemtrionem Anno 1475. Ibid. Ian. fulsit sub Libra, & intra diem vnam pervenit ad Cancrum, inde versus Cassiopæiam & Cepheum, deinde versus

Pisces.

**Pisces.** Colorem sumunt à materia quam vrunt, tinguntur etiam coloribus, quibus medium est infectum materia rara præbet candidum colorem vt patet in lino accenso: grossa & pinguis rubentem vt patet in pice & resina ardentibus: vehementer compacta puniceum: humida cæruleum, qualis spectatur in cremato inflammato. Plinius varias Cometarum species lib. 2. cap. 25. numerat, sed distinctio vel ex figura vel ex Materia procedit.

### § 2. De Cometis altioribus.

32. *Comete sublunares* non sunt planetæ perpetui solum iuxta Epicyclorum, quibus affixi, conversionem conspici: vti voluit Fracastorius & Gemma. quia sensim deberent crescere, atque statim magni comparent: neque stellarum confluxus vti è RR. voluerunt Gyfatus & Licetus, quia anno 1618. à meridie in Arctum ferebatur, qualiter nullum sydus. Sed asserimus esse Planetarum exhalationem illustratam à Sole, exhalare Planetas habereq; suam atmosphæram è RR. Kircher & Heuclius docet, atque experientia: eructat Sol globos instar Æthnæ, fumat: ex quo maculæ & faculæ, vti vidit Scheynerus: ob istos fumos post eadem Iulij Cæs: Sol toto anno palluit, vt est apud Plut: anno 1547. specie ferruginea luxit, quod cum per totam Europam æquè visum fuerit, non potuit esse infra Lunam. Proinde Cometam eiusmodi dicimus nubem solarem, aut alterius planetæ: exhalant enim & illi, & quod leuius est fertur in altum respectu centri planetarij, donec densatum ad patriam redierit: solis autem, immanis syderis ac mil-  
lies se.

lies ferrè quàm terra maioris perpetuæque ebullientis immanis exhalatio & lucida. hæc ubi à Sole auellitur lucet. & consequi Solem laborat uti in quo habet suæ quietis centrum: sed segnius, ob leuitatem, hinc caudam vibrat ut caput tenuiores sequuntur partes: auertit verò eandem à sole, prout quæ grauiora magis ad relapsum festinant. Vnum, quod poterat huic sententiæ obstare; cælorum est incorruptibilitas. Sed iam RR. sagacitas in contrarium flexit, & demonstrat illos compositos atque liquidos. Iuuat discessionem Cometarum à planeta, velocitas planetæ motusque circa proprium axem circa quem vetuti rota gyratur rapidissimè, ac tenuiter sibi adhærentia possunt expludere. Hæ nubes etsi ex se lucidæ, amplius tamen à sole mutuantur: eleuantur verò etiam alijs & alijs à planeta vibratis effluuijs: qui prius nata eò protrudunt facilius, quò minus pondus illorum, & tenuissimi ætheris obsistit medium: & quia planeta protrudit ætherem, si cometa fuerit ante planetam & ipse proruditur, atque planetam præcedit: post planetam positus trahitur cum suo vehiculo, idque non regulariter ob leuitatem, uti cum plusquam in ære impellimus aut raptamus celeriter: ita & ignis fatuus errat, & naui alligatum modicum lignum dum illam præit, aut sequitur. Neque ideo planetarum molem oportet deficere uti nec deficit tellus aut mare etsi tantum euaporent exhalentque: repetunt enim quod dederunt, idque non multum fuit; sed multum attenuatum. Nec sine Duce sumus in hac coniectura. præiuit nobis Kirchaus in itinere Extatico, præiuit & Heuclius.

## § 3. Adiuncta Cometarum superiorum.

33. In hac opinione redditur ratio. 1. Quare subinde Cometa in plures scinditur, uti in suo notavit Cysaratus? quia nubes planetaria in cursu discerpitur. 2. Quare rarius apparet? quia raro tanta moles colligitur, ut sit nobis aspectabilis in tanta distantia. 3. Quare extra signiferum defluunt Cometæ? quia veluti ex rapido flumine in lacum detrudi contingit vi impetus. 4. Cur videatur cauda scintillare, comprimī subinde, aut dilatari? scintillationē enim simulat succedens sibi nubium non continuarum series, densitas, raritas, quæ ubi accedit, vel abit, caudam auget vel comprimit. 5. Per caudam stellæ comparent. quia non est continua. 6. Colorem variat pro natura planetæ cuius est Filius, aut cui se associat, aut prout variè distat à nobis. 7. Variat comas, & idem barbarus, comatus, longissimæ caudæ, curtæ barbæ, imberbis, qualem se exhibuit qui luxit à 14. Dec. anni 1664. ad 18. Febr. anni 1665. iuxta observationes Heucllij Dāntiscanas. sed caudam semper in auersam à sole partem projicit etsi contra motum subinde, quia, ut diximus, centrum sequitur Cometa, qui est Solaris. re'iqua varietas oritur ex varia ad Solem constitutione. 8. Comam constituit magna moles materiæ tenuioris circa crassiorem. 9. Satisfit peritissimorum Astronomorum adnotationibus, qui certissimo Paralaxeos indicio (quæ quid sit explicat Clavius in c. 1. Sphæræ) in varia distantia à terra, cometas varios locarunt: uti Albumasar anno 844. inter Venerem & Mercurium: inter Venerem & Martem positos, iuxta propri-

proprium systema Tycho, anno 1577. inter Martem & Iouem. Mæstlinus anno 1618. inter Iouem & Saturnum. Rothmanus anno 1585. quo nec pertingere exhalationes terreæ, nec si pertingerent, videri ob tenuitatem possent. 10. Explicatur quomodo aliqua de nouo comparuerunt in cælo, etsi quædam eorum aliter contigerit facta fuisse, nempe per nouam productionem. Antè bellum Troianum, sex tantum numerabantur Pleiades, vti est apud Homerum Iliade 2. anno 1572. in Cassiopæia noua enata est stella. alia in Sagittario anno 1604. alia in pectore cygni, anno 1600. in cingulo Andromedæ anno 1612. in Piscè anno 1602. in Cete anno 1596. 11. Intelligitur facile magnitudo attribui solita Cometis. Nam Tycho Cometam anni 1577. dimidium Lunæ assignat, & pro diametro tribuit mill germ. 368. Anni 1618. Cysatus pro diametro mill germ. 175. Anni 1475. Regiomontanus diametr. mill. germ. 16. Cysatus suo Cometæ barbam tribuit mill. germ. 382700. In hac opinione percipitur, quomodo aliqui Cometæ barbam bifidam, aut trifidam habuerint. quomodo moueantur ab occasu in ortum, quales sunt apud Cardan. 4. de subtil. Senec. lib 7. c. 6. Plin. lib. 6. c. 25. Sic qui luxit anno 1532. Sept. 12. apparuit in signo Virginis, deinde sub Scorpione. Quomodo in eadem quantitate diu permanent. cur imitentur ordinem signorum cælestium. cur non Eclipsentur, quia scilicet aliqui ultra conum vmbre terrestris alti, alij extra Eclipticam decurrunt. Caudatum cometam spectabit, qui in obscurum conclaue per rotundum foramen in candidum subiectum radium solarem immiserit, circu-



Circulus enim in albo caput cometæ, radius in aëre caudam dabit.

#### § 4. Finis Cometarum.

34. Quod *sidera noua & Cometa non temerè*, verum dispositione causæ Superioris vrentis naturæ ordine ad suos fines, eueniant, euincit illud quod refert Tycho lib. 1. pag. 812. vbi sic habet. Anno 1520. In Tauri montis totius Asiæ maximi visceribus aquarum è niuibz solutis incurfu, erutum est quoddam Sybillæ Tiburtinæ vaticinium in marmore antiquissimo latinis characteribus exaratum, quo & nouum sydus Cassiopæiæ, quod ante hanc repertionem comparuit anno 52. & eius locus & secuturi Cometæ, ita narrabantur clarè, vt præterita solent narrari non futura. claudabatur autem vaticinium his verbis. *Hæc omnia deniq; erunt nox, interitus, ruina, damnatio, & tenebra aterna.* Comprobant hoc illi cometæ, qui imaginem futurorum exhibent. qualis fuit anni 1577. de quo idem lib. 2. pag. 294. cuius caput se vidisse 3. Dec. testatur Corn Gemma, quasi dehiscens ingentes radios velut hastas eiacularum, & primâ quidem rectè Italiam petiisse, alterâ littus Herculeum: tertiâ occidentem. Quid alia visa in aëre, vt Equites supra Ierosolymam, quid illa in Boëmia anno 1618. Iun. 27. & his simillima in Polonia ante Sueci ingressum?

#### § 6. Effecta Cometarum.

35. *Effectus Cometarum* sublunarium, sunt maris tempestates, has enim necesse consequi ventos. sequuntur & maximæ inundationes, vs anno 454. sub

Theodosio secundo, quo alibi mare absorptum, alibi in terram effusum, ventis nimirum terras succutientibus. Anno 1234. Sylvas & domos turbine evertit. adducunt siccitatem & consequenter sterilitatem. hinc anno 676. maturescentia frumenta exaruerunt. item anno 1347. cometem sequuta fames Ratio horum. Quia ad cometam requiritur, magna terræ pinguis exhalatio, quæ extracta, terra sterilefcit. Anno 1337. pestilentia & locustarum tanta vis, ut conspectum solis eriperet, fuit post cometæ conspectum. ratio. quia tempore cometæ aer inficitur calidis & crassis exhalationibus quæ materia facile putrescit & degenerat in insecta & venenum. Cometa frequenter præcedit mortem plurimum subtrioris ac debilioris constitutionis, quia tales facilius vis mali inficit, sed non solet notari nisi in magnis personis. ita apud Cromer lib. 3. Lesci albi mortem præiuit &c. de cætero verum est Manilij. Nunquam futilibus excanduit ignibus æther. Et illud:

Nunquam colo spectatum impune Cometem

Squalida delusi deplorant arua Coloni,

Aut grauib. morbis, & lenta corpora tabe

Corripit exustis letalis flamma medullis.

adeoque receptum illud est. *Nullus Cometes qui malum nullum ferat.* Verum excedit Squarcialopus à quo Delrius disq. lib. 4. c. 3. monet cauendum. talia sunt & illa Plinij. Si Cometa videatur instar tibie, malum Muscis minatur: si aspectu trino aut quadrato aliquam fixarum stellarum aspexerit, literarum ingeniorumque interitum significat: si in medio signorum conspiciatur obscenos mores. Multò vaniora Pa-

ra Pa-

ra Paracelsi lib. 2. Philos. Cometa aspectu, inquit ille, illustris, procerum est, de illis nouum murmur designat. caudatus est ex fato Ecclesiasticorum. ex rusticorum fato rudis & crassus. formam suam mutantur ab eo quod præfagiunt. caudatus indicat longius protractum negotium, & si cauda latior, latiore causam portendit. Crates & aliæ formæ per quas Diui torti, indicant istos, qui Diuorum istorum curam habent, similiter interituros. Nouæ stellæ inducunt nouam generationem hominum, &c. Vniuersim. Campanella iubet in Cometa, vt ex eo quis effectum conijciat, decem res obseruari. Colorem, magnitudinem, splendorem, formam, diuturnitatem, situm, locum, motum, habitum ad solem & ad situm mundi. Astrologi hic sunt multi, & sæpius vani. docent illi, si cometa in signis terrestribus fuerit, secururam sterilitatem. si in aquosis inundationes & pestes: si in æreis, ventos & seditiones. Si in igneis, calores, bella & incendia. Si sint Saturnini, omnia implere funeribus. Si Martiales (quod prodit color) peste, siccitate, bellis. Si Venerei, paralyfi, febre, seditione. Si Mercuriales fulgure, tonitru, ventis, sed physicè rem disquirendo videntur & bona adducere cometæ isti, quando noxios halitus absumunt, & cum halitibus ascendentem benigniorem in agros pinguedinem spargunt. Verum tamen sæpius Cometæ materia est maligna, referta spiritu minerali impuro, noxio: & post extinctionem sæpe halitus foetidi relinquuntur, neque ignis omne quod eleuatum est, absumit, hinc terræ ariditas, agrorum sterilitas, & per consequens, annonæ caritas, piscium & animalium interitus, mor-

bi repleto noxijs halitibus aëre & per respirium attracto & quia venti dominantur, neque omnes extra terram erumpunt, sequuntur terræ motus, & qui erumpunt cient maria aut naufragia excitant: in animalibus flaua bilis accenditur, quâ accensa ira facilis, delicatiorum crebrior interitus, qui facilius à tali aëre patiuntur. & quia eiusmodi sæpius sunt Principes, in illis mali vis efficacior, mutatis Principibus, sæpe mutatio Statuum & Magistratuum sequitur.

36. Obseruat tamen Causinus lib. 3. de domo Dei c. 12. Vix aliquod insigne malum contigisse, quin præcesserit Cometa. Tempore Anaxagoræ fulsit Cometa dies 75. subsecuta maximæ tempestates. Anno primo belli atrocissimi Peloponnesiaci inter Græcos, splenduit Cometes diebus 60. Ante calamitates Machabeorum rutilauit cometa eâ claritate, ut noctis tenebras dispulerit. de quo Camera. lib. 2. de ostentis. Cladem Romanorum in Germania sub Q. Varo cometa præcessit. Anno quo erat imperium accepturus Nero, cometa caput extulit. Anno quo excisa Ierosolyma, & Imperium Rom. attritum bellis Galbæ, Orthonis, Vitelli, Vespasiani, cometa in modum gladii flammam euomentis apparuit. anno 181. sub Imp. Commodi, Cometa luxit multorum funerum prænuncius. anno 195. dum serueret in Christianos persecutio sub Seuero Imp. Spectabatur Cometa. Arii hæresim varij Cometæ præcesserunt. Mortem Constantini Magni, & filiorum bella, cometa præuenit, itemque Romam ab Alarico capiendam, & calamitates secutas sub Attila, & Constantinopoleos seditionem teterrimam sub Iustiniano: & vastitatem Ro-

ma sub Totila. Machometes non sine Cometa orbem ingressus. Duo Cometæ visi, priusquam Constantinopoli pestis 300. millia absumpsisset hominum. Frigus in gens, & vredinem Messium anno 763. præmouit cometa. Ante bellum Sacrum Christianis luctuosissimum, visus cometa. item ante cladem Varrensem, & captam Constantinopolim. item ante æstus anni 1477, qui sylvas accenderunt, fluuios arefecerunt. item ante Lutherum anno 1516, ante factiones hæreticorum in Gallia, & nuptias Parisinas anno 1572. ante bella Germanica, ante cladem Regis Sebastiani in Lusitania, &c.

### § 7. Alia effecta Cometarum.

37. *Cometa superlunari non dubium quin multa in terris moueat, actiuiores enim sunt planetæ, quando hæc effluuia ex intimis quasi visceribus progignunt: verum etiam & illud Scalig exerc. 79. n. 2. notandum. Multi à nobis Cometa visi, quos nulla vsquam tota in Europa subsecuta est pernicies mortalium: & multi clarissimi viri suo fato functi, euersti principatus, pessumdata familie illustrissima, sine Cometa indicio.* Nam licet Deus assumat Cometas ad aliquid indicandum, vt docet Damascen. lib. 2. fidei c. 27. tamen vt habet Gysatus in parergo Cometæ anni 1618. *Qua calamitates cui regioni, quibusue intententur, vanum & temerarium est asserere, nisi quis ostendat diuinis consilijs se interfuisse.* De Cometis has regulas Astrologicè & sanè formæ Leopoldus de Austria. Cometa si niger fuerit notat pestem: si albus, fertilitatem. Si in modum rosæ fuerit, rotundus vt faciem hominis referat: mortem.

bi repleto noxijs halitibus aëre & per respirium attracto & quia venti dominantur, neque omnes extra terram erumpunt, sequuntur terræ motus, & qui erumpunt cient maria aut naufragia excitant: in animalibus flaua bilis accenditur, quā accensā ira facilis. delicatiorum crebrior interitus, qui facilius à tali aëre patiuntur. & quia eiusmodi sæpius sunt Principes, in illis mali vis efficacior, mutatis Principibus, sæpe mutatio Statuum & Magistratuum sequitur.

36. Obseruat tamen Causinus lib. 3. de domo Dei c. 12. Vix aliquod insigne malum contigisse, quin præcesserit Cometa. Tempore Anaxagoræ fulsit Cometa dies 75. subsequuta maximæ tempestates. Anno primo belli atrocissimi Peloponnesiaci inter Græcos, splenduit Cometes diebus 60. Ante calamitates Machabeorum rutilauit cometa eā claritate, ut noctis tenebras dispulerit. de quo Cameraſ. lib. 2. de ostentis. Cladem Romanorum in Germania sub Q. Varo cometa præcessit. Anno quo erat imperium accepturus Nero, cometa caput extulit. Anno quo excisa Ierosolyma, & Imperium Rom. attritum bellis Galbæ, Othonis, Vitelli, Vespasiani, cometa in modum gladij flammam euomentis apparuit. anno 181. sub Imp. Commodus, Cometa luxit multorum funerum prænuncijs. anno 195. dum serueret in Christianos persecutio sub Seuerus Imp. Spectabatur Cometa. Arii hæresim varij Cometæ præcesserunt. Mortem Constantini Magni, & filiorum bella, cometa præuenit, itemque Romam ab Alarico capiendam, & calamitates secutas sub Attila, & Constantinopoleos seditionem terribilissimam sub Iustiniano: & vastitatem Ro-

ma sub Totila. Machometes non sine Cometa orbem ingressus. Duo Cometae visi, priusquam Constantinopoli pestis 300. millia absumpsisset hominum. Frigus in gens, & vredinem Messium anno 763. promouit cometa. Ante bellum Sacrum Christianis luctuosissimum, visus cometa. item ante cladem Varrensem, & captam Constantinopolim. item ante aestus anni 1477, qui sylvas accenderunt, fluuios arefecerunt. item ante Lutherum anno 1516, ante factiones hæreticorum in Gallia, & nuptias Parisinas anno 1572. ante bella Germanica, ante cladem Regis Sebastiani in Lusitania, &c.

### § 7. Alia effecta Cometarum.

37. *Cometa superlunaris* non dubium quin multa in terris moueat, actiuiores enim sunt planetae, quando hæc effluvia ex intimis quasi visceribus progignunt: verum etiam & illud Scalig. exerc. 79. n. 2. notandum. *Multi à nobis Cometa visi, quos nulla vsquam tota in Europa subsecuta est perniciēs mortalium: & multi clarissimi viri suo fato functi, euersi principatus, pessumdاتا familia illustrissima, sine Cometa indicio.* Nam licet Deus assumat Cometas ad aliquid indicandum, vt docet Damascen. lib. 2. fidei c. 27. tamen vt habet Gysatus in parergo Cometae anni 1618. *Qua calamitates cui regioni, quibusue intenteantur, vanum & temerarium est asseuerare, nisi quis ostendat diuinis consilijs se interfuisse.* De Cometis has regulas Astrologicè & sanè format Leopoldus de Austria. Cometa si niger fuerit notat pestem: si albus, fertilitatem. Si in modum rosæ fuerit, rotundus vt faciem hominis referat: mortem

regiam & mutationem in meliora denotat : si fuerit rubeus, bella : si in Oriente apparuerit, omnia quæ notat, citò euentura : si in occidente, tardius : si instar Lunæ eucurrerit per 12. signa Zodiaci, motus varios, diuitum damna, & multos nouatores. Cæruleus, paruus, caudatus, mortes & rixas : si sit in ascendente Nati vel ædificij, citò illud destruetur. Si in signo Arietis, religiosorum mala, dolores oculorum, bouum pestem. In Tauro rixas, frigus vehemens, famem. In Geminis, abortus, tonitrua grandia, & orientalium magnatum mortes. In Cancro bella, mortes subitas : in Leone bella. In Virgine, febres, ventos, mercaturæ vilipensionem. In Libra, siccitatem, destructione fructuum per gelu. In Sagittario, æstum. In Capricorno, latrones, depressionem religionum. In Aquario, cædes in Occidente, tonitrua, fulmina. In Piscibus, ( o quantæ nugæ ) prodigia in causa fidei, inter Religiosos rixas, inobedientiam in subditis. Franciscus Iunctinus hæc addit. Si Iuppiter fuerit in piscibus & in eodem loco argenteus comparuerit Cometa frumenti notat copiam iuxta Plinium, iuxta quem etiam si tibix formam referat, malè ominatur Musicis. Si in medio signorum spectatus fuerit flagitiosos mores. Si Trigone vel Quadratè aliquam fixam respexerit iuxta Ptol. interitum literarum ac ingeniorum notat. Qui est plumbei coloris, vult eum Iunctinus Saturninum esse, vti Argenteum Ioviale : Martium rubentem, Solarem aureum, Venereum obscurum, Mercurialem cæruleum. Qui Cometa veru dictus de die, apparet significat diminutionem fructuum, mortalitatem diuitum, & eorum qui sunt apti regno.



## CAPUT XVI.

*De Ignibus subterraneis.*

3 *Ignes subterraneos* dari docet mons *Auernus* & *Auerna* sonantia flammis, *Vesuvius*, collis *Epimæus* in insula *Oenonia* Insulæ *Vulcaniæ*, *Æthna* in *Sicilia*.

*Horrificis* iuxta tonat *Æthna* ruinis.

*Interdumq;* atram prorumpit ad æthera nubem,

*Attollitq;* globos flammarum, & sidera lambit.

*Hecla* in *Suecia*. *Card* lib. 1. variet. cap. 5. scribit in *Micaragua* Provincia *Indiæ* Orient: esse specum dictam *Masaia*, qui fumum & flammam eructuat, demissus eo fuit speculandi causa in cista servus, sed cætenæ e quibus pendebat cista statim colliquatæ. In Provincia *Chinica* *Xanti* de quo *Martinius* in *Atlante* tam proximus est & copiosus subterraneus ignis, ut pro eo puteos effodiant, in quibus collecto superponunt cacabos pro elixandis cibis: verum hic non est ipse ignis, sed vapor subterraneorum ignium, qui non admodum lucet, neq; omnino est diaphanus, calidus quidem sed non adeo ut ligna exurat: includunt eum *Chinæ* vasis, & ut nos aquam circumferunt, ac per canales deducunt, & tubo aperto ad coquendos cibos adhibent. Sunt eiusmodi ignes & in *Italia* & in *Sicilia*, maxime in *Phlegreæ* campo, qui intra horæ quadrantem possunt carnes percoquere. per canales ducitur hic vapor ad eum modum, quo ex *Æolio* *Cæsiurum* monte in *Italia* ventus deducitur frigi dissimulus ab incolis ad propriam cuiusq; domum, causâ refrigerij. Horum Ignium materia, sulfur & bitumen: neq; deficit, quia renascitur. Sulfur enim intra 4. Annos in

ea mole in qua erutum recrescit, teste Fallopio: renascuntur etiam & alia fossilia. Sal, teste Clitarcho, immò etiam ferrum intra annos mille: etsi Plin. lib: 34. cap. 14. in Ilua Italiæ insula intra centum annos recrescere affirmat: immò etiam marmor Parium teste Agric. & Plin. lib, 36. c. 15. Salnitrum intra quinque vel sex annos dum sodina humo repleatur: immò iuxta Cardan. lib. 5. de subtil: si aqua solutum spargatur, quod ipsum adstruit Scalig. exerc. 104. n. 17. qui etiam exerc. 102. n. 1. docet aurum concisum seminari cum magna spe fænoris in Macedonia. Galenus plumbum in ædibus subterraneis in aëre turbido, mole & pondere augeri: quod fit, quia partes subtiliores euolantes se illigant vicino aëri aut exhalationibus, & illas sensim in suam naturam vertunt. quod obiter sit dictum, in confirmationem tamen nostri argumenti.

## C A P V T XVII.

### *De Ignibus sub aqua.*

39. *Dantur & ignes subaquei*: notauit eos Seneca in mari Siculo, vbi est gravissimus aquarum conflictus: notauit & in Epiro S. August. lib: 21. Ciuit. c. 5. & apud Gratianopolim Fulgofus lib. 1. c. 6. exhalatio est accensa quæ erumpit, qui simile vult spectaculum habere, camphoram concidat, spargat supra aquam & accendat. ignes alij aquatici per pyrotechniam, iam vulgares nimium, ideoq; eorum experientiam compositionemq; intermittimus, sed aliud occasione ignium definimus.

## CAPUT XVIII;

*De Igne perpetuo.*

40. *Ignem scilicet perpetuum fieri per artem non posse,* ignis requirit aërem liberum, requirit & alimentum, hoc consumit ac resoluit in fumum: resolutum verò in libero aëre non redit, etiamsi fumus posset in alimentum converti. Vnde cum legitur, Romæ in Vestæ Deæ, Athenis in Mineræ, Delphis in Apollinis templo fuisse perpetuus ignis, id factum per custodes, qui perpetuo materiam suggerebant. ita est apud Plut. in Numa. Ateste in agro Patavino legitur repertam urnam fictilem intra quam lampas ardens, quæ imprudenter effusa à fossore. & anno 1550. ait Posta lib. 12. Magiæ cap. 13. in Neside insula in agro Neapolitano repertum sepulchrum marmoreum cuiusdam Romani, in quo reperta similis lucerna intra sphaeram vitream conclusa, sed ubi aperta, extincta. Ludou. Viues aliam narrat inventam sub Paulo II. quæ per annos 1500. in sepulchro Tulliolæ arserat. alias refert Hier. Ruscellius ad Symb. Alphonsi Auali. Quidam censuerunt has lampades constitisse oleo iuniperi: verum citius absumitur istud cæteris oleis. Alij ex oleo alicuius metalli, sed hoc non ardet, sicut nec oleum salis ex quo alij comminiscabantur. Abulensis in cap. 25. Matth. q. 505. ex quodam liquore, qui nullâ extinguitur vi, nisi filo aureo madefacto. sed aliud est non posse ab extrinseco extingui, aliud, alimentum perennare. Nobis probabilius est, vel fuisse rem quandam chymicam, quæ etsi clausa non ardeat, exposita tamen aëri, subito ignescit. talis ignis fieri

D 5

potest.

potest. ℞. lythargyrum, Tartarum, calcem, & cinna-  
barim, in aceto coque, donec acetum penitus exhala-  
rit, tum operto & lutato vase igne vehemēti materiam  
combure: repone vt frigescat: post plures menses si  
aperueris, flamma erumpet. Vel certē est aliquis li-  
quor qui luceat, qualiter lucet pinguedo salmonum,  
certo collecta tempore propter quam spectauim⁹ ma-  
nus cuiusdam noctu relucētes. vel erat ignis fatuus,  
qui cadauera solet comitari maximē oleosis imbuta.  
Sensum hunc nostrū confirmat, quia in eiusmodi lam-  
padum historia nunquam lychni fit mentio. Quocir-  
ca gratis se Posta, gratis Ionslon in Thaumato-graphia  
fatigat, ignem diurnum sed non pręstare perpetuū  
compositio eius potest, & sic habet. ℞. Sulfuris & a-  
luminis calcinati, ana vnc. 4. sublimentur, & flores  
colligantur: horum. . . . . accipe sextantem,  
cum semiuncia, adde Boracis crystallini Veneti vnc. 1.  
& in vitro pone, affunde spiritum vini quater distilla-  
ti, & factā digestionē vinum effunde vetus, nouumq;  
affunde: & hanc operationem itera donec materia  
supra candentem laminam proiecta fluat instar cerę,  
sed sine fumo. hæc materia instar cerę accedet ad can-  
delam, lychnus verò sit ex albesto, qui materiā dictā  
in vitro veneto per 24. horas inducatur. Aliter tostā  
salis lib, 1. aceti fortis q. 5 distilletur ad consistentiam  
olei huic materię addatur vitrum antimonij pulueri-  
sati pondere librę vnius & per horas 6. supra cineres  
calidos in vase clauso habeatur: deinde affuso aceto  
iterum calefat, & tamdiu affundatur acetum quamdiu  
rubor apparebit, hoc acetum coaguletur ad olei con-  
sistentiam, deinde in balneo rectificetur: puluerem  
antimo-

antimonij hunc ita ablutum pulueris, & affunde illi proxime dictum oleum donec totum imbiberit. Iam fiat horum per spiritum vini extractio: menstruum vero in vitro optime chartâ quintuplici clauso distilletur, & ellychnium asbestinum addatur: deinde accendatur. Aliqui hoc negotium imaginantur posse perfici non per veros ignes, sed lucem alicui materiæ alligatum, posse lucem alligari solarem aut igneam, docet lapis Bononiensis, hic est instar cretæ rudis, in furnulo calcinatur, & in tenuissimum pollinem reducit, subigitur deinde cum oleo lini, vel oporum albumine, & massa seruatur, eam quoties velit quispiam luce imbuere, exponit soli aut igni saltem per quadrantem horæ: conseruat lucem sed non diu. Alij sibi persuadent si oleum ex cicindelis distilletur, daturum lucem, ideo multos paratos istius olei præscribunt, quos describere non placet, cum omnes vanissimi sint. Nam lux illis bestiolis vitalis est, illum pro libitu promunt aut continent & cum vita amittunt, vnde Kircherus omni industriâ nec vnâ guttulam lucentis olei potuit ex illis elicere. Lucent noctu, ligna putrida, sed sub recto post paucos dies lucere desinunt, lucent quidam fungi, sed horum vita brevis, lucent capita & squamæ piscium, lucij, gobij, ranæ piscatricis, ostracea & cristacea pleraque præsertim dactyli, qui manibus triti lumen scintillatim spargunt, sed nihil horum perpetuum est. natura nos mortales fecit, circa æterna ludere & deludi permisit, hunc enim eventum quidquid æternum ars conata est efficere, accepit. id euenit conatis motum perpetuum, id ignem perpetuum, & eiusmodi.

## P A R S   S E C U N D A

*Meteora in aëre.*

## C A P V T   I.

*De Ventis.*

41. *Venti* si essent motus aër à corporibus coelestibus uti voluit Plin. Vitreus. Isid. nonnisi ortiuos habemus ventos, eosque continuos. Itaque sunt, exhalatio calida & sicca, difficulter inflammabilis, naturæ terrestres, quæ sæpius permiscetur & circa terram lateraliter agitur: nam delata versùs regionem aëris secundam frigore illius repellitur, neque rectè decedit ob suam leuitatem & aëris resistantiam. Motus ventorum rarefactioni tribui non potest. quia impulsus rarefactio non dat nisi in clauso. Kopplerus terram credidit esse animal & ventos pulmonibus expirare. Ventorum hæc est series.

Flat subsolanus, Vulturus & Eurus ab ortu,  
 Circius occasum, Zephyrusq; Fauonius afflat  
 Cardine de medio Notus ingruit, Africus, Auster  
 Aspirant Aquilo, Boreas, & Caurus ab Arcto.

Rursus aliqui venti Provinciales qui ex certa Provincia, aliqui locales qui ex loco certo, indolem variè ventorum describunt varij, prout quisque suam regionem respexit, nam hæc magis siccum, alia magis vaporosum spirat. Vitruvius lib. 1. cap. 6. habet pro se modernorum nautarum experientiam, quòd scilicet quartam partem nostri horizontis ventus perflet vnus. Non oriuntur venti à sola terra, sed debet humor admisceri hinc Acosta lib. 3. cap. 8. scribit, quò propiora litto-

littora, eò magis ventos sævire in mari, ut hoc ipso argumento fuerit Columbus inuitatus ad quærendas trans mare Atlanticum terras, & reperit: quâ etiâ de causa venti post pluvias consurgunt. Diximus, quàm latè ventus perflat, Macrobius lib. 2. somnii cap. 5. in longum ait ab vno polo ad alterû ferri Austrium, cæteros minùs aut plùs. sed multùm aug. Venti quò leviores, eò cadunt obliquiùs, ideoq; longius spatium decurrunt: graviores propiùs perpendiculararem decidunt, hinc iuxta Aristot. Meteor. lib. 2. cap. Auster longiùs fluit quàm Boreas. Æthnæ cives teste Plin. ultra 150. mill. Ital. venti detulerunt itaque tam procul ventus progredi potest, ideoq; processu debilitatur: atque adeò venti languidiores longiorem præferunt peregrinationem. Concurrens tamen astra ad ventos, & exhalationem commouet. Hinc aduertit Moretus in suo Tract. de æstu maris, si fuerit vas plenum vino in cellario, quoties flabit Auster, adeò vinum crescet, ut etiam vasis capacitatem excedat: quoties Boreas, deficiet. & quidem decrescet aut crescet, deinceps in ea mensura prout venti, alterutri ex his duobus viciniore spiraverint, ut hæc incrementa & decrementa possint vices indicis ventosi subire.

### § 1. Signa Ventorum.

42. *Signa ventorum* hæc. 1. à Ptolomæo ponitur sol occiduus relinquens rubeas nubes, quia rubor provenit ab exhalationibus calidis adustis. 2. ex eadem causa rubens Luna maximè in plenilunio in signum venti assumitur. itemque halo ac corona circa solem. reliqua his versiculis comprehenduntur.

Si scin-

Si scintillantes stellas, si fortè cadentes,  
 Haloque, & nubes cum sole cadente rubentes,  
 Si tenues spargat per inane aranea telas  
 Sole coronato, lunâque rubente timebis  
 Ire leues ventos, flatulque instare superbos.

§ 2. Natura ventorum & effecta.

43. Canones de *natura ventorum* itemque adiuncta quædam cum Franc. Verulamino lib. de ventis hæc assignamus. *Auster* qui lenior, serenus: qui fortior, circa finem pluuius. mutat aërem cum incipit & definit: & quidem à sereno ad nubilum, à calido ad frigidum. post niues spirat, idque sæpius noctu. cauendum ab illo in insitionibus & in inoculationibus. ex parte Austri citius folia defluunt arborum, sed palmitum vitium citius ex eadem parte erumpunt. eo flante anhelitus hominum magis foetet, magis pigrescimus, & morbi inualescant. causa est humor tepidus resoluens & putrefaciens. nil enim putrescit nisi humidum ac calidum. *Boreas* nocet insitionibus, nocet & phrysicis, & tussientibus, & podagricis, & omni fluxui auito. ratio est, quia adstringit, siccatur, ideo in tussi fortius adhæret, quod eiiciendum, in phrysi augetur siccitas, in podagra poris constrictis, minus exspirat materia peccans. *Eurus*, siccus, mordax, vermes inducit in fructus. quæ illo spirante incipit tempestas, durat diutius. facit omnia visibilia maiora apparere: circa æquinoctium autumnale est gratiofus. ratio verminationis hæc. vermis nascitur cum humidum pelliculâ inuoluitur, facit siccitate: hoc verò putruit dum ab alijs seiunctum non mouetur. Gal-  
 lam de-



Iam decerpe è quercu in Martio & frange. Si vermis fuerit intùs pestem nuntiat, quia est ex multo humido male concocto. Si musca, fertilitatem, quia humidum magis decoctum & attenuatum, vnde aër temperatus. Si aranea, sterilitatem, quia excedit frigidum & siccum. Noto obiter ex Cardan. de subtil. pestem quæ oritur ex corruptis aquis cor petere: quæ ex aëre cerebrum: visibilia facit maiora, hoc modo, aërem qui est subiectum specierum miscendo, vt in ea maiores fiant refractiones. *Zephyrus*, humidus, clemens, almus, & est floribus atque herbis amicus, eo flante audibilia clariora, & à remotiore audiuntur, quia medium soni quietum. Si ventus mutatur conformiter, ad motum Solis, id est ab Euro ad Austrum, ab Austro ad Zephyrum, à Zephyro ad Boream, à Borea ad Eurum, non reuertitur nisi ad breue tempus, sed si contra hunc ordinem mutetur, plerumque reddit. Ventì maiores circa planetarum coniunctiones accidunt. quia tunc iungitur astrorum actiuitas, iuncta verò est fortior, vnde magis exhalationes cientur. Si præcessit pluuia ventum, ventus superstes erit pluuiæ. quia limosa tellus magis halat & è contra, propter rationem contrariam. Si venti varient & postea tantum vnus spiret, hic per aliquot dies durabit, quia omnibus materiam eripuit. Si initio hyemis priùs Auster spiret, & postea Boreas hyems erit dura, & è contra. inde natum carmen.

Fit glacialis hyems Boream cum duxerit Auster. rationem dat Arist. probl. 49. quia Auster largè nubes congregat quibus coactis, si Boreas superueniat, indurat aquas, geluque causat & hyemem. Post 35. annos plu-

nos plerumque redeunt grandes æris passionēs, ut æstus; niues, congelationes, hyemes, tepidæ, æstates frigidæ. causa in astra reijcitur, vel quia terra habet suas periodos & quasi climacteres quibus magis alteratur. Si Luna à Nouilunio intra quatrimum non comparet, mensem datur turbidum. quia debet esse aer impurissimus, in quo hoc euenit. Si nascens Luna cornu inferius habeat obscurum, prima quadra ærem turbabit: quia crassior vapor citius soluetur, hic partem inferiorem obscuram: hinc, si media Luna obscura, idem eueniet circa plenilunium: si cornu summum, ultimâ quadrâ sæuiet. Autumnus serenus ventosam portendit hyemem: quia illa constitutio multum materiæ hyemi præparat. Si ventosa hyems, ver pluuiosum, quia consumpto per ventos sicco, restat humidum. Ver pluuiosum æstatem ex pari causa adducit serenam. Serena æstas autumnum ventosum. Ignēs intra se murmurantes tempestatem susurrant. quia iam ascendunt halitus, ex quibus hoc murmur. Refrigerat aer & ventum facit, si ex diuersis partibus veniens, sese in vno ad angulos secet, vti euenit in ambulacris & fenestris angustioribus. Incendia etiam obseruatum procedere contra flatum venti: quia ventus exsiccat materiam & impellit quod pingue extrahit, in flammam.

### § 3. Venti è certis locis prodeuntes.

44. *Venti qui ex cauernis prodeunt*, ita se habent atque illi quos æolopilæ generant. globi sunt ærei firmissimi modico foramello pertusi, isti ad dimidium aquâ replentur, atque igni imponuntur, vehementissimum

simum edunt spiritum. Talis ventus est intra montem, qui adiacet Nouioduno in Gallia, qui vsque ad molestiam incolarum erumpit: cuius illi impatientes, aliquoties ostium lateritio muro obstruxerunt: sed nulla suffecerunt obstacula: vicit, erupit, dominatus est. huiusmodi venti, si occludantur vel ab aquis limum vehentibus vel alio modo, faciunt terram tremere. Talis ventus erumpit ex monte agri Sorani, in quo nemo consistere potest quin abijciatur & procul auferatur. tales subinde inter Arelatem & Massiliam consurgunt, vt in altum prouectos iactent lapides. & perniciem viatoribus afferant. Sunt enim ignes occulti, qui rarefaciunt intra antrum aërem, sunt & radij solis, datur & antiperistasis, quæ idem efficit. hæc antra subinde mari subsunt, ideoque ventis orientibus bullire videtur: & sine antris exhalationes fundi, hoc idem præstare possunt.

#### § 4. Alia Ventorum effecta.

45. *Proprietas ventorum & effecta.* 1. Auster post pruina spirare solet. ratio est apud Arist. problem. sect. 26. Pruina non fit nisi factâ decoctione: mutatio autem post decoctionem solet in contrarium contingere postquam expurgatum id, quod coquebatur. quæ ergo Aquilo fecit, factâ concoctione consurgit Auster ipsi contrarius. eandemque ob causam, post niues, grandinem, imbres Auster spirat. breuior causa. consumpto frigido remanere calidum, quod est Austri Materia. 2. Auster diu spirans inducit eatharros, de fluxus in fauces & vocalem artem: imò gravidæ abortiunt, propter immodicum.

profluuium & concitatos humores, maxime autem, pueri vexantur tussi quia calore & humore, Auster, corpora imbuunt: hæc autem in pueris, pituitosis, sceminis iam suapte sunt talia, quocirca dum ampliore humore perfunduntur, sequitur distemperies & corruptio. Pituitosi spirantē diu Austro tussim grauem, concipiunt, quia tussis oritur ex tenui ac fluido, quod non congelatur aut cōcreſcit, sed in pulmonum conceptacula effunditur: pulmones autem grauati superfluo humore conantur illum excutere. Quare Galenus tr. de symp: causis. Tussis est vehemens spiritus efflatu ea ea quæ meatum suum obstruunt excutere conantis. 3. Venti & procellæ imbre cadente subsistunt. quia exhalatio assurgens, quæ est venti materia, reijcitur in terram, idcirco etiam ante pluuiam aliquod spiramentum validius consurgit. 4. Tertia lux nunquam nocturno Aquilone laborat. hoc est, Aquilo qui noctu incipit spirare, ante tertium diem frangitur. quia flatus illi frigidi sunt, atque diu in alto hære nequeunt. 5. Aquilo nobis frequentior quàm Auster. quia in obliqua sphaera, secunda regio aëris & frigidior & terræ propior sic citius exhalationem & refrigerat & in terram reflectit, & fit Boreas reflexio verò fit, cum quod calidum erat frigescit, ac proinde densatur, densum grauius euadit, defluitque. 6. Ad exortum Caniculæ & Orionis flatus regnant. quia canicula calore suo terram in flatus attenuat. orion in autumnō terram humectatam inueniens spiritus repentes eleuat. 7. Auster non incipiens, sed desinens imbrem affert, quia tunc primò frigescit atque densatur in aquam. 8. Flante Fanonio canes frigide venantur: quia

quia cū sit leuissimus maximè oblique fertur, ac odorem ferarum aufert. 9. Ventus Cæcias ad se trahit nubes. ratio, quia iuxta Arist. suâ naturâ in circum fertur, neque per terram vagatur, vt cæteri sed versus cælum suæ lineæ caudam erigit, vt loquitur Aristor. quo fit vt nubes faciliè ad se ducat. 10. Fauonius horis pomeridianis spirat: quia Sol est causa flatuum, hic verò ventus est ab occasu, cū sol ad eius locum accedit, tunc Fauonius confurgit. 11. Austro spirante mare fit cæruleum: aquilone verò atrum: quia desuper illabitur aquila & à fundo ciet, lucemque, eripit, Auster à lateræ. hinc etiam citius mare quiescit post Aquilonem, quàm post Austrum. Nam grauior ventus qui frigidior. 12. Versus Austrum facilius venti ruunt, quia illic minor aëris resistencia tū sit aër tenuior: aër enim semper tenuatur versus æquatorem. 13. Ventos vehementes reddit cū vnus supra alterum illabitur, vt i aquæ cum de alto ruunt, & hinc fit vt omnia secum auferant. 14. Versus vnā partem durant: quia quò principium exhalationis cœpit defluere, cæteræ partes sequuntur. 15. Quidam venti solas agitant nubes: quia sunt leuiiores aëre nostræ regionis, ideoque ad eam non descendunt. 16. Aliqui perflant turbide, id oritur ex inæqualitate medij per quod feruntur. 17. Aquas semper fluentes comitantur venti, quia tales aquæ secum rapiunt aërem, & terra madens copiosius exhalat. 18. Venti quidam seruant certa tempora: quia niuium expectant solutionem. 19. Boreas sana reddit corpora, quia curim stringendo inhibet dissolutionem: tamen in corporibus male temperatis noxia operatur,

vti docet Celsus lib. 2. c. 1. Imò nimij Boreæ & frigora insalubria, ita in Belgio anno 1564. vt est apud Corn German. lib. 2. c. 2. adeò fuit aspera Aquilonibus hyems, vt multos frigore mortales consumpserit, nihilominus pestis atrax secuta. nam non parum obest perspiratio impedita clausurâ pororum. quam efficit frigus. 20. Auster etsi nimbisfer audiat auidè tamen ipse aquam sorbet. nam eo flante exponere subdit vitrum aquâ plenum: intra duas horas exsorbebit ad latum digitum.

### §. 5. Species Ventorum.

45. Species Ventorum sunt *Procella*, quæ est exhalatio mixta partibus inæqualiter raris ac densis cum summo impetu ruens ac ad partium leuiorum moram in gyrum se torquens ad eum modum quo aqua si ex asperrimo monte per eminentia inæqualiter saxa delabatur. Græcis dicitur, Ecnephias. *Turbo* fit cum plures exhalationes è diuersis nubibus in eundem locum confluunt, quæ partes cum in diuersa nituntur surdeq; rotatæ vorticem efficiunt, ad eum modum quo flumè ad saxum allisum in se redit. Hic turbo inter Sinas & Iaponiam tantus est, vt grandes naues in altum elatas confringat. *Præster* est flatus humilis & repentinus, qui obliquè super terram volitans interdum sylvas & oppida adurit: est enim quid mixtum ex vento & igne.

## C A P V T II.

### De Motu Terra.

46. *Terra motus* est ventus intra terram inclusus consurgens vel ex rarefacta & non inensa, vel ex incensa

incensa exhalatione, hæc enim dum non valet exire, neque capitur loco, latera concutit ac quâ potest euadit, sed priusquam euadat omnes tentans aditus tonitru ciet, & causat trepidationem, quod contingit dum terra oppilatur, vel ob aquas marinas suâ humiditate poros terræ occludentes, vel ob pluvias multas, vel ob soliditatem saxorum intra terram contentorum, tunc enim vt Ouidius cecinit:

Vis fera ventorum cæcis inclusa cauernis

Expirare aliquò cupiens, luctataq; frustra

Liberiore frui cœlo, cum carcere rima

Nulla foret toto, nec peruia flatibus esset

Extensam tremefecit humum, cui spiritus oris

Tendere vesicam solet.

Speciem incensæ exhalationis dat in arcib; aut montibus per minas subiectus pyrius pulvis, vbi flammam concepit. Dant rarefactæ sine incensione castaneæ non incisæ carbonibus impositæ, quæ cum impetu diffiliunt. dat doliolum si frigidâ ad dimidium repleveris bullienti; ahenoinieceris, hoc enim cum fragore disrumpetur: sæpius tamen priore modo eueniunt terræ concussiones, quia putei ante motum redolent sulfur, & loci quibus subsunt ignes, sæpius tremunt: vt Sicilia, Lipara, Campania, & in quibus sunt thermæ. Montes etiam qui eructant lapides, cineres inter flammæ & fumos quid simile terræ motibus pariuntur: nam in illis vt in tormento vel mortario bellico accensa materia dum maiorem locum petit, quidquid supra se reperit cum fragore in altû jactat: imò per aquas ipsas hic ardor pervadit, vnde teste Fulgoso lib. 1. cap. 6. apud Gratianopolim fons promit scintillas

tillas, & carnes concoquit iniectas: in Ægypto accendit faces, apud Illyricos expansas vestes accendit: in Groelandia teste Ostelio, est mons ignivomus à quo situs est non procul fons, qui omne genus cibi, quin & ipsum panem nullo adhibito igne concoquat, & vicini Monasterij Ordinis Prædicatorum cellas adeò calefaciat, ut fornace nullâ sit opus. Aquæ Volaterranæ teste Leandro etiam animal iniectum coctum reddunt: & quia ignes isti in materia sulfurea ac bituminosa, propterea etiam eiusmodi aquæ bitumen, ac sulfur redolent.

### §. 1. Species terrei motus.

47. Omnes *Species terrei motus* exprimunt cuniculi. nam si parti corporis supponatur pulvis, ut declinet à centro gravitatis neque sit nimius, solum corpus inclinatur, respondebitq; speciei dictæ *Epichates*. Si directè subsit centro gravitatis, neq; simul totus accendatur pulvis, iactabit corpus, veluti bulliens humor in aheno iactatur: postquam enim pars exusta pulveris & corpus relapsum, rursus alia, ac alia pars accenditur. Sæpè etiam sic inflatam ad modum colliculi quem talpa fecit, relinquit terram, cum partes se instar fornicis sustentant, & exprimitur *Brastes*. Cum, verò, solum disrumpitur terra, ac hiatus manet partibus à se diductis, est *Chasmaticus*. Sed hi omnes terram solidam, duram, ac saxeam requirunt, neque enim in palustri ac arenoso valent. *Ostes* vno impulsu evertit. *Balmatias* vibrat, *Micetias* mugit sub terra. Contingunt verò vindicante Providentiâ, etiam in solo, his malis minimè obnoxio; uti contigit apud Chinas, an. 1664 cum.



cùm Euangelium totum voluissent vno ictu tollere, ac iam decreta impia sanciuissent. Terra interdum in orbem conversa locum loco mutat, quod fit propter turbinem intus inclusum: interdum scissa vrbes absorbet, interdum earum locum stagnis implet, quandoque integra flumina dehiscunt & in alijs locis erumpunt, interdum nouæ è mari prodeunt insulæ, sic Thæron & Thærea, teste Seneca, suâ ætate emerferunt, cùm scilicet spiritus terram extra aquas extrusit. Subsequitur terræ motum pestilentia, quia aër qui putuerat clausus, exclusus foras aërem, sanum inficit.

## §. 2. Duratio terræ motus.

48. *Duratio terræ motus vti & amplitudo, varia.* Aliquando veluti momento peragitur, vti anno 1601. qui totam Europam in longum pervasit. Anno 1538. in Italia diebus 15. duravit, sed in eadem ferè totum annum 1571. permansit. Anno 1591. Viennam Austriæ diebus 14. vexavit, & solum ad sex mill. germ. extendebatur. Anno 1570. Ferrariæ per integrum ferè annum cum ingenti strage ædificiorum continuatus, teste Plin. lib. 2. c. 84. tempore Tiberij Cæsaris, 11. Asiæ vrbes prostravit vnâ nocte. Mixtus fuit ex duobus inclinationibus L. Martio & Sexto Iulio Coss. in agro Mutinensi, cùm montes inter se concurrerent, crepituque maximo assultantes & recedentes: inter quos exiuit flamma, concursu villæ omnes elisæ, animalia occisa, spectante Romanorum Equitum & viatorum multitudine. Acosta in Peru expertus extensum ad leucas 300. & anno 369. sub Valentiniano Imperat. ferè totus orbis contremuit. Quocirca malè o-

pinabatur Seneca motum hunc non extendi vltra 200 mill. Ital. Anno 1601. eodem quasi momento Asia, Germania, Hungaria, Italia, Gallia tremuerūt. Vidit jam vetustate comprā navim, quæ motu terræ, è mari Alexandriam translata sub Valente Imper. vidit, inquam, Ammianus. Latitudinem motûs causat vel cauernæ, in qua luctatur exhalatio, amplitudo: vel versûs centrum remotio: profundius enim positæ et si non adeò magnæ, plures partes terræ incumbunt.

### C A P V T III.

#### *De Rore.*

49. Ros est vapor molli tepore Lunæ euocatus nocturno frigore concrefcens, vel à debili sole qui cum non possit ad secundam euadere aëris regionem, in prima subsistit, in guttas vertitur eo modo quo aqua contacta operculo metallico modicè calefacta aspergit rore operculum. loco humili nascitur, quia arborum vertex & montes alti carent rore. Neque rorat ventoso tempore, quia tunc materia dissipatur, neque nubilo quia in nubes impenditur. Alius est vespertinus, qui à sole occiduo ex nubibus in quibus latuerat emergente, iuuante vento calido, obliquis radijs attollitur. Alius matutinus, qui vel à Luna vel à Sole primo. Ros eget calore modico, ne nimio absumatur: nevé frigore constringatur, eget quiete ne dissipetur. Sapor roris varius vt ex varijs aquis processit, vel varias combibit exhalationes. Siccatus interdum super plantas instar farinæ comparet, ac easdem ærugine ac putredine infestat, cui malo placando, Numa

7. Cal. Maij instituit Robigalia, ob exhalationes virulentas à sole non excoctas: ob quas etiam incidens nudo hominis corpori scabiem aut lepram inducit, ob quas copiosior sumptus ab omnibus eas enecat.

## C A P V T IV.

### *De Pruina.*

50. *Pruina* est ros congelatus à vento aliquo rigidiore, eo modo quo vapor calidus ex ore animalium prodiens hyeme, barbis adhærescens solet congelari: indicat serenitatem pruina, quia materiam pluviae subtrahit. albescit propter eandem causam propter quam glacies aut vitrum contusum, quia est corpus pellucidum in minutissimas angulares particulas concisum, & ita lucem recipit. Potissimum sub aurora generatur, quia tunc à radijs solaribus temperans aër, grauem pruina sustinere non potest. Adurit consumendo suam frigiditatem intensam, humidum plantarum quibus intimè adhæret.

## C A P V T V.

### *De Melle.*

51. *Mel* credidit esse astrorum sudorem aut salivam Plinius: nos censemus florum esse sudorem & quasi gummi, hoc apes colligunt & implent alveare subinde unam diem: eius partes crassiores & magis terrestres abeunt in ceram, quam priusquam coalescat in cellulas ducunt regulares naturæ instinctu ad hoc determinatæ apes. Hinc mella varia sunt prout è varijs deducta floribus aut folijs. in autumno mel sibi de-

tractum non reparant apes, quia herbae iam flaccescunt succo destitutæ. Mel vesparum & crabronum solet esse amarum, quia istæ bestiolæ negligentiores apibus in discernendis herbis ex quibus legendum. Mel in Sardinia amarum, in Heraclia venenatum, vtrumque à varijs causis proficisci potest, vel quia vasa quibus recipitur vitiosa, vel quia ipse apes viliores minusque sagaces, vel quia aer vitiat ut pote melli adversus locis illis: vel quia sunt quædam, quæ adurunt succos herbarum, & hinc amarior: vel quia ros medicatus melli incidit. Cardan. de variet lib. 7. cap. 17. mel Cepalenicum primo ponit loco, Cephania est Insula in mari Ionio posita ex adverso Rhodi: tum Hispanicum, ac tandem Samogiticum. Non quia flores habent hæ terræ nobiliores, nam & alibi sunt æquales: non quia apes robustiores Samogiticæ, quia in frigida regione, nam Moschoviticæ ex hac causa robustiores essent: sed quia desunt, quo ex toto in Sardinia aut Heraclia corrumpunt, alibi verò ex parte. Insuper nulla ibi mella sylvestria, quæ sunt cæteris viliora. Signa venenati mellis: si non densetur, pondere excedat, moueatque continuo sternutationem. Si melli sal iniiciatur liquescit & augetur, quia calor augetur qui solvit ac inflat. Farinâ immixtâ corrumpit, sed ferro calido impresso fraus proditur, nam farina circa ferrum pinsitur ac in massam coit. Pani mixtum formicas generat, Plinius de melle docet lib. 14. c. 17. Quod vitio pectoris saluberrimum sit auxilium, & ad depellendos membrorum morbos ex frigidis causis naros. In calidis bilem potius quàm sanguinem generat, pituitosis admodum utilis potus nisi obstructio venarum me-

rum metuatur: in renibus & vesica calculi generationem impedit & dissolvit, accendit corpus. & hoc est de vino multo seu melle potabili. Mellis infima pars optima, vini media, olei summa: quia mel optimum quod minus fluit & quasi saccharum concrevit, hoc autem solet propter pondus, ima petere. Vinum in fundo à fecibus vitatur, in summo ab aëre: idcirco, quia in vase semipleno multum aëris citius læditur, adhuc citius & vase hiantē & aperto cum aër liberè accedit. quare diutius conservatur clausum optimè, operculisq; extrinsecus illitis, aut sub terra defossū. Oleum optimum quod magis aëreum, hoc verò summa petit. Mel manet incorruptum, propter optimum temperamentum: imò & vinum mulsum dum bene coquatur, ut quod aquei admixtum crudi bullitione pereat; neque nimis de aqua habeat: tum enim à potiori deberet dici aqua.

### §. I. De Apum productione.

Modum producendi apes ex cæso & corrupto vitulo docuit, Ouid. in Metamorph.

- - delectos mactatos obrue tauros

(Cognita res visu) de putri viscere passim

Florilegæ nascuntur apes.

artem totam describit. Portalib. 2. Magiæ cap. 2. ex Florentino Græco, ubi refert credi, è cerebro gigni Apum Regem, ex carnibus alijs & quidem totis apes, ut nihil supersit præter cornua, ossa, & pilos. hoc ipsum elegantissimè Virgilius in Georg. comprehendit versu. & quid mirum. Si quidem.

Pressus humo bellator Equus crabronis origo, est,  
Fuci

Fuci ex mulis, scarabæus ex asino. Et  
 Sunt qui cùm clauso putrefacta est spina sepulchro  
 Mutari credant humanas angue medullas. Et  
 Concaua littoreo, si demas brachia cancro,  
 Cætera supponas terræ, de parte sepulta  
 Scorpious exhibit, caudaque minabitur vncâ.

## C A P V T VI.

*De Ladano, & tela aranea dicta.*

*Ladanum* est mellis species nasci potissimùm in Cypro solita & caprarum manè pascentum barbis adhærere. Generantur in locis puluerulentis instar telarum araneæ flocci quidam, hos, censemus constare vapore crasso, glutinoso qui dum ferretur in sublime, adhæsit: ligaturque in modum guttularum. hi sunt multò densiores telis veræ araneæ, suntque humidæ & frigidæ naturæ antequam puluere conspergantur, postea verò arescunt, & acquirunt: adstringentium vires, vt sanguinis fluores sistant. vt docet Bustamantinus lib. 6. de Reptilib. cap. 13. n. 44. Tali modo etsi præter ordinem naturæ compactas illas credimus telas, quæ tempore quo Gregorius Patriarcha Constantinopol. Macarium; Pyrrhum & socios, vnam in Christo solùm voluntatem impiè asserentes, damnauit: instar densissimi imbris maximâ omnium admiratione cecidêre.

## C A P V T VII.

*De Manna.*

52. *Manna* non illud hoc loco numeramus, quod instar pultis è pratorum herbis colligitur, seminariq;  
 posse

posse ac prouenire expertus Cnapius in suo thesauro, sed quod à Medicis ad corpora vacuanda adhibetur. saxis adhæret aut arboribus non aliunde adueniens, sed ex vapore eorundem frigore nocturno concre- scens, nam si arbor tegatur, non in velo, sed in arbore inuenietur. Si grana maiora habeat, dicitur granatum: si minora, mastichinum vocatur. potissimum colligitur in principio æstatis ante dies Caniculares atque ante solis ortum, alioqui partes eius subtiliores à Sole resoluuntur, terreis remanentibus.

## C A P V T VIII.

### *De Saccaro.*

§3. *Saccarum* è cannis extrahitur, conciduntur, Molendino committuntur, decoquantur, decoctio in con- nos inuersos infunditur & in eis concreſcit, inde conica saccari frusta. Veteribus ignota aut imperfectior eius fuit coctura. Cannæ ex quibus expressus dulcis succus adeò porcis placent & eos impinguant, vt red- dant æquales teneritudine, meliores vsu, caponibus Hispanicis, igni crematum saccharum ingratum exha- lat odorem. Sed si illud coxeris in aqua rosarum ad- iectis corticibus pomi citrini vt in camera exhalet, gratissimo te recreabis. Saccarum Penidij nihil dis- crepat à saccaro puro albo, si in aliquo liquore dissol- uatur, & solum vltra ordinariam cocturam consisten- tiâ & efformandi modo ab eodem differt, qui tamen modus speciem & virtutem eius non variat (inquit Pharmac. Augu. Zwelferi) nec vllam vim & effica- ciam vltcrius illi addit: præterquam quod magis frica-

friabile & in ore liquabile euadat, pectusque sic leniter deglutitum leniat. Saccharum Saturni est improprie tale, & æquiuocum sicut sal Chymicorum.

## C A P V T IX.

### *De Nube.*

54. *Nubes* quid sit, vapor ascendens ex cacabo in quo aliquis humor bullit, edocet. admiscetur tamen illi multum exhalationis. *Nubes* igitur est vapor ab astris eleuatus. Pendet in aëre quia leuior illo. Opaca est maximè ob discontinuitatem partium, nam & crystallus. & glacies confusa, desinunt esse diaphanæ: ita licet sit aqua mera visum non transmittit. *nubes* refrigeratæ abeunt in pluuiam, sicut halitus exceptus laminâ gelidâ: quæ quidem si ab aliquo planeta subito refrigerentur, fit maxima pluuiæ ac nubifragium. Videntur cum horizonte coincidere: quia quasi concentricum cum terra constituunt circulum. Horizontem nubium variat altitudo eorundem: quò enim altiores fuerint, ampliorem constituent. Si alta esset *nubes* passus 500. conspiceretur è distantia mill Ital. 6. Color nubis oritur ex incidentia lucis variâ & copia vaporis: cuius multum habent nigræ, albæ parum: sed sanguinea adustam terream continent exhalationem. Aliæ *nubes* sunt steriles ac siccæ, quæ tandem agitatione ventorum in aërem resoluuntur, habent enim humorem & calorem, & sic aëri facillè se conformant. aliæ sunt fecundæ ac pluuiosæ. *Nubes* mouentur præcipuè à ventis, qui eas iam huc, iam illuc propellunt: interdum quoque ad latera agitantur exhala-



exhalationibus inclusis, iam se rarefactione diducen-  
tibus atque exitum quærentibus, iam condensatione  
constringentibus. sursum illas mouet calor astrorum.  
Nigræ sunt generandis fulminibus aptæ, quia præter  
vaporem continent exhalationem terream crassam,  
ac pinguem. Viridis color mixtâ nigredine ac rube-  
dine periculosus est, propter inundationem, ac ful-  
mina.

## C A P V T X.

### *De Nebula.*

35. *Nebula* alia est sterilis & sæpè sicca exhalatio,  
cui similem potest constituere sublatis in sublime are-  
nis, ventus. alia est madida, quæ est ipse vapor. So-  
let oriri post rorem & pluuiam. quia quidquid rema-  
net vaporis, post resolutionem in rorem & pluuiam,  
dicitur Nebula, fit & per eleuationem vaporis crassi,  
qui repercutitur versùs terram frigore noctis: & si  
ascendat, conuertitur in nubeculam pluuiosam; si  
descendat, purgatur aër; & vocatur hæc nebula caligo.

## C A P V T IX.

### *De Pluuia.*

36. *Pluuia* est nubes frigore in aquam densata, eo  
modo quo ferculi calentis vapor in frigidum incidens  
operculum soluitur, aut in distillatorijs in alembicum,  
frigus secundæ regionis densat vaporem in globulos,  
qui statim ac nati delabuntur, ac sibi alios agglome-  
rant iuxta nubis profunditatem, vt è profundissima  
nube

nube non stillet aqua sed fluat. Si partes exiguae cadant, vocatur irroratio: si copiosae, imbres: si totae simul ruant, nimbus.

§ 1. De ijs, quae cum pluvia decidunt.

57. Certum est subinde cum pluvijs decidere insecta: experti sumus id aestate cum supra pileum, gallerum vocant, minurae ranae sederunt plurimae caelo depluente. vidimus & vipersas anno 1662. in Podlachia Provincia Poloniae. modum quo possunt generari explicat Iauellus lib. 3. Meteor. c. 3. Caliditas, inquit, nubis quae in tempore aestivo est valde intensa incipit evaporare, quare humidum, subtile egreditur, & accedente frigiditate humidum cum viscoso coniungitur: cum autem viscosum trahitur ad aërem indurescit, & vertitur in quandam pellem in qua inclusum calidum efficit spiritum vitalem, cui supervenit ex virtute stellarum & aliarum causarum anima sensitiva, & sic fit animal. Sed nobis videtur attrahi semen vermium cum vapore, nam saepe aquae seminibus insectorum insectae inficiuntur, unde intra viscera bibentes concipiunt eiusmodi pestem. Ex qua causa etiam contigit, vti vidimus, in aqua è Martijs nivibus collecta, quae alioqui difficulter putrescit ob admixtos spiritus nitri, ob quos etiam cosmeticis visibus deservit; novimus, inquam, in tali aqua asservata copiosissimos enatos mures. & haec potest esse prima origo eorum, quae cum pluvia decidunt: nisi illudant nobis, & quae prodeunt è latebris ad aquam pluviosam, modò videntur nata. Altera origo potest esse putredo in nubes delata.

Quippe

Quippe ubi temperiē sumpsēre humorq; calorq;

Concipiunt, & ab his oriuntur cuncta duobus..

Tradit Diodorus iuxta Thebaidem Ægypti cū Nili cessat inundatio, Sole calefaciente humum ad aquam madefactā, varijs in locis ex terræ hiātu oriri murium multitudinem: quā ex re plurimū stupent homines: cū videant quorundam anteriorem vsque ad pectus & priores pedes murium partem animatam moueri, posteriori adhuc informi: item Ælianus cū Neapoli iter ageret Putolos ranas prospexit, quarum pars quæ ad caput pertinebat, repebat; & duobus pedibus agebatur; altera nondum conformata concretioni limo: si humoris similis trahebatur.

-- -- & eodem corpore sæpe

Altera pars viuīt, rudis est pars altera tellus. par ratio & experientia de alijs. Tertia origo est cinis aut sal abreptus in sublimē ibiq; percoctus: nam & hic idoneus producendo viuēti, vti tradit Quercetanus & Ferrarius de Hortorum culturā. Imò si cinerem vrticæ elueris in salem, & lixiuio itidem ē cineribus vrticarum facto inseueris, ac in vase terreo hyeme frigido Iovi exposueris, conspicias intra ipsam glaciem vrticarā folia vnā cum caudice & radicibus. Expertus Kircherus ipsos cineres huius plantæ aquis inspersos in figuras foliorum se colligere: & cochlearum cineres sparsos per maris littus infinitos greges cochlearum producere. Paracelsus etiā hoc reliquit lib. 4. de generat. rer. natural. R. ligni cuiuscunq; cinerem, pone in cucurbita vnā cum resina & liquore & oleitate illius ligni æquali pondere, & misce, atq; leni calore liquefac, fiet mucilago: hanc materiam

in pingui solo sepeli, nascetur eiusdem speciei arbor cuius erant cineres, sed multò nobilior. verùm idem multò magis posse præstari, si astrum aliquod, nobis licet innominatum affuderit influxum: siquidem potest ille in mortua Halcedine plumas instaurare, quod idem hic Paracel. in Archidoxi Magica lib. 1. ferè his verbis habet Halcedinis avis, si mortuæ, cutim distingas, & suspendas: videbis eam etiam reficcata[m] quotannis plumas veteres excutere, & eiusdem coloris recentes alias producere, nec vno tantum id anno, verùm cõtinuis aliquot, fieri observabis. Quod si hæc in volucre, quidni & in arbore? & sic in turribus & muris enatas plantas possum<sup>9</sup> suspicari.

#### §. 1. De insectorum productione. LA

37. Accedit facilitas quâ insecta per artem producuntur. *Lumbricos* certè qui vult procreare: veteres lumbricos exsiccat ac in pollinem redigat, fictiliq; repleto terrâ pingui, ac dulci aquâ immittat, subindeq; irroret aquâ pluvîâ habebit sæturam numerosam. *Bruchi* sic produci possunt. Bruchos cum nidis proprijs redige in pulverem: deinde in vas impone terram in qua computruerunt aüenacæ cauliculi, cui prædictum infunde pulverem, & pluvijs irriga: atque ita soli expone: intra octiduum in numerabiles tam bruchos quàm locustas habebis. *Scorpionum* corpora si vitro intuleris, & aquam ocismo maceratam, superfuderis, atque soli exposueris, genimina scorpionum conspicies. *Ranas* verò, limum in quo hæc bestiolæ nidulantur: accipe, immitte in vas, & aquâ pluviali irriga, solique repenti expone, & post non multos

multos dies greges ranarum pullulabunt. Imò *Serpentes* si terrefactos in minutissimas partes contriueris, ac terræ vliginosæ insitas, aquâ pluuiâ rigaueris, sole verno cooperante, intra octiduum videbis progeniē, quam lacte, vt adolescat, oportebit irrigare. Varia insecta produces: sume boum, equorum, & aliorum pecorum excrementa sicca, ac in vase repone, & rore collecto ex ijs herbis, quibus illa pecora vesci solent, irriga: soli expone, sed ne arescant, cooperi. videbis diversissima prodire insecta, prout nimirum seminum herbis adhærens cum rore collectum, insusum, & à pecoribus non consumptum transmissum. imò ipsa per se aqua pluvia, admixtâ terrâ, si diutiùs in sole relinquatur, in varios ebulliet vermes Hæc de insectis.

### §. 2. De plantarum subita genesi.

58. Etiam Plantæ intra brevissimum tempus generari possunt. Nam Petroselinum intra quatuor horas prodibit. macera semen eius in dulci lacte: & locum in quo seminaturus es vivâ calce resperge, hocq; fiat tertio, terram cum calce trita permiscendo, quò factò terram aquis irriga, ac petroselinum insere. Quodsi illius semen per quatuor septimanas in vino maceraueris, tum exemptum intra recentes sparge rosas, ac telâ madidâ contege, sed fiat in bene calido hypocausto. videbis in folijs rosarum pullulare. idem eueniet si maceratum in forti cremato semen spatio vnus diei, ad hunc modum, rosis inseueris. Fabæ etiam & pisa intra vnâ horam prodibunt: semina illorum priùs in calido oleo per dies nouem de-

merge, postea torreantur, tum seminentur. Cucurbita intra quatuor horas cum folijs se efferet ex terra. Sanguine hominis sani, robusti, ac juvenis maceretur in cellario semen cucurbitæ in vase benè clauso. inde verò exemptum exsicceetur ad solem: accipiatur etiã terra cui mandandum semen, & prius sicceetur, deinde aquã irrigetur, frigida quidem primùm, postea verò calidã, vt terra mollescat: huic ita paratæ humo semen commenda. hæc docet Dan. Schwentnerus in delicijs suis. Habemus & alium modum ex Franc. Verulam. in Syll. Pisa prodibunt celeriter, cucumeres, rapæ: ponatur in vase firmus antiquus equinus putridus ad semipedem: supra eum terra iniiciatur per cribrum ad tres digitos. tum fiat seminatio, alterã vel terciã die prodibunt, etsi non rigentur, etsi in loco frigidiorde degant: idem est de Cerasis & frugis: sed macerentur semina eorum per noctem in aqua diluta fimo bubulo. Sed adhuc adiungamus ex P. Ferrario salem pro quacunque planta, quocunq; tempore producenda, & cum eodem in Rosis explicemus conficiendi modum. Rosarum frutices combure, vt habeas cineris huius libras 15. vel 20. ex illis cum aqua pluviali confice lixivium & percola; adhibendæ verò ad vnam cineris libram, 12. libræ aquæ. coquatur hoc lixivium in ahenò donec sal incipiat apparere, tum in vas fictile transfundatur, & lento igne permittatur arescere. & tandem sal in vase fictili exuratur in cineres, attendendo vt candescat, sed non lique scat. Rursum huic exusto sali pluvialis aqua affundenda, & percolatio adhibenda: deinde in vas vitreum effundatur & siccare permittatur. Hoc verò opus sexies aut septies

pires iterandum, donec sal candidissimus apparuerit, qui deinde in aqua rosarum in alembico soluendus, & lentè siccandus. quod siccatum est spiritu rosarum resoluendum. huius solutionis affundatur modicum radici fruticis rosacei, & persusa pars vulgari cinere cum terra obruatur, & ita frutex proferet subito rosas. Spiritus verò rosarū in hunc modum elicitur. Rosas in vitreum alembicum ad dimidium aquā rosaceā plenum infunde, & claude vitreo operculo, tum pone in fornacula lentissimo calore cinerum per horas 6. fouendo, donec tandem interue scat. collige quod effluxit. hoc ubi refrixit refunde rursus in alembicum, & totum ex alembico effunde in prælum, & novas rosas appone, tum in cella vinaria per 50. dies clausas habe. vt benè in eodem fermententur: denique distilla & prodibit spiritus odoratissimus planè ardens. Verum & ex cineribus proprijs veluti Phœnix, sed ad placitum hominis victura planta reuiuiscit. Accipe, docet idem, plantam seminum sæcundam, cum radice, concrema & in salem nitrosum redige, & eiusdem plantæ semina Lunā nouā terræ committe, ac ubi pullularint, euellere, ac cum sale prædicto contere, misce, macera, putrefac. In vnciam salis huius vnciam purissimæ terræ, qualis circa fontes solet esse, impone, vasiq; infunde, sub dio serua, sed à pluvia caue, intra triduum felicius regerminabit, quo facto claude vas, vt solum vnicum habeat in vertice foramen, & illi candelam subijce, ac sensim auge ignem gradatim per dies nouem, tum per foramen relictum flos prodibit. Iam itaq; vas reconde in cellarium, & flos intra quatuor dies euanescet, redibitque in sale,

quem è terra collige ac serua in vase vitreo-obfigillato in loco frigido & humido: quoties deinde ad calorem Solis vel cineres vas istud protuleris, consurget flos intra dimidium horæ, sed si vas à colore remoueris, flos in cineres remigtabit. Sed perfectum animal eget vtero, & semine ac per nullam artem produci potest: proinde temerariè Theophr. Paracelsus lib. 1. de generat: rerû natural: asserit, posse infantem produci per artem, cumque naturali multò fore ingeniosiore, quia totus per artem constitit. Materiam iubet quandam sumi & putresceri in cucurbita sigillatâ putrefactione ventris equini per 40. dies, aut tamdiu donec incipiat viuere ac vegetari: & tum incipiet aliquomodo simile esse homini, & pellucidum & sine corpore (risum teneamus, simile homini pellucidum, sine corpore.) tum arcano sanguinis humani cautè nutriatur, & per 40. septimanas in æquabili calore ventris equini foueatur, & fiet verus infans. Ex his ergo deducimus nunquam vitulum in nubibus generatum, etsi ex nubibus fortasse aliquando deciderit, sed turbine abreptus in altum. ita pluuisse aliquis credidisset pileo, quando Cardano transeunti Apenninum, pileus abreptus turbine, & in quoddam procul inde diffitum delapsus oppidum. Ita lanâ pluerè visum, dum eam montibus turbo detraxit, inter quorum spineta oues incerrantes, non parum ex ea reliquerunt. Talis pluvia tecti grandis in Masouia anno 1630 contigit, quando illud turbo ex domo quadam abstulit, & tandem post 4. milliaria Polonica deposuit. Deducimus posse insecta generari intra nubes, ac non absonum esse quod narrat Ziglerus, qui in Borealibus quibusdâ partibus, pluerè



pluere muribus scribit. Item Scalig exerc: 192, ubi hæc habet. In Noruegia frequenter nubibus putrefactis, nascuntur bestiolæ quadrupedes, magnitudine foricis, pilo vario, *lemmer* nomen habent: depascuntur locustarum more omnia, consumpto pabulo intereunt, corruptis aër inficitur lue, vnde vertigine & Regio morbo corripuntur incolæ. Non abnuimus & pisces ex nubibus decidisse ab ijs productos, idq; illos qui ex putri prodeunt vt anguillæ, talium enim generatio non difficilior quàm insectorum: anguilla enim ex sua pelle concisa, & in stagnum limosum injecta nascitur. Ex his quæ diximus patet, quomodo post pluuiam novæ subinde plantæ oriantur, quomodo rectis aut altis arboribus innascantur, itemq; insecta, pluviâ semen illò devehente aut cinerem: aut etiam niue, quòd enim hæc aliqua vehat, testatur resoluta, quæ fæces in fundo exhibet. Ex mari salso pluvia dulcis ascendit, quia sol quod tenuius & dulcius eleuat relicto terrestri & salso.

### §. 3. De pluuijs prodigiosis.

58. Fuerunt & aliæ pluviæ prodigiosæ. Fuit carni-um Romæ anno VC 293. exhalationum mixtura cum vaporibus poterat carnis imitamentum assequi percoquente ad spissitudinem calore: ita enim consistentiam tenuioribus solent pharmacopæi inducere, per cocturam scilicet diuturniorem. carnes illæ non facile putrescebant ob mixturam nitri, aut vitriolati spiritûs. nam aiunt carnes non putrescere æneo clauo ob eandem causam, quia nimirum, æs virtutem vitrioli as- fundit. Fuit & pluuiæ lactis an. VC. 643. ante bellum

Iugurthinum, quæ erat vapor collectus ex locis creta-  
ceis. Fuit & sanguinis sæpius, illa assumpta fuit ex  
locis rubricatis, aut mixturâ exhalationum, quâ de  
causa in Armenia rubræ solent comparere niues. Sed  
illa quæ Bruxellas in Belgio anno 1646. irrigauit insu-  
per acida fuit. non ex spiritu vitrioli, vt quibusdam  
persuasum erat, nam tantum huius salis vix vlla terra  
suppeditet, quæ grandi pluuiæ imbuendæ sufficiat:  
præterea partes subtiliores vitrioli, quæ solæ in nu-  
bes ferri poterant, non sunt acidæ: phlegmatis est  
acor. Pluuiam itaque intra nubem versam in acetum  
simili modo censemus, quo aqua verti potest. Vidi-  
mus hoc, dum crematum primum coqueretur, residuo  
quod mansit in fundo aheni, affusum tantundem cer-  
uiciæ, iniectus panis tostus melle vinctus, relictum  
hoc totum loco calido vt acesceret: huic deinde  
quidquid subtractum fuit, totum purâ remeriebatur  
aquâ, & æquè acre durabat acetum, licet nihil penitus  
prioris mixturæ mansisset. Vertitur etiam hoc modo  
aqua in acetum. Pyra agrestia in cumulo iaceant per  
triduum, deinde in vase ponantur & quotidie illis per  
dies 30. modicum aquæ affundatur fiet acetum. quia  
qui in pyris succus est, acer & crudus cum sit, eadem  
qualitate aquam imbuit. Cardanus. Pluerat & lapi-  
dibus anno V. G. 556. & anno Christi 159. Anno 1510  
juxta Abduam flumen cecidère 1200. saxa circiter,  
quorum aliqua 120. pondo, alia 60 fuerunt: tum aqua  
fuit in vapore subiecta talis quæ spontè lapidescit,  
qualis in non paucis locis spectari potest etiam saxum  
ex vapore & exhalatione coalescere, vt concrescit  
cerussa, si laminas plumbeas supra acetum appenderis.

Simili

Simili vapore quædam inuoluta lapidescunt, exemplo fit. Fortunatus Licetus Patauensis Medicus, lib. 2. de Monstris cap. 52. narrat, paruulum in vtero Matris in lapidem versum. Aristoteli inscriptus liber de admir: audit. In Lydia quosdam homines dum declinassent ad antrum quoddam, exanimatos, ac tandem in lapides mutatos, cum suis vestimentis, cibarijs & alijs rebus quas deferebant. Lapidescere fungos, stirpes, frondes & alia, notum est & nobis & Liceto ibid. cap. 49. Depluerat & ferrum, si non abreptum, aliunde: materia adhuc fluida in altum sublata, ex quali omnia metalla coagulantur, ibi induruit, quæ intra terræ viscera soliditatem fuerat acceptura. Illa verò pluvia vires naturæ excessit. quæ anno 1534. rubris crucibus vestes inficiebat, & anno 1501. in Belgio, quæ non solum expositas, sed cistis latentes simili modo depingebat, imò & hominum corpora, quod prodigiū triennio durauit: imò ex peplis fæminarum sanguis defluebat ad fimbrias, vt Horræus notavit, easdem crucis figuras formando: cuius quidem color præter supra positum modum, poterat etiam ex adustione oriri: nam omne adustum rubet, imò mixtum adusto vt patet in lyxiuio, in quo miscetur aqua adustis cineribus. sed cruces pingere & cistas penetrare, altioris erat causæ.

#### §. 4. Proprietates pluviarum.

59: *Proprietates pluvia sunt.* Fæcundare agros magis quàm alia aqua, quod contingit ob admixtas pingues ac calidas terræ exhalationes, propter quas etiã citius putrescit. Teste Senecâ diligentissimo vinearū

fossore lib. 4. nunquam tam magna est pluvia, ut ultra 10. pedes in altum madefaciat, sed nec radices arborum profundius descendere notatum. Pluvia frequentius euenit quàm pleraq; metecora: nam experti sumus etiàm ab igne illam generatam post magnum incendium, cùm illi fuisset affusa aqua copiosa, hæc igni resoluta, ac in altum sublata, illicque frigidiusculò aëre compacta, pluuiam fecit. Illud est mirabile non quidem ex parte pluviæ, sed ex parte soli quod recipit pluuiam, de quo Plinius lib. 31. cap. 4. In Narnienſi agro tellus ficcatur imbribus, æstu humescit. Ratio nobis prodigij hæc succurrit. Rara ac porosa tellus statim aquam absorbet: sed cùm sit calida simul intus, absorptam in vapores reducit, qui vapor cùm ad superficiem frigidiusculam venit, resoluitur in humorem.

#### §. 5. Pluvia per artem.

60. *Pluvia per artem* in hunc modum institui potest. Fiat tholus metallinus duplicatus, hic referet tertiam aëris regionem: illi interponatur nix aut glacies contusa, nitro vel vitriolo mixta: infra tholum vas colli longi, ad dimidium aqua repletum bulliens supra carbones, hoc referet primam regionem cuius aquæ in vapores vi caloris abeunt. Vapor in tholum frigidum impiogens guttatim recidet, nubemque resolutam exhibebit. possunt loco vasis in quo aqua coquitur substitui lapides candefacti, dummodo sæpius aqua irrigentur. Quod si volueris sanguineam spectare pluuiam, loco aquæ simplicis adhibe lixiuium, vel aquam minio cinnabariue coloratâ, & sic de alijs coloribus.

coloribus. Paracels. fragm. Philos. de Sagis tract. 7. hunc etiam modum producendæ pluvix suggerit. Salpetræ alumini, sed crudum crudo & nondum præparato misceatur, idque in magna copia: accendet seipsum ac effumabit, qui fumus quàm proximè ad medium interstitium ascendet, ibique nubem faciet, quæ postea resolvetur, & in guttas veræ pluvix abibit.

## §. 6. Signa pluvix & serenitatis.

61. *Signa pluvix & serenitatis* numerat Plin. lib. 18. cap. 35. & alij. Nobis rubedo cœli maturinâ; signum pluvix, quia vapores noctu collecti non sunt conversi in rorem, hi ergo attollantur à sole, & crescit nubes: at vespertinus rubor quia est descendente Sole, signum serenitatis; non enim habet à quo eleuetur, sic cogitur ad terram redire, cœlumq; purum permittere. Si Sol aut Luna palleascit, signum est pluvix: quia tum eleuatus vapor per quem Sol spectatur, ex qua etiam causa apparere solet maior in ortu suo, & est pluvix index: nam quo crassius medium, per quod aliquid conspicitur, maior est specierum refraction, atq; ideo augetur obiectum: taliter apparet nummus demersus cum per aquam conspicitur. Si etiam nimis citò videatur exortus Sol pluviam affert, quia nondum ortus in vaporibus spectatur, sicut si inieceris dolio nummum & recesseris, ut spectare non possit, affusâ aquâ reddes conspicabilem. Signum item imbrum, magna humectatio lapidum, & metallinorum vasorum murorumque: quia signum est multos vapores eleuari, qui cum omnes attolli non possint remanent in alijs rebus, qui etiam faciunt stridere lucernas

cernas ante pluuiam : tum enim se oleum habet, aut cera atque si aquis mixta esset. Simili indicio est, coaxatio frequentata ranarum, quia ante pluuias aqua multos vapores emittit qui permulcent ranarum corpora & ipsa aqua dum turbatur, imò cum sint admodum humida, simul ab astris suguntur cum aqua, quod idem euenit & alijs animalibus ex quo ante pluuiam, in corporibus quædam resolutio sentitur. Formicæ efferunt oua ante pluuiam, quia tunc antra incalescunt, ex quo ouis putrefactio timetur. Afferuit & hoc quidam expertus quòd in æneo vase ante pluuiam, aqua crescat. sortè ob vitriolum cuius non parum in ære, quòd tunc etiam exhalat. Alia signa sunt. Si nubes nigræ interueniunt rubentibus oriente sole, notant pluuias. Tonitrua matutina ventos significant; imbrem meridiana. Nubes vt cana vellera vbertim, sparsæ ab Oriente, aquam in triduum præfagiunt. Nube grauidâ candicante, grando imminet, si ab ortu nubes in occasum abierint, serenat. Autumni serenitas ventosam hyemem facit. Si ver & æstas pluuiæ, autumnus serenus. Sol si niger, si pallidus, si occidens nubilo inuoluitur, hyemat. Si dum Sol oritur tersus & illimis, nec tamen vrens, ac solito maior, radijsque refractis: aërem purum adducit. id ipsum promittit limbus aureus, aut candens horizontis extrema sub auroram stringens: & ros copiosus manè, quo & fenestram post noctem sudent. Animalia etiam omnia imbres futuros præfagiunt. nam & nos sentimus ante pluuiam alterari, languere: vnde illa se vel ad pastum, vt ad medicinam recipiunt, vel alio modo excitant aut frictu aut voce. hinc pungunt muscæ, vermes è

Ines è terra prodeunt, queruntur culices, pectunt se  
 feles, latent formicæ, ululant lupi, boues auram cap-  
 tant, aut contra pilum se lambunt, arietes cornibus  
 pugnant, excutiunt aures asini, stridunt sorices, qui  
 frigore imminente rodunt, vt nidum faciant profun-  
 diorem quo se recipiant, ludunt porci, plumas discer-  
 nunt aues, libant pennis lacus & fluuios hirundines,  
 apes in aluearibus manent, ad nidos columbæ maturè  
 redeunt, gregatim ambulant araneæ, galli cantandì  
 horam præueniunt. Sed & maris aqua ante tempesta-  
 tem tepida, & trifolium in pratis demittit folia ve-  
 luti marcidum, versùs terram. Noster Vistula ante ma-  
 gnos imbres subito deficit, quia fontes eius, qui sunt  
 in montibus Carpathijs in vapores attolluntur, qui  
 postea resoluti dant pluias. Sed & fungi concre-  
 scunt ad candelas, irides ambiunt lucernam, qui est  
 effectus impleti iam vaporibus aëris, nam etiam in  
 balneo similia eueniunt. Hæc etiam addit Bacon.  
 Corpus Solis in occasu sanguineum magnos præmon-  
 strat ventos. Nubes oriente Sole rubæ, pluiam  
 vespertinam. Si Sol exoriens cingitur circulo: quâ  
 parte se hic aperit, inde venti: sed si totus æqualiter  
 diffuat, serenitas; quia materia penitus dissipata, in  
 priore verò casu in partem excussa, quam quidquid  
 deinde circa Solem est, sequitur. Si circa Solem ori-  
 entem densant se nubes, tempestas. cùm cœlo sereno  
 fulgurat, tempestas. Liquidatio cœli nubili flantibus  
 in contrarium ventis, serenum. Nubes plumæ, & si-  
 miles palmarum ramis, pluet Montes pileati, pluet.  
 Nubecula subito oriens cœlo vndiq; sereno, mutatio-  
 nem aëris. Hoc etiam obseruatum. pluvia sedat ven-  
 tos, ven-

tos, venti pluviam. Cum aër subito fit tepidus, in proximo humor.

### § 7. Aëris exploratio.

62. *Aëris constitutionem* explorant alij per thermopilas. Vitra sunt duo in modum clepsydræ arenariæ commissa, sed colli longi hoc quod desuper immittitur: inferius vitrum liquore aliquo qui non congelat, impletur: superioris collum distinguitur per notas desuper: ut facilius aduerti possit descensus vel ascensus liquoris: hoc præterquam indicet aëris caliditatem aut asperitatem. (nam in frigore densante se aëre in superiore vitro ascendit liquor; in calido verò rarefaciente se aëre, descendit.) indicat insuper pluvias: nam ante illarum descensum, ascendit. In thermoscopia ait Robertus de Flud, si aqua subito per gradus aliquot descendat, in proximo pluvia. si per noctem aqua descenderit, modica pluvia. Sed circa thermoscopia hoc experti sumus. repleueramus illa spiritu vini, qui ut incongelabilis ut potè ardentissimus, hyemem constanter sustinuit, monstrauitq; aëris variationem ac gradus remittentis intendentisq; frigoris. Sed ubi accessit æstas, minima asperitate aëris in tantum attollebatur, ac hyeme summo frigore. admirari nos insperata res voluit, eam contingere ex hac ratione suspicamur. liquor hic æstate tenuatur, itaq; fit leuior, atq; aërem seuiter constringentem facile sequitur: at verò hyeme densior & g. auior fortiùs debet trahi, ad quod requiritur frigus, vehementer ut aërem stringendo, liquorem subleuet. ex quo concludimus pro thermoscopijs liquorem non solum congelationis



expertem, sed etiam rarescendi ac densandinefscium, quæri debere. Posset etiam fieri index qui mutationes aëris omnes indicaret, nimirum nulla sine ventis variatio, ventus itaque conuertat pertricam aëris sursum expositam, illa habeat denticulos, quibus indicem conuertat, & sic præterquam quod in cubiculo sciri possit quis ventus perftet, sciri etiam poterit, qualis tempestas, dum indici adscribatur natura venti, cuique in sua regione obseruata. Hunc etiam modum suggerit Schotus. Accipe granum aut spicam anenæ syluestris maturæ, detrahe stipulam quæ granum circumdat, & stylo superpone vt agitari possit instar acûs magneticæ, & ita includatur in pyxide, mutabit locum quoties aura mutabitur iuxta gradus sicci ac humidi: & quia de his ventus quilibet participat; si ventos per limbum pixidis descripseris, habebis indicem ventorum & tempestarum. Vitruntæ etiam prænunciare pluuiam inuersum, dum inuertatur ac pedis vacuum sale nitroq; repleatur orificium scutellæ aquâ plenæ immergatur, nam hoc ante pluuiam nubem, & tempore pluuiæ exhibebit pluuiam. Cardan. de Variet. liq. 15. c. 88. Anas si ad finem hyemis pectore rubet, adhuc hyems producetur: si candida fuerit, finis frigoris instat. Constantinus in Georg. Si ilex & quercus multum ferat fructum valde futuram hyemem duram. Democrit apud eundem. Talem futuram tempestatem qualis 24. Nouembris. horum ratio si vera sunt, ab obseruatione pendet.

## C A P V T III.

*De Niuibus.*

63. *Niuem* author libri de mundo & Plin. lib. 17. c. 2. crediderunt aquarum cælestium esse spumam. Verùm aquæ intra nubes sunt vapor, qui spumare non potest ob tenuitatem quâ superat aërem ideoque in eo pender: omne verò quod spumat, densius aëre qui illum claudere atque coërcere potest. Itaque tholus metallinus quem ad producendas pluias adhibuimus, niuium nobis genesim exponet: adde solem fabrilem qui intra tholos inspirans frigus intendat, niues loco pluuiæ decident. itaque niues sunt vapor congelatus priusquam coiret in pluuiam. Nix stellulas habet, quia conglaciata minutissimæ particulae nectuntur, ita euenit & in glacie quæ intra aquam, & in sole qui in lixiuio generatur. præterea nix multum terrei calefacti includit, hoc interceptum quasi se efflando dilabitur quâ data porta. In frigore intenso niues minutiones, quia sicca partes minus sibi cohærent, & si quæ cohæserunt franguntur. In montibus copiosiores, in vallibus pluuiæ: quia pleræque niues antequam ad vallem deueniant, liquefcunt. Est alba, quia omne diaphanum in minutissima redactum, ut patet in vitro, crystallo, glaciæ, est album: ex qua etiam causa est mollis. Ante niuem remittit frigus, quia dum generatur partes calidas à se excludit, quæ ad nos descendunt. Fœcundat agros propter particulas terreas pingues inclusas: propter quas etiam manibus abluendis adhibita, inficit. Per  
corum

totum annum in scrobe seruari potest nix recta paleis : quia non solo frigore glacies concrefcit, sed magis ficcitate, paleæ deficcant, terra frigore fouet. Minus facit lutem nix quam pluuia, quia terræ poros non laxat vti pluuia, proinde se neque cum terra ita miscet. maiorem facit inundationem quàm pluuia, quia poris clausis terræ minus absorbetur. In æstate rariùs cadit quàm grando : quia etfi forte generetur vim caloris in lapsu non sustinet vti grando quæ magis est compacta.

## C A P V T IV.

*De Grandine.*

64. *Grandinæ* generationem ijdem tholi, quibus exhibuimus pluuiam nobis explicabunt. nam si frigus intra tholos vehementiore flatu intendatur, ex resolutio in aquam vapore grando decideret. proinde grando est pluuiæ congelata. magnitudinem acquirit, cum deciduum vnum granum plures guttæ pluuiæ circumfundunt, ac congelantur. conspiciuntur in granis variæ colaturæ, hoc ipsum fit in candelis dum cera alteri defluenti se temerè affundit, & vtramque ex eadem causâ. generatur subinde & in prima regione æris, cum pluuiæ calefacta delabitur : caleferi potest in nube varijs de causis. nam aqua calens citiùs & robustiùs congelat ideo piscatores in ponto pro signo natante suis hamis addunt glaciem, sed hoc modo. aquam priùs calefaciunt, deinde frigori exponunt, quæ in solidissimam vertitur substantiam. Grandinis si diuidatur granum habet in medio partes nigras in cir-

cuitur per modum circuli depicti: quia multum habet grando de terreo impuro, testis Alb. M. Meteor. lib. 2. tr. 1. c. 26. quia aliquando in frustis grandinis inveniuntur pili, ac paleæ & frusta ligni quæ ventus eleuauit, aut sol cum vapore. Hinc etiam non ex omni pluuia concrefcit grando nisi adfit siccitas, etsi frigus non deesset, siccitatem faciunt exhalationes, quæ de causa etiam in glacie impuritates terreæ inueniuntur. Tempore grandinis auditur strepitus quasi armorum: quia tunc fit pugna vehemens fumorum contrariorum in aëre, siccorum ac humidorum, & venti grandes qui frigus, ad generationem grandinis necessarium intendunt. ita ollâ bulliente consurgit stridor, & ligno humido dum vritur, audiuntur strepitus.

## C A P V T V.

### *De Glacie.*

65. *Glacies* est aqua spoliata ferè omni humiditate per siccum frigus. Calor non congelat aquam, sed destruit, quia licet tollat humiditatem, tollit simul & frigiditatem, atque ita vtrâque spoliât qualitate, sine qua nec violentè forma manere potest: at verò forma substantialis manet saltem violentè, si habeat vnam qualitatem sibi proportionatam. sentit hoc ipsum Libertus Fromendus lib. 2. de Anima, vbi agit de mutatione aquæ in vinum. Hanc qualitatem quamdiu forma habet, manet; hanc si amittat solam, etsi cæteras habeat, pellitur. Hanc venena quædam expellunt, quæ non variato hominis sensibili temperamento, eum occidunt: istâ lignum calidum vt 7. se-  
tuetur,

tuetur, ne sit ignis: hanc retinet homo cum subinde aliquo casu ita alteratur, ut cadauer ab omnibus credatur, tamen paulò post redit ad vigorem. Ita euenit in aqua congelata: est siccitas, quia siccum est quod suis terminis faciliè, alienis verò difficilè continetur: hoc verò habet glacies. & licet humiditas sit vna ex primis qualitatibus per se ad aquæ formam requisitis, sufficit tamen ut admodum exigua maneat, dummodo alia qualitas maneat integra, quæ in aqua videtur esse frigiditas aut humiditas disiunctim. Ita plumbum, stannum & alia metalla resoluta in cineres formam retinēt et si vix appareat quam retineant qualitatem, nam leui negotio in eodem pondere & mensura & antiquis accidentibus redeunt. Ita plumbum iniectum Mercurio videtur esse Mercurius, tamen verè est plumbum, & in corio cerui manet, & igni fluit. Ita resoluitur Mercurius in fumum & tamen est Mercurius & per alembicum collectus fluus Mercurius: ita docet Bodinus in theatro vitrum ex auro fieri, quod mox redeat in aurum. Flamma candelæ antequam exuratur per fistulam aurifabròrum inflata super aquam reddit ceram. Et vice versâ et si aqua valde ferueat, ut modicissimum frigoris retineat, quia tamen retinet tunc in integro humiditatem, retinet formam. ita & metalla dum liquefcunt ac candent, seruant formam, quia adhuc manet qualitas vna, quæ est formæ fidus Achates & conseruatricx. Hinc licet celebrare Missam hyeme cum periculo congelationis, quia non eo ipsò quod siccitas adstringet, iam forma abibit vini vel aquæ. Aptæ etiam igni extinguendo glacies quia manet forma aquæ, dum enim calor atte-

nuat quod frigore concreuerat, ita partes glaciei à se discedunt: frigus autem inde erumpens igni obfistit ac obuiat: quod in cæteris siccis quia non reperitur, ideò igni extinguendo non sunt apta, imò inflammantur cum sint oleosa: calor præterea ignis segregat humidum à sicco seu duro, & sic indurat atque arefacit (siccitas quæ est cum frigore omnia constringit, congregat, includit) humidum verò ipsum magis attenuat, idque adeò vt etiam in vaporem humidiorum ac tenuiorem aëre emaciet. hoc ipsum in glacie eueniret, nisi dum tenuiora magis attenuantur ac in vaporem transeunt à frigore in aquam densarentur, cæterum magna pars effugit. Confirmat, hunc discursum experientia. Quia dum nimis rigida hyeme aquæ tenentur, tandem & pereunt, quia violentum durabile non est. Hinc mare Balticum in summa æstate frigidissimum itemq; certi fontes, neque tamen congelant quia siccitas deest. Hinc etiam sæpè molestius est frigus quamuis desit glacies. Glacies citius dabitur, si phialam, cuius liquorem cupis congelari obrueris glacie contusâ addito nitro vel vitriolo, quorum vtrumque est adstringentis naturæ, vel sale communi qui est desiccantis, & tum opus congelationis spectabis, ac quadam de congelatione solves. Primò enim videbitur humor ad minus spatium restringi quod euenit ad impressionem siccitatis parte colli relictâ. 2. Non solum se ad suam plenitudinem reducet aqua, verum & exundatio. particule enim calidæ, frigore inuadente, se incipient colligere, ac stipantè circum frigore, per antiperistalsim calefieri, ac se dilatare: & ita aquam attollunt, ex quo. 3. assurgunt intra

intra aquam maiores ac maiores bullæ, quæ ubi ad superficiem euaserint, rumpentur: crebrescent verò minutiores quarum extimæ passim vitro adhærebunt: sunt enim halitus intra aquam, illâ quidem leuiore, eius tamen corpulentiam non omnes peruadere valentes. sic aqua deseritur à calore, & humiditas frigore coercetur. Hinc causâ est in promptu, quare flumina ante glaciem aliquantum increscunt, quare bullæ intra glaciem inueniuntur. sed quare glaciæ innatet aquis? quia plûs continet molis quàm aqua, licet sit paris ponderis corpuscula enim eam distendunt: omne autem aquæ innatat licet sit æquè graue, dum sit sub maioribus dimensionibus, quàm aqua eiusdem ponderis, vt docent Statici. Quare denique intra glaciem nihil generatur? Quia est nimis sicca atque compacta: in niuib. nascuntur bestiolæ, quamuis neget Mercurialis: asserit tamen Aristoteles Plin. Strabo, Agricola, Olaus, Marsilius, Licetus, Scaliger. quia in niue multum spiritûs & aëris: qui calefactus leuiter humescit eoque generationi aptus. Sunt autem, hæ proles niuium, vermes candidi: sed in vetustiore niue rutili, & hirsuti propter fuliginem copiosam, vt eos describit Nieremb. in sua hist. Obseruatum est glaciem puram, quæ est crassa duos digitos, hominem sustinere; quæ tribus, equitem armatum: quæ palmi & dimidij, turmas: quæ quatuor palmorum, integrum exercitum. Sed Dani circa Grenlandiam tantâ crassitie in mari glaciem inuenerunt, vt nunquam peruenire ad alteram superficiem potuerint. Bartholin. Enchir. lib. 4. c. 7.

## CAPUT VI.

## De Iride.

66. *Iris* opus Excelsi, iucundum spectaculum, deliciae oculorum, pacis symbolum. Hæc Platoni Thaumantis filia, hoc est admirationis, ad cuius considerationem inuitamur Eccl. 43. *Vide arcum, & benedic eum qui fecit illum, valde enim speciosus est in decore suo.* Possidonius Iridem speculum Solis. Seneca imaginem Solis rescidam. Sed pulcherrimè Samogitæ Cingulum Fortunæ dixerunt. quòd dum splendet perit, & quomodo nascatur difficile intellectu. Duplex est. alia *Solaris* alia *Lunaris*. rursus vtræque, alia *vera* & per reflexionem: alia *spuria* & per refractionem, qualem exhibent prismata vitrea & hæc non est præsentis tractationis, satis fuerit innuisse modum, vnum alterumque illam procreandi.

## § I. Iridis exhibitio.

Exhiberi potest & in nube, quando radij à vera reflexi incidunt in aliam nubem, & possunt sub circulo exhibere, ad eum modum quo species in obscura camera, à velo albo excipiuntur, spectanturque ex omni loco. exhiberi etiam ad lumen candelæ potest, si trigonum vitrum quale obiecta colorat obieceris candelæ, & retro illud globum: & quidem si trigono litteras ex charta excisas applicueris: & trigono postpigneris lentem conuexam, litteras in iride spectabis. Calix vitreus repletus liquore in pavimento positus si radium solarem combiberit iridem circa se humi depin-



depinget. Spectabis etiam iridem si vitrum politum aquâ conspersum obieceris soli: spectabis item si speculum pelui repletæ aquâ imposueris, hoc enim reflectet iridem in parietem. Similem phasim etsi diuersâ genesi produces. argenti viui quod vapore plumbi coagulatum particulam æneo cochleari impone, atque cochlear carbonibus: emerget summa varietas colorum. Applicatâ etiam oculo pennâ columbæ candidâ, si aspexeris lumen candelæ haud procul submotum, videbis obiecta formata iride, ac si per vitrum trigonum aspexisses. Ad iridis phasma & hoc reduci potest: dum Sol æstiuus infenestras cameræ illabitur, eas obduc chartâ viridi simplici, amotis vitreis: à cuniculis verò compunge chartam: mira in his puncturis colorum varietas comparebit. Item fiat tale vitrum quale esset si trigoni iacentis extrema in circulum intorquerentur, vel si conus vitreus cono opposito excavaretur: tale vitrum debitè soli oppositum formabit irim circularem, etiam sub circulo integro. potest verò huic vitro substitui aqua prædicta modo figurata compingendo duos conos vitreos & planam vni superficiem obducendo, & aquam immittendo. potest etiam ex glacie idem fieri dummodo, quod facile non est, figura iusta non desit. per taliter formata vitra si candelam spectaueris, bascos centrum oculo obuertendo, loco candelæ viuacissimam videbis Irida eamque circulo sub integro. idem eueniet si Lunam per eius modi machinam respexeris: sed ad Solem res non succedit cuius radij non tinguntur ob vehementiam. Quodsi eiusmodi plures machinas vnam post alteram collocâris, multas in parietem, ordine

proijcies irides. Imo polygonas, id est Quadratas, aut pentagonas habebis irides; si loco trigoni circularis, talium angulorum vitra effeceris. Imò in medio aëre suspendes Iridem. Inter candelæ flammam & lentem conuexam interpone globum vitreum medio-crem aquâ plenum: tum à posteriore superficie vitri vteriorij reflectetur in aërem iris, ac in eo pendere videbitur. Potest etiam aliquis videre circa solem Iridem quoties volet, laminam aurichalceam pertundat foramine quàm minutissimo, dum modo rotundo, & per illud solem aspiciat. imò aliquando per hoc foramen plures videbit irides. Rationem horum assignare ad Opticos pertinet.

## §. 2. De Iride vera.

67. *Iris vera* omium consensu pro subiecto habet roridum aërem: nam in guttis videri potest. dummodò sint in eadem linea centrum iridis, oculus, & sol quibus variatis, vel nulla, vel alia ab ea, quam spectare intenderas, dabitur. Facies autem eiusmodi arcum, si ore pleno aquis conuersus ad Solem eas per minimas guttulas dispersas in altum eiaculeris. sed sol debet esse altissimus cum sol demissus non possit à guttis refringi in oculum. idcirco si formeretur fons qui hoc modo proijciat aquas, semper dabit Iridem, non solum ad radios Solis, sed etiam ad Lunæ. qualis alicubi habetur cum effectu in horto cuiusdam Principis. Eodem spectaculo, sed breui, perfrueris si immiseris in tuam Cameram, solis radium, siphone autem vulgari in tabulatum aquam exploseris, in illa enim deciduæ, irim miraberis. Propter qualium guttarum

tarum cursum & recursum in aëre, teste Plin. lib. 2. c. 62. Locris in Italia supra Lacum Velinum semper Iris spectatur. & iuxta Viterbium in Hetruria, & ad Anionem. Imo & in iacentibus per humum guttulis sole primò spectauimus in prato eiusmodi phasim. & quisque posset spectare qui globulos vitreos instar guttarum non magnarum, bene politos, ac rotundos, tabellæ planæ super imponderet, & soli exponeret. Sed labor est in eiusmodi globulis comparandis. Quodsi etiam prædictis Iridibus & odores quos iris affert addere fuerit placitum. fiat tubus vtrinque apertus satis latus, sed vna extremitate instar tubæ latior, hic floribus intus ita leniter impediatur, vt Solaris radius penetrare possit: huius partem angustiores extra cameram expone, ita vt sol possit illabi, & iam effecisti.

### § 3. De Coloribus Iridis.

68. *Colores* itaque iridis oriuntur ex lucis in guttulas incidentia atque in ijs refractione varia. et si possit etiam oriri ex ipsis particulis corpusculorum illustratis iam in se coloratis variè inter se permixtis, horum coloris imitamentum. Si enim rubrum flauo vitro superposueris videbis obiecta aurea; si flauum cæruleo, omnia viridia: si rubrum & cæruleum iunxeris, omnia purpurascunt: si albo nigricans, cinereus color emerget. Præterea ex quinque primis coloribus, albo, flauo, rubro, cæruleo, nigro, per solam mixturam omnes cæteri consurgunt. Misce album nigro per portiones æquas, cinereum facies. album cum flauo, dabis subflauum: flauum cum rubro, pro-

creabis fulvum seu aureum. ruber cum cæruleo, parie purpuram. cæruleus cum nigro, subcæruleum nigro proximum. albus cum rubro, incarnatum. ruber cum nigro, subrufum ad nigredinem vergentem. albus cum cæruleo, quasi cinereum, flavus cum nigro, fuscum, seu leoninum. Flavus cum cæruleo, viridem, producit. Verum hæc speculatio in Iride quæ tota ex aquis, in aquis, & in signum non ampliùs futuri diluvij assumptæ locum non habet.

69. Itaque cum omne corpus diaphanum tam priore quàm posteriore superficie radios reflectat, etsi posteriore debilius, vt patet in vitro polito, in quo duplicata obiecti imago redditur, maximè in concavo speculo; vna recta, altera inuersa, & hæc tingitur facilè colore: vt patet si sphæram vitream liquore plenam inspexeris, margines coloratos aspicias: hoc ipsum quævis gutta aquæ pendens, contra solem considerata præstat: itaq, radij incidentes, in guttas, faciunt illos colores, quos in iride miramur: Secundaria verò Iris à radijs Solaribus reflexis in contraria guttarum parte nascitur. Proinde vtraque Iris spectatur in ipsis guttis sicut colores in globo vitreo. Ex his ergo.

#### §. 4. Adiuncta Iridis.

70 *Deducimus.* 1. Non solere esse Iridem circuli perfecti partem perfectam. quia si esset perfecti circuli, haberet pro oculo centrum, adeoque ex oculo tanquam è vertice procederet conus, cuius basis esset iris, sed hoc fieri non potest cum omnis reflexio fiat sub angulis æqualibus angulis incidentiæ, atqui sol longè

longè oculo est altior, itaque ex singulis guttis ita reflecti non potest. 2. Circulo integro non spectari, quia deberet ex guttis infra horizontem positis reflecti quamvis & id rarissimè possit contingere, spectavit enim talem Campanella. 3. Sol quo demissior facit Iridem altiore, & è contra. Ratio petitur à refractione radij solaris. 4. Colorum in iride præcipui tres, puniceus, xanthus, & cæruleus. quod sit ex mixtura colorum in guttis à sole procreatorum. 5. Iris insequentem fugit, sequitur fugientem. quia variato loco aspectus, linea quæ ducitur à sole per oculum alibi quæret centrum iridis. 6. Iris quo demissior diutius durat, quia durat illius subiectum, quod tota altitudo nubium deflua reparat, si aliquid illis decessit: quâ de causa etiam vertex Iridis citius deficit, quia humor parte nubis supernâ citius quàm infernâ decedit: & quâ parte nubes exhausta, illâ deficit iris. 7. Iris terram videtur attingere etsi non attingat, quia & nubes videntur attingere. 8. Omnis nubes tingitur, atque adeò iris est semper quoties obnubitur cælum, sed à nobis videri non potest; cum non fiat ad nostrum oculum reflexio. 9. Altitudo iridis varia, quia varia & nubis altitudo, & solis depressio: Secundaria Iris altior quàm primaria, quia primariam ambit. 10. Cornua sæpè distant à se milliaribus tribus Ital: ita experientia docet. 11. Colores hoc ordine spectantur. in Suprema abside puniceus, in media viridis, in ima purpureus. Sed inter puniceum & viridem ex mixtura oritur flavus. Ptolomæus tamen numeravit septem, verùm præter dictos, cæteri v. valdè diluti, meritò à Philosopho omitti:

ijdem colores prout densius habent subiectum variant. 12. Irides aliquando plures, subinde etiam sex spectantur, vti Snellius scripsit, ortum id fuit ex diuersa nubium altitudine & quasi ordinibus. 13. Motus habet Iris varios, depressionis, cum sol oriens creat in occasu irim, quò enim sol altius se tollit, Iris demittit, & è contra sole occiduo, intra circulos polares vbi sol circa horizontem, gyrat, & Iris circumfertur. 14. Per tubum opticum Iris spectata solam confusio- nem exhibet, quia vitra variant incidentiam debi- tam radiorum. 15. Parallaxim Iris, etsi tanto sole sit depressior eadem videtur habere cum Sole, vti & Halo & corona: sed nullam habet, quia è duobus lo- cis eadem, spectari non potest. 16. Non, apparet nobis Iris nisi fuerit sol infra 45. gradus, quia si fuerit altior nunquam cadet radius in nostros oculos. 17. Prata olent quæ tetigit Iris; si tamen fuerint prius sicca, sed hoc per accidens, tepore & humore excita- tur odor, hume fecit pluuia, sol tepescit, inde odo- res florum, expergiscuntur. 18. Iris Lunarìs eodem modo ac Solaris nascitur, sæpius est vnicolor ob lucis debilitatem. Snellius ab anno 1618. biennio toto con- tinuis noctibus coloratam eo modo quo solaris appa- ret, spectauit. 19. Iris assumpta quidem in signum non futuri amplius vniuersalis diluuij: sed ex seipsa etiam hoc indicat: vt enim formetur, non debet to- tum obduci nubibus cælum, vt via pateat radijs sola- ribus ad nubem oppositam, verum cataclysmus vt viribus naturæ excitari non potest, ita ex natura sua illius metum Iris tollere non potest. 20. In parte me- ridiana tempore meridiei Iris conspici non potest,  
nam

nam oculus noster debet esse medius inter solem & iridem, sed hoc fieri tali tempore non potest & loco.

## C A P V T VII.

### *De Halone Coronæ.*

71. *Halo, Corona, Halysis catena, armilla*, ferè idem sunt estque lux astri per nubem circumiectam dispersa, quomodo in balneo circa candelam. hæc non semper eiusdem molis. Circa Solem refert colores Iridis, & eandem genesim cum Iride habet: circa alia sidera albescit ob lucis tenuitatem, aut certè valde dilutos exhibet colores: maximè circa lunam ubi etiam habet colores iridis, sed ordine inuerso nam: versùs sydus est puniceus inde viridis, ultimò purpureus. fiunt in vaporoso aëre hæ coronæ. vapores non sunt quid continuum sed veluti atomi in aëre natantes, alioqui in cellario ubi undique coronat halo candelam merus circa candelam esset vapor, & nullus aër. guttæ hæ vaporis imitantur guttas pluviæ quoad figuram, adeoque sunt sphericæ, aut sphaeroides. ita quidem Halo. *Corona* verò si eam distingui placet, quæ ambit sydus, est nubes variè reflexis radijs sideris penetrata. dum eam spectamus in eadem recta sunt centra, oculi, sideris, & coronæ. Colores sunt hoc modo. Intimè puniceus, nam ibi radij incipiunt deficere: in medio albus, ibi enim radij fortissimi ultimò cærulei, quia omne lumen deficiens cæruleum apparet, ut patet in montibus & syluis à longè spectatis. Simile huius spectatis. Accipe vitrum vistorium & per illud candelam intueri oculo posito  
inter

inter focum & vitrum: tum in medio vitri ad certam latitudinem suum colorem retinebit flamma, sed paulatim procedendo ad latera, pars flammæ incipit puniceo tingi, & quæ remotissima à centro illa cærulea. Interdum circulus non plenus spectatur, quia tantum ex parte sidus vapore tegitur.

## C A P V T VIII.

### *De Parelis.*

72. *Parelium* Solis est imago in nube tanquam in speculo reddita, qualis non rarò spectata, ita multiplex ut etiam tres, sex, imò & nouem soles exhibuerit. debet esse nubes ex vapore & exhalatione, ita ut loco vitri specularis vaporem diaphanum soli obijciat; obscurâ verò exhalatione tanquam bractea terminetur. Anno 1525. Febr. 1. sub Sigismundo Poloniae Rege spectata quinque Parelia. Anno 1600. Martij 18. in Transyluania quatuor soles visi; quod portentum ab ortu Solis vsque ad 11. horam ante meridianam duravit. habemus catalogum eiusmodi imaginum ab initio mundi, sed alteri seruamus tempori. Luna quoque similes facit imagines quæ dicuntur *Parseline*.

## C A P V T IX.

### *De Virgæ.*

73. *Virgæ* sunt radij solares per foramina nubium erumpentes; & hæ Sole ortiuo aut occiduo sæpissimè spectantur: tales habebit in obscuro conclauis, qui lumen



nen chartâ pluribus maiusculis foraminibus pertusâ  
exerit. Alij volunt hoc esse Virgas cum guttâ aquo-  
æ propter refractionem luminis Virgas referunt re-  
fringi verò taliter accidit, quia vna pars nubis densior.

## C A P V T X.

### *De Voragine.*

74. *Chasma* seu vorago est, cum nubes exteriori-  
bus partibus minus opaca, in medio verò est obscu-  
rior. ita enim & pictores hiatus solent depingere :  
nam omnia illuminata viciniora nobis, obscura verò  
videntur remotiora. Vocatur etiam chasma quando  
repentino lumine exhalationis magnæ incensæ sub  
nubibus, cælum quasi aperitur, & voraginem facit  
horribilem : è diuinatoribus accipiebatur superstitio-  
sè pro belli signo. Vnde apud Virgil. 5. *Æneid.* ait  
Turnus.

- - Video medium descendere cælum.

## C A P V T XI.

### *De Coloribus in aëre & apparentijs.*

75. *Colores* in aëre vocamus, varias apparitiones  
luminum, quæ causantur ex lumine reperlusos & re-  
cepto in exhalatione inæquali nunc densâ, nunc te-  
nuiore, accedente in super medij perturbatione per  
quod fit aspectus, hinc apparent in varijs figuris vt  
centaurorum, auratorum equitum, montium, draco-  
num, acierum decertantium. Cæterum illustriores  
apparitiones vt armatæ concurrentes ordinatè in cælo  
legio.

legiones, Angelus cum gladio ignito aut cruento, animalia, videntur esse opera Intelligentiarum: in aër residentium adiuvantibus causis naturalibus. Colores variat medijs aut densitas aut raritas. Nam 1. Si corpus crassum non valde illuminatum habeat ultra se lucem maiorem, apparebit flauus color, & ex hac causâ Luna per vapores spectata, apparet flaua. 2. Si corpus crassum aliquomodo sit diaphanum, & intra se habeat lucem vehementer, post corpus verò sit vmbra, ante corpus lux, fiet color cæruleus. 3. Si corpus sit tenue, & post se magnam lucem habeat: refracta lux à tali corpore, apparebit rubicunda: & ideò flammæ pars superior rubescit, eodemque colore spectantur exhalationes in ortu & occasu solis. Quâ etiam de causa cum per trigonum vitrum radius solaris transmittitur, medius color flaccus: & vbi pars magis illuminata, rubeus; & versus partem vmbra iacentem, cæruleus. Concurrentium acierum rudem aliquam iconem possunt efficere venti huc illucque nubem iactantes temerè: explosiones verò possunt simulare fulgetra, & fulmina. Talia supra Ierosolimas 2. Mach. 5. per dies 40 sunt visa, quando visi sunt discurrere equites habentes stolas auratas & hastas, & congressiones visebantur, & galeatorum multitudo gladijs districtis & telorum ictus. simillima horum visa sunt in Polonia anno 1655 vltima Iunij, vbi explosiones auditæ, acies visæ & fremitus armorum totâ nocte. Anno etiam 1648 ad initium belli Cosarici non defuere in cælo Polonico spectra. Snellius narrat ante bella Hollandica conspectas fuisse in Belgio castrorum metationes, imò dislosiones, tubas, & frago-

fragores belli auditos. Imò anno 1558. quando Hispanus parabat classe obruere, Hollandos conspecta in aëre supra Amstelodamum [ vti est apud Fromondum in Meteor. ] per duas horas pugna naualis. Eiusmodi visa scribit Melanchton in Germania ab anno 1524. ad 1548 sæpissimè spectata, quibus mater cruenta bel-  
lorum hæresis caput attollebat. Item 3. Machab 2. Acies igneæ in Iudæa per inane vehi visæ, has secuta est 16. millium cædes, & templi prophanatio per Philopatorem. Anno V. 710. visi sunt complures igniti homines præsagium cædis Iulianæ. Anno 402. Christi. Fulgurantes hastæ spectatæ in cælis, paulò post Duce Alarico Gothi diripuerunt Romam. Audita sunt tubæ sonantes de cælo antequam Longobardi Italiam invaderent. An. 587. Sol ad integrum diem diminui visus est, adeò vt ne tertiam sui lucentis globi retinuerit, quæ res visâ Saracenorum sectam prænuntiare, quæ quasi tertiam Orbis Christiani partem breui corruptit. Anno 1529. Sanguinolentum corpus visum in aëre cum gladio cruento, item arx ignea cum ignitis equitibus, quatuor Cometæ ex aduerso stantes ad quatuor mundi latera spargentes flammæ, prænotârunt vastationes, bella & cædes illatas Germaniæ à Turcis. hoc enim anno Solimannus cinxit obsidione Viennâ Austriæ adductis secum 140000 Turcarum. Anno 1547 Romæ visa Crux sanguinea, ad cuius dextrum latus pendebat flagellum terribile, superque crucem Aquila volans, hoc chasma tribus diebus duravit. Eodem anno visi duo exercitus duoque Leones inter se grauiter concertantes, quorum vnus alteri mordicùs auulsit caput. Post hoc Ioan.

Fridericus venit in captiuitatem Cæsaris. deniq; missis alijs. anno 1556 Cernus quatuor cornua habens visus est in aëre: erant autem duo in capite, duo in tergo cornua, prope ceruum duo cataphracti qui ceruum persequabantur, &c. Anno 1664. in China dum contra legem Christi & eius Sacros Prædicatores leges impiæ ab Gentilibus latæ fuissent: supra Regiam post tenebras planè Ægyptias [ vti scribit R. P. F. Victorius Riccius Ord. Præd. ] globus supra Metropolim regni pependit per dies 14 qui in vrberem vibrabat lucidam flammam ac incendebat, denique se copiosius effundens regiam ipsam quæ in ambitu quatuor leucas habuit, in extingui biliter exussit.

§ 1. Imitatio Phasium cælestium.

76. Imitari etiam istas phases possumus, ex quo nostra speculatio firmabitur. Recipe Lunæ purissimæ siue per capellam depuratæ vnc. semis, aquæ fortis, & mercurij ana vnc. 2, in his solue prædictam Lunam, & inijce phialæ & commisce, affunde libram aquæ communis, & diligenter claude phialam, crescet in dies argentea arbor. Finges autem arborem auream. 77. Antimonij in puluerem redacti, aquæ fortis communis & olei sulfuris, sing. partes æq. eaque affunde lapidi de tribus, omnia verò phialæ impone, cum tempore exhibebit arborem phantasticam cum pomis aureis. Datur & hic modus arboris effigendæ. Recipe tincturæ Lunæ & Mercurij ana æq. amalgama inde fiat, quod repone in vas, deinde optimè conclude atque ita relinque donec in puluerem resoluetur, qui nigrum sulfur vocatur. Huic adde sulfuris vnc.

& sc.

& semis, atque Tartari, boracis, myrrho ana vnc. i. misce: phialæ impone, & claudē Hermeticē, deinde pone supra arenam calidam, & intra duos vel tres dies videbis arborem. Alium adhuc modum subministrat Paracels lib. 2. de generat. rerum, quo integram regionem in phiala chymicē repræsentat. Recipe aquam fortem, in qua solue Lunam, Mercurium, Solem, Venerem; postea seorsim solue in aqua forti vitriolum: hæc omnia phialæ imposita bene commisceantur, & insolentur. quam materiam si florescere comperies extenuatā aquā nouam limpidissimā affundes: aqua fortis verò fiat ex alumine, salpetrā, & vitriolo. Item ibid. Aurum calcinetur per aquam Regis, vt calx cretacea, quam impone cucurbitæ, adde aquam Regis & aquam gradationis ita vt quatuor digitos transuersos super emineat: & iterum abstrahē in tertio gradu ignis, donec nihil ampliùs ascendat. aquam distillatam iterum superfunde, & iterum distillando abstrahē vt antea, hoc tamdiu fac, donec videas solem assurgere in vitro, & crescere formā arboris. Alium modum porrigit Schotus certam plantam apparenter ex suo cinere resuscitandi. Ex capillo Veneris aqua distilletur, ac vas vitreum illā ad dimidium repleatur, affundatur cinis, & sal eiusdem herbæ, atque vas hermeticē claudatur & habebitur intentum in loco calido. Sed sequens modus pro quacunque planta seruit. Recipe cuiuscunque plantæ maturæ cælo sereno seminis libras 4. & in mortario contunde, ac phialæ mundæ impone, atque optimē concludē ne expiret tum cælo sereno collige rorem aliquot linteis purissimis eumque in vitrum optimē lo-

tum exprime, percola, aliquotiesque distilla. Semen interim in tabula expone noctu, cauendo ne à sole deprehendatur, ante illius itaque ortum oportebit in phialam reponere. Roris quem distillasti feces collige, eas calcina, salemque ex illis euoca, ac in prædicto rore solue: hunc rorem sic paratum dicto semini ut ad tres digitos emineat affunde, & vitrum borace claude: atque in loco humido, calidoque, aut ventre equino per mensem contine. deinde per totam habet ætatem sub dio: sed quoties cælum turbatur aut pluit, petatur cum phiala locus calidus & siccus perficitur aliquando hæc operatio ante decursum anni. Signum maturitatis hoc est? materia limosa in fundo tumescit, ac in altum assurgit: spiritus & cuticula inducta decedit, materiaque inspissatur ac cinis fit albocæruleus. Hæc ergo materia quoties calorem senserit plantam dabit, quoties frixerit in chaos abibit.

## C A P V T XII.

### *De Crepusculo.*

77. *Crepusculum* est lux solaris nubes colorans. si manè fiat, aurora dicitur. Quot gradibus sub id tempus infra horizontem sol deprimatur non constat absolute. Ptol. putat gradibus 18 demitti solem. Alhazen 19. Tycho 17. Rothman 24. Vaporum enim qui illuminantur non eadem apud omnes altitudo est.



## P A R S I I I.

*Meteora in Aqua.*

78. Horum materia est vapor. vapor desumitur ab aqua. aqua verò diuersa nomina sortitur. Si stagnet & habeat profunditatem, dicitur Lacus. si hæc careat, & in latum fundatur, dicitur Palus. Fretum, vbi mare arctatur. vbi gyratur, vortex: vbi seipsum absorbet, vorago. vbi expers fundi, barathrum.

## C A P V T I.

*De Mari.*

79. *Mare* magnum est vnum, Amphitrite, siue Oceanus; sic dictus, iuxta Bocatium, quia in modum cinguli orbem terræ ambit. ex hoc mari tanquam è radice surculi alia maria particularia sparguntur, & diuiduntur. hic deficere non potest naturaliter cum sit omnium aquarum principium, proinde iam mundus vno elemento careret: & sublato humido, omnia viuientia deficerent: insuper in locum Oceani exsiccati tam vastum aliquod corpus deberet succedere, itaque ordo vniuersi turbaretur. de facto autem sydera extractionem vaporum coniungunt cum restitutione, & quidquid vigor actius Solis de mari Meridiano vaporum sursum euocat, tantum mare Septemtrionale quod est frigidum addensat sibi de vicino aëre & in aquam conuertit. Mare idem prout varias terras alluit, aut ex alia ratione, varia nomina sortitur. Pythagoras mæc credidit lacrymas Saturni esse, qui ter-

ram putant viuere, eiusdem humorem salum credunt mare: Anaxagoras verò suspicatus est eiusdem terræ sudorem esse, cui assensus Empedocles, argumento illis falsedo. Amplitudo maris nondum exactè cognita, Scalig. exerc. 38. è totius globi terraquei superficie duas partes aquæ tribuit. Piccolomineus ampliat terram. Bodinus pares vtriq̃ue elemento tribuit superficies. De Profunditate etiam non constat. Quidam crediderunt profunditatem montibus æquare: verum decepti sunt. profunditas Oceani dimidium Italici mill. non assequitur, vti se à nautis didicisse scribit Bapt. Benedictus epist. ad Horat. Mutum dantur tamen gurgites miliaris vnus. Sed circa Insulas maris Pacifici nullâ bolide assequi fundum poterant Hollandi, Olaus asserit non posse in Noruegia sufficere funem etsi totam nauim occupârit, explorando fundo. sed hæc sunt rarissima respectu tot & tantorum montium. ex quo etiam patet quòd plùs sit in hoc globo de terra quàm de aqua. Centrum idem est terræ & aquæ. Si enim suum aqua globum haberet, mare in medio profundissimum esset: at omninò se aliter habet. Littora tamen nautis videntur mari humilia, quia nigra, aqua verò maris subalbida, aut subuiridis; huic verò colori composita nigredo fingit depressionem, ita enim cavitates, vti diximus, & in pictura exprimitur. Tumor etiam maris vt pote globosi ad hoc confert persuadendum.

### §. I. De Maris falsedine.

80. *Salsedo maris* prouenit non ex natura aquæ: nam falsedo est ex commixtione primarum qualitatum,



tum, itaque puro elemento non competit. proinde  
salsedo ab extrinseco venit, nimirum ob admixtio-  
nem exhalationis terreæ combustæ. nam aqua salsa  
densior dulci, itaque densitatem ex terrestri habet,  
quod salsedinem causet adustio patet in lixiuio, vrina,  
sudore. & quia minus aduritur hyeme exhalatio, mi-  
nus etiam salsum mare. In fluminibus exhalatio aduri  
non potest, cum statim ac nata, deferatur aliò. Sta-  
gna verò licet non decurrant; salsa non sunt: quia  
non quævis exhalatio idonea gignendo sali. Pisces  
marini etsi aquam bibant salsam non saliantur, quia  
calore naturali separant dulce à salso, solo verò dulci  
nutriuntur. nam distillatione aqua marina potest à  
sale liberari. Non omne verò mare æquè salsum, imò  
Caspium sale caret, glaciale modicum habet, Euxi-  
nus est potabilis. Glacies in mari dulcis, quia quod  
salsum mergitur Superficies maris salfior quàm fun-  
dus, quia in superficie maior adustio, ita censuit Scalig.  
exerc. 51. Sed eum refutat Patricius & experientia,  
& ratio: nam aqua salsa cum sit dulci grauior debet  
fundum petere. & ex hac causa fundum tenet salsedo  
in Ponto & Ascanio lacu, & in Achilleo fonte Mile-  
tensi. Hinc etiam circa littora minus Salsum mare,  
quia sal in profundiora defluit. Sal in mari, vt Bodi-  
nus explorauit, se ad aquam habet vt 92. ad 106. Sed  
hæc experientia pro regula haberi non potest, nam  
non vbique æquè salsum mare. Ad salsedinem confert  
bitumen, propter quod mare mortuum salissimum,  
& cæteris densius. confert & alumen & nitrum, quæ  
duo etiam colores mari inducunt, & minus aprum  
congelationi, restinguendoque igni faciunt. Adustio

confert ad maris densitatem, nam etiam liquorem densabis, si continuâris coctionem. densitas est maris in causa quod mari naues vectæ non ita profundè mergantur ac in flumine. Exhalatio quæ non adurit procreat herbas, quæ ita densæ in aliquo mari innatant, vt speciem prati amænissimi faciant. Salsedo maris non est otiosa, confert ad sæcunditatem, confert ad sanitatem piscium. Ex doctrina Lemnij bibitur contra morsum rabidi canis. iuxta Plin. lib. 31. cap. 6. purgat per alterutram partem corpora à bile atra & sanguine concreto, etiam in quartana febri quibusdam exhibetur, sed debet seruari diutiùs vt vetustate virus deponat, alias noxia. Tepesactam etiam enematis infundunt, & sic tormina & cholera sedant. Præseruant se illius abluione à frigore sic enim credunt se diutiùs eius amoniam posse ferre. Curantur etiam aqua maris & lentes & vermiculi capitis & scabies: curantur & liuentia & citissimè ad colorem reducuntur: eluitur & à ferro facillimè rubigo Plin. lib. 31. c. 6. Docet quomodo quisque sit marinam sibi conficere aquam. Sextarius, inquit, salis cum quatuor Sextarijs aquæ miscéatur, salissimi maris aqua referet, & huius haustu aliqui pestem depulerunt. Efficitur & ex salsa dulcis aqua: cereum aliqui vasculum vndique clausum in mare demergunt, sola se dulcis per poros insinuat. sed experientia non respondet. Portæ meliùs lana atq; ad nauium latera appensa dulci vapore imbuitur. Alij percolatione per arenam conati facere dulcem, sed Porta lib. 20. Magiæ etiam post decimam collationem recepit salsam. Leo Baptista Albertus non iam cereo vasi sed fictili attribuit, sepa-

separationem dulcis aquæ à salsa, sed etiam hoc non respondit Portæ. Neque decoctio liberat à sale, nam omnia subtiliora calore exhalant, & sal remanet. Debent stiptica adhiberi quæ constringendo salem descendere cogant, vel coagulando ita videmus iniecto alumine in lixiuium illico salem & colorem descendere, & aquam remanere puram. Sunt qui volunt coqui spongiam in ollam immissam salitam, & hanc aiunt ad se attrahere salem. alij in linteo triticeam farinam illigant, & in ollam immittunt, & salem attrahunt. Non assueti mari nausæa corripiuntur, hoc ipsū evenit ijs qui aquam tepidam bibunt: huius vices gerunt vapores tepidi marini qui replent stomachum. & magis ad hoc Stomachus excitatur si alterum videat contedentem, quia perturbatum quævis imaginatio facile concutit, nam dùm alius verba comedit in præsentia nostri, nobis facile à os ascendit saliva.

## § 2. De Motibus maris.

81. *Motus* habet suos *mare*. nam à Septemtrione ad Meridiem agitur motu quasi æquationis: fortè quia plùs inde aquarum ob copiosiores niues affluit, sub zona verò torrida multum ardor solaris per exhalationes aufert. Habet & motum similem illi, quem Veteres in cælo dixerunt, raptus: nempe ab ortu in occasum, prout illi Mæotis, Euxinus, Propontis influat, in Oceano verò Indico motus iste adscribi potest subsolanis continuò perflantibus. Habet & motum librationis ab vno latere in aliud, quod potest referri in fluminum influxus ex aduerso, quibus superficies iam deprimitur iam attollitur. Habet denique &

## §. 3. De Æstu Maris.

81. *Æstum*. quo quidem Mæotis, Pontus Euxinus, Bæthicum quod propter exiguitatē audit Sinus Venedicus, Propontis, Ægeum, Calpium, non habent. Habent alia maria. Exultantque vada, atque æstu miscentur arenæ. Siculum etiam bis eadem die. Oceanus ad Britanniam attollitur 80 cubitis, vti est apud Plin. lib. 2. cap. 97. alia Maria plùs aut minùs hinc per consequens quædam flumina quorum ostia sunt in mari retro aguntur: & quidem fluuium Maragnonem instar torrentis rapidissimi ad 100 leucas Oceanus retro reijcit, fluuium Indum ad 30. agitur & Scaldis in Belgio, & Bætis in Hispania, & Garumna in Aquitania, & Tamesis in Anglia. Etiam fontes aliqui maris imitantur æstum. in saltu Pyræneo in pago Belesta est eiusmodi, alius in Pictauia circa locum de la Godiniere, & riuulus prope ciuitatem Saumur: & quidem alij fontes singulis horis tumescunt, alij diebus, alij noctibus. Intra montes Pyræneos ad radicem montis dicti Estorbe est fons qui horarios facit æstus à die S. Ioannis Baptistæ incipiendo, & continuat illos vsque ad diem Natiuitatis Dominicæ, quo tempore fluit constanter tanta copia aquæ vt statim quatuor molas diuersas agat. Quodsi hyems valdè fuerit frigida & sicca, tunc horarios æstus vsque ad diem Paschatis protendit, quo mira fertilitas annonæ prænotatur: cum verò ante Domini Natalem cessant illi æstus, sterilitatem metuunt. Anno verò 1624 & sequenti, quo hæretici per Galliam profligati, totis annis æstus hic durauit. Æstuum maris ordo hic est.

Lunâ

Lunâ exortâ attollit se mare lentè, vsq̃ue dum ad locum eum, quem Sol horâ nonâ in cælo tenet, venerit: tum velociùs assurgit, vsq̃ue dum meridianum Luna occupauerit: deinde molliter descendit, quousq̃ue venerit Luna ad locum cæli, in quo Sol horâ tertiâ esse solet, tum celerius detumesçit. Idem reperit post occasum Lunæ ijsdem legibus, dum alteram partem cæli planeta pererrat. Et hi æstus à Nouilunio ad primam Quadraturam hâc lege quidem assurgunt sed quotidie minores: inde verò vsq̃ue ad Plenilunium augentur: à quo ad vltimam quadraturam minuuntur, & rursus ad Nouilunium augescunt. Item in veroque æquinoctio vasti æstus, in Solstitio æstiuo mitescent, sed in hyberno efferantur. Maiores item æstus cientur dum Luna signa Austrina, quàm dum Borealia peragrat. Variant tamen aliqui æstus ex accidenti prout se illis aliqua locorum, ventorum, & eiusmodi, auxilia miscent, vel obstacula: sed tamen ita variât vt parte magnâ seruent. Hæc est historia, sit.

#### § 4. De Causa æstuum maris.

83. *Causam æstuum* non tam facilè assequi. qui putant terram animal, respirio illius tribuunt hunc fluxum & refluxum. Bacon refert in incidentiam radiorum Lunæ, quæ accedit vel deficit à perpendiculari. Sed non euadit difficultatem. quomodo enim radij operantur in nostro horizonte dum planeta est subterraneus? Alijs videtur hoc euenire per rarefactionem aquarum, sed sic naues mergerentur: nam rara aqua parum fert ponderis, ob quam raritatem fluuius Silas in India nullas potest ferre naues. Certum ex  
tam

tam stabili æstuum respectu ad Lunam, videtur esse, Lunam cooperari ad æstus; sed non sentimus cum ijs qui volunt vi Magneticâ mare à Luna trahi: quia sic omnia maria colligeret Luna sub Zodiacum, aut potius æquatorem, Tropicumvè dum in illo moratur. Certum item videtur quòd non calore Luna operetur, quia dum sub terra est, calor ad nos illius peruenire non potest. Videtur etiam Sol cooperari, quia in Æquinoctijs & Solstitijs circa æstus aliquid contingit, quod non alijs. & inprimis quòd in Nouilunijs & Plenilunijs maiores sint æstus; referimus in coniunctionem aut oppositionem horum Planetarum. In Solstitijs & æquinoctijs plurima etiam alia, vti in libris de mundo & Cælo dicemus, turbantur & variant, itaq; non mirum quòd & maria. Sentimus etiam ex parte sua mare concurrere, quia plurimum salis, nitri, vitrioli continet, vti falsedo ostendit. Hæc enim à Planetæ influxu turgent aut se contrahunt. Nam vt Swingerus scribit, est quoddam vitrioli oleum quod cum Luna tumescit, aut detumescit. item Kircher in Mundo subterr. ponit hanc experientiam. Peluim si aquâ nitrosâ impleueris cum sale communi mixta; & serenâ nocte radijs Lunaribus exposueris: statim feruere incipiet, ac bullas agere, & hoc magis si fuerit Nouilunium aut plenilunium. Nitrum etiam ipsum ita facit halare liquorem, cui inijcitur vt vase clauso nequeat contineri. Sed dum Luna sub terra, quid æstum mouet? Eadem Luna, quia non calore qui est exiguus, sed aliâ qualitate opus suum exequitur, quâ etiam terram peruadit. Fontes qui æquè cum mari turgent, cum eodem communicant: qui à regula ma-

la-maris deuiant, impedimentis tribuendum, propter quæ non statim se aqua maris, fonti affundere potest. Sed ad alias causas referimus miraculum illud lacus Morauici, versùs Hungariam: qui cùm esset vastissimus, ita aruit; vt in pascua pecorum conuersus fuerit, sed post aliquot annos rursus aquis redundauit. causa fuit fons huius lacus Pater terris delabentibus obrutus, quas terras tandem aquæ vincentes, lacum reperierunt. Ad æstuum classem & illud naturæ prodigium spectat quod est inter Carpentoratum & Cauallionem in Gallia Narbonensi. locus est ibi dictus Volcluse, estque spelunca montis cuiusdam, quæ per totam hyemem siccissima, æstate verò tantam vim aquarum eructat vt sex molas statim vertat, & vnâ cum truttis alijsque piscibus funditur. Item in Carniolia, qui æstate & Autumno amænissimum exhibet pratum, in Nouembri grandem lacum, qui totâ hyeme tegitur glacie, & verno tempore agrum facit sementi aptissimum. Prioris lacus ratio est, hyemale Solstitium attollit vehementer aquas maris, quæ in aliquam se cauernam subterraneam recipiunt, tenenturque glacie quâ illis via in exitu obstruitur, quæ deinde verno tepore soluitur & sic aqua implet lacum, donec tota per æstatem effluxerit. Alterius lacus videtur hæc esse ratio. est terra porosa ac antris subterraneis incumbens, quæ tamdiu retinet aquas quamdiu pori frigore tenentur, quibus solutis, omnem liquorem transmittit: acquirit verò nouam in Nouembri cùm solutis per æstatem montium niuib. cauernæ subterraneæ implentur quas deinde æstus marini augent, & ipsi eleuati per canales terreos in lacum pro-

tru-

trudunt. Datur in mari per subterraneos canales re-  
gurgitatio quâ se vnum mare dum æstu attollitur, in  
aliud transfundit, celeberrima illa de qua Scalig.  
exerc. 59. Est, inquit, promontorium, Nasus sacer appel-  
latum in finibus Firilapiorum, dictum à specie quam præse-  
fert; sub quo specus, quæ senis horis mare vomit, totidem  
resorbet tanto impetu, incautæ ut hauriat naues.

## C A P V T II.

### De Fontibus.

84. Fontes procreantur ex vapore qui ascendit ab  
aquis subterraneis & in lapides impingit eorumque  
frigiditate resolvitur in aquam Speciem huius rei e-  
gregiam exhibet distillatorium, cuius humor igni re-  
soluitur in vapores, vapores in alembicum impacti  
conantur erumpere per tubos, sed illorum frigiditate,  
qui propterea aquâ frigidâ refrigerantur densatur in  
liquorem & sic liquor effluit. hoc plane est in fontibus.  
conati enim sunt aliqui fossione ad originem fontium  
peruenire, vti peritissimus fossionum Agricola scri-  
bit, sed nihil nisi lapides roscidos reppererunt. Hinc  
si lapides propè superficiem terræ fuerint, ut ad illos  
pertingat æstus solis, deficiunt fontes, qui hyeme flu-  
unt frigentibus saxis. Habent verò fontes suos ignes,  
& illi copiosiores reddunt aquas, qui habent ignes,  
isti ergo in vaporem aquas resolvunt. Sunt verò etiam  
sub montibus aquæ, partim per canales æstu maris eò  
compulsæ, partim per communicationem marium  
diffusæ, partim ab initio mundi eò reclusæ tanquam  
ramuli abyssi. Meminit abyssi scriptura Gen. 49. vbi  
Iose-



Iosephum alloquitur Iacob, meminit & Deut. 33. Et hoc modo iuxta Eccles. 1. omnia flumina de mari oriuntur.

§ 1. De Fontium calore & virtutibus.

Fontium quorundam calor, cum eiusmodi sine medicati, non ab origine sumitur, quia non concre-  
skeret vapor in guttas, & calor in via dissiparetur:  
sed vel ex mixtura certa liquorum, vel quia per locos  
calentes transeunt, sunt enim eiusmodi ignes, uti su-  
pra diximus qui non metuunt undas, & intra ipsas a-  
quas ferocius inardescunt, tale est bitumen, tale sul-  
fur, isti ergo percoquant aquas: verum ex his non  
multum accederet medicaminosi præter calorem.

æpius itaque per mixturam aquæ calescunt. quan-  
tam etiam ex illis ignibus à quibus in vaporem te-  
nantur, multum exceptarum exhalationum possint  
lucere secum. Mixturæ verò possunt esse eiusmodi.  
quæ cum oleo sulfuris verò. nam de hoc Ans. Boët.  
. 2. de gemmis cap 293. affirmat, si frigida permi-  
atur, ita calefieri ut vix manus immersa sustinere  
possit. Item si spiritui vini oleum therebinthinæ in-  
stillaues, statim effervesceat. idem experieris iuxta  
S. Greg. Si acetum nitro affuderis. Daniel Senner-  
tus in phys. etiam asserit, Spiritum vitrioli cum sale  
vel oleo Tartari, item aquam fortem in qua solutum  
fuit ferrum cum tartaro, item butyrum antimonij  
cum spiritu nitri, si confundantur, non solum incale-  
scere, sed & in feruorem agi. Simile quid horum in  
thermis fieri, opinari non est absurdum. Metallicam  
verò aut fossilium virtutem acquirunt aquæ, vel Spi-  
ritua-

ritualiter ( vt Chymicâ voce vtar ) & hoc sæpiùs : quando solus metallorum spiritus se illis immiscet : vel corporaliter quando se mineræ aquis miscent, quod testantur ramenta aut succi metallini, qui cum aquis effluunt. vt olim, Pactolus in Lycia, Tagus in Lusitania deferebant secum auri ramenta : licet nihil eius modi nostri videat ætas in his fluminibus. vident tamen Indi etiamnum non in paucis. Verùm certius est priori modo peragi tincturam & virtutes infundi. Nam scribit Petrus Ioan. Faber in hydrogr. Spagyrico si fodiatur versùs initium mineralium fontium, sicut foderunt qui hoc vestigio tentarunt metalla venari, plerumq; nihil mineræ inuenietur. imò licet antimonium sit inter fossilia maximæ actiuitatis, si aquæ imponatur [ait idem] nullas vires illi imperiet. Confirmatur hoc ipsum. Quia in Pictauia regione Galliæ prope pagum Boupere, in loco dicto la R mere, in ipsa antimonij minera est puteus aquæ salubrac potabilis. proinde aliud est deferri metalli ramenta, aliud eorum virtutem habere : etsi aliquando vtrumque haberi possit. Deferunt etiamnum re Ioan. Gerardo, thermæ Piperinæ aurum, itemq; Castienses, sed hæc voluunt etiam argentum : deferunt Cellenses & Leonsteinenses æs : Goppingensis æs, ferrum, sulfur, pyriten : Plumbariæ & Villacenses, plumbum. Colores fontium habentur vel à terris per quas feruntur, vel à fundo, vel à metallis quibus tinguntur : ita lactei qui per cretam, rubei qui per rubricam, & sulfureâ Nar albus aquâ. Subinde fundus solus habet colorem, & aquam censemus infectam. Sic videtur Oceanus inter Mozambicum & Indi-

Indiam Orientalem lacteus, quia candido insidet, testis est Andr. Corsalus. ratione etiam fundi, niger Galesus in Italia, Ganges in India, Allera in Germania: Rhenus subuirus: Mænus & Tyberis flauus, Mosa argenteus. & ut finiamus in eo per quod fontes explicuimus vase distillatorio. Quo modo inquires fiat crematum? sunt partes igneæ multæ in materia, illæ decoctione separantur, & cum sint leues in altum tendunt, & in alembico collectæ tandem effunduntur. ideoq; crematum & leuissimum, rarissimum & acerrimum, quod verò aliquid admixtum aquæ habet, illud est grauius.

## §. 2. De lapidescentia aquarum.

85. *Lapidescunt* vero aquæ ob mixturam oleosorum cum spiritu salis aut aliquorum eiusmodi. Salis enim virtus est nō solum alios spiritus sed & olea congelare, ut docet Ans. Boet. ex sale idem censet in animalibus calculos nasci, & quidem in quibusdam nascuntur connaturaliter, ut in capitibus cochlearum, bufonum, cancrorum, piscium, in ventriculo pullo- rum hirundinis, caponum vetustorum, caprarum Indicarum. Præter naturam autem in renibus, vesica, intestinis, liene, pulmone, capite, vtero, venis, articulis hominis. Imò Ioan. Faber in Hydrogr. Spagirico scribit, si oleo per distillationem sal adimatur, amplius frigore non densabitur: similiter gummi separato sale amplius non congelat. Salem verò intelligit Chymicum. & ideo crematum non congelari & alia distillata censemus, quia sale per alembicum sunt exoluta. Calor ad rem lapidificam, procreandosq; cal-

culos parùm confert : citiùs concrefcit , fi vr̃ina in-  
 frigido habeatur. calculus etiam magis nascitur in il-  
 lis quibus minùs caloris, maximè vesicalis. ita enim  
 ex Hippocr. 3. aphor. 26. scribit Barthol. Castellus  
 in Lexico Medico. Lapis in vesica propria passio co-  
 rum est, qui ob edacitatem non paucos crudos humo-  
 res coaceruant : ex quibus pars crassior vnà cum vrin-  
 is ad vesicam perueniens , fit lapidum generationis  
 materia : aceruat verò hic crudus humor sæpè ob  
 edacitatem & ingluuiem vt in pueris : sæpè ob po-  
 tentiæ concoquentis imbecillitatem , vt in senibus.  
 in horum utroq; calor imbecillus. Talem lapide-  
 scentem fontem vidit Acoſta in Peru. Vidimus &  
 nos in Boëmia non procul à Sepulchro S. Iuani, de-  
 fluas aquæ guttas instar sudoris in antro lapidescere.  
 Fontem in Gothia lapidificum voluit experiri Fride-  
 ricus Imp. iussit immitti illi chirothecam suo annulo  
 obſignatam : & paucis diebus, quidquid fuit chiro-  
 thecæ ac figilli aquis immiſſum lapis factum, cæteris  
 in priore ſtatu manentibus. Aquam ſtygis coagulari,  
 ſed inſuper vaſa erodere quibus continetur , ( ſcribit  
 Plin. ) instar aquæ fortis, ob ſimilia ſibi immixta. La-  
 pidescunt etiam aquæ illæ quæ plurimùm gypſi atq;  
 luti viſcoſi vehunt. Hoc modo fiet lapis, ſi quod-  
 cunq; ſaxum in pollinem reduxeris, & aquâ ſubege-  
 ris, addito modico ſalis, nitri, ac bituminis liquidi.  
 Iam accipe vaſ qualecunq; , & reple aquâ commu-  
 ni : & in medio illius ſtatue id quod lapide obducì  
 deſideras, ſiue ſit herba , ſiue pannus &c. materiam  
 ſupradictam in manica Hippocratis ſuſpende, vt ſtil-  
 let in ſubjectæ & frueris optato. Lapidescunt & illæ  
 aquæ

aquæ in quibus est alumen : nam si ipsos lapides aluminosos insolatione & irroratione frequenti maceres donec in calcem redigantur , & in lebece intercontinuum agitationem coquas , atq; in modulos quernos infundas , habebis lapides instar crysalli. Hæc Kircherus. similia horum habet Anst. Boët de gemmis lib. 1. cap. 28. His modis efficitur , supra Armacanam urbem in stagno si lignea defigatur hasta , post menses aliquot pars infixæ luto , ferrea ; aquæ immersa , lapis : reliqua , lignum. Multum etiam ad hanc saxificationem confert subiecti in quod defluit aquæ dispositio. ita teste Gerardo Medico in montium Pyræneorum certis locis , aquæ pluuiæ guttæ , mox ut deciderint in lapides durescunt. His positis , explicamus.

### §. 3. Admiranda Fontium.

86. *Miracula fontium.* 1. Erumpunt duo fontes simul in Aquitania & Pyræneo , quorum alter calidus , alter gelidus. diuersis originibus in vnum locum , diuersis temperamentis , confluxerunt. 2. De calidis non esse exemplum quod aliquando aruerint. scribit Fallop. lib. de Therm. cap. 2. Ratio quia ignis quem transeunt consumit impedimenta quæ tardare possint , & mixtura fortis peruatit omnia. 3. Quomodo in Altissimis montibus fundantur aquæ ? Quia vapor etiam in altissima pertingit & ibi soluitur. 4. Quare aliqui fontes nitrum aut bitumen euehant : quia ab eius modi ignibus in altum sublatis qui his pascuntur , & multum exhalationis nitrosæ aut bituminosæ secum inuoluerunt. talis est in agro Parmensi

aqua teste Fallop. quæ ad se ignem statim rapit, nec potest flamma nisi vento diffilari, aut prophano obrui panno. 5. Quare in locis flammium in Campania tot sunt fontes? quia sunt ignium partus. 6. Solinus eiusmodi prodigium naturæ refert. Est in Suevia Prouincia, quæ Suis dicitur, fons in vertice montis excelsi: qui nonnisi sole super horizontem lucente scaturigines emittit: statim enim atq; sub horizontem sol descendit, & donec iterum per reuolutionem manè se nobis præsentauerit, scaturire desistit. Manè verò, non tamen statim ac diescit, sed sole recens orto, in magna quantitate aquas reddit, nocte totâ nec stillantem guttulam præbens. Rationem eius assignamus, quia sol in latus montis impingens calefacit, ibi aquas latentes attollit in vapore: vapor tendens ad summa frigentia ob saxi naturam, concrefcit in guttas: guttæ multæ coeunt in riuum, riuus in fluuiolum. Simili de causa censemus illud euenire quod narrat Giralduſ in hist. Nat. In Pictauia, inquit, apud S. Ioannem de Pictauis fons est, qui in hyeme nullis, in æstate verò vberimis solet manare fluentis. quia non est quod leuet aquam hyeme, cùm desint ignes subterranei, expectandus itaque sol donec id officij subierit. 7. Quomodo aliqui fontes dicuntur augere memoriam alij infirmare? quia transeunt per loca, herbas, proficuas aut noxias temperamento cerebri quale memoria requirit. 8. Clitumnus fons in Italia potatus à bobus eos reddit candidos: in Boëtia amnis Melas denigrat oues. Omne animal variat pilos, præter hominem, ad variationem cutis: cutis variatur variato temperamento, quod  
taliū

talium aquarum potu euenit. color enim tandem  
 prouenit ex temperamento. hinc in Medicinis com-  
 pertum est, ait P. Krüger in Iride pag. 109. lac ca-  
 præ albæ conducere Phrysicis. certæ complexionis  
 quibus non seruit lac capræ nigræ: & è contra quam  
 efficaciam habet lac capræ nigræ, eandem lac capræ  
 albæ præstare non potest. Columba item aut galli-  
 na nigra, viua discerpta, & capiei infirmi applicata,  
 somnium conciliat, quem non adducit alba. capo al-  
 bus pro clysteribus maiorem efficaciam habet, quàm  
 alterius coloris. hætenus ille. 9. Seneca refert,  
 quendam fontem, senis horis plenum, senis vacuum:  
 hic vel ab æstibus maris natales ducit, vel habet eam  
 indolem quam mare. 10. In Lybia fons est, Oriente  
 & occidente sole tepidus, in meridie frigidissimus  
 in nocte calidissimus. hanc mutationem ab antiperi-  
 stasi credimus contingere. aqua antequam in fontem  
 effundatur, colligitur in aliquo subterraneo antro, non  
 procul à superficie terræ & in eo propter solis seruo-  
 rem, vel noctis algorem in contrarium mouetur.  
 11. Quod Politianus scribit epist. ad Iacob. Card. Pa-  
 piensem, Rhenum fuisse eius naturæ, vt spurios sibi  
 impositos merget, legitimos seruaret. id dæmonis  
 operâ contigit, volentes mortales ad venerationem  
 cultumq; fluuij allicere. 12. Fons in Arcadia esse  
 fertur qui potus nauseam vini procreat. hunc oleo-  
 sum opinamur, qui materiâ quâdam oleosâ non seren-  
 te vinum, orificiûm ac latera stomachi imbuat.  
 13. Quidam sunt fontes frigidissimi, inter quos repo-  
 ni potest, qui est Niestepouix prope Pultouiam Ci-  
 uitatem Masouix medicinalis, tales vel de mercurij  
 vel de nitri natura participant.

§. 4. Eadem admiranda Fontium continuantur,

14. In Estremaduræ regno sunt duo fontes, vnus qui omnia respuit, alter qui omnia absorbet. priorē densissimæ aquæ, qualē habet lacus Asphaltites, alterū tenuissimæ opinamur. 15. Ibidem alter fons visitur, qui intra se natantes pisces aurei coloris exhibet, illi tamen extracti nihilo à cæteris differunt. colorē hunc equis attribuimus, quæ colorem aureum in medium transfundunt: ita si per viride vitrum aspicias, omnia viridia miraberis. 16. Sunt aquæ in Hungaria quibus iniectum ferrum in cuprum vertitur. id verò prouenit à spiritibus vitrioli, quibus eiusmodi aquæ imbutæ. Nam si laminas ferri subtiles aquæ vitriolatæ inieceris, inuenies materiam cupream adhaerentem ferro, quam vbi igni solutam fuderis, cuprum habebis. 17. Quidam fontium epoti faciunt furere: Aqua attrahit qualitates materiæ per quam funditur, dum materia non fuerit pertinaciter compacta, patet hoc in aqua, quæ transit cinerem, aut calcem, aut aliquas herbas: sunt verò herbæ quædam venenatæ, quædam noxiæ cerebro: ab alijs imbuuntur qualitatibus, & ijs nocent potori. 18. Aliqui fontes potati causant strumas. eiusmodi aquæ vaporosæ & frigidæ, multas superfluitates concitant descendentes è cerebro, quæ sunt phlegmaticæ, hæ igitur peruenientes ad guttur & collum densantur, & sic causant tumorem. 19. Aliqui fontes eijciunt festucas, paleas, fragmenta lignorum. quia aqua ad orificiū ascendens fontis quidquid in se invehit, devehit. 20. Legitur in Sicilia fuisse fons, cuius haustu fures, exercebantur, huius causa naturalis



turalis reddi non potest, 21. Non procul Puteolis in Italia est lacus bulliēns niger instar bullientis picis: hic suū liquorem iaculatur in altum instar pyramidis ad 8. vel 10. pedes: ratio huius, in circum vbiq; sunt inibi colles sulfurei, & montes præalti, hi præcoquunt in monte aliquo, & adurunt liquorem, qui deinde per subterraneum canalem delapsus, cū ex alto descendat, debet subsultare. 22. Quod scribit in Hydrogr. Spagir. Petr. Io. Faber, cū Rupella vinceretur, quæ erat nidus Hæreticorum in Gallia, aquas maris dulces fuisse: vires naturæ egreditur. In Comitatu Fuxensi in Gallia supra montem Thabor dictum, est lacus profundissimus, potabilis & saluber. quod si aliquis aquas eius conturbauerit iniectis v, g. lapidibus, insignes pluvias, fulgura; tonitrua excitat. Quia aqua commota facilius vaporat, ac materiā prædictis, quā plenus est lacus, ministrat. 23. Sunt etiā in montibus Pyræneis balnea dicta Baingneres, quæ omnia corpori infixa extrahunt: talia vel virtutem expultricem, si illa etiam ad hæc potest extendi, roborant: vel corpus stringunt, atque ita quod illi alienum inest, exprimunt. 24. In Britannia Armonica est fons, cuius aquis cornu bubali haustis, si petram proximam perfuderis, tempore quantumlibet sereno, & à pluuijs alieno, pluuiam in continenti non euades, vt narrat Gyraldus. sed nos suspicamur, semel id atque fortuito factū, vt quis perfuderit, parata iam tempestate, & ita locum fecit fabulæ. 25. Sed commentator Melæ Vadianus contendit non esse fabulosa quæ Mela lib. 1. narrat. In Cyrenaica Provincia fons est, narrat ille, & rupes quædā visitur, Austro sacra. hæc

cùm manibus humanis attingitur: ille immodicus as-  
 surgit, arenasque veluti maria agens, sic sævit ut æ-  
 quor fluctibus. allegat prædictus Commentator ad  
 fidem faciendam simile quid ex Plin: lib: 2. cap. 47,  
 Sed ut fidem narrationi damus, Ita hæc non naturâ,  
 sed perversi Genij operâ ad fovendam accolarum su-  
 perstitionem euenisse opinamur. Quò & illud referi-  
 mus quod narrat Eustachius lib. 2. n. 11. Actecomij,  
 & Daphnepoli fontem fuisse: in quem si Virgo in-  
 trasset, aqua perlucida manebat: si verò quæ virum  
 passa, continuò turbida reddebatur. quanquam huic  
 aliqua ratio naturalis potest subesse, cùm in altera ha-  
 rum temperamentum fuerit turbatum. Sed illud o-  
 mninò extra naturæ leges quod Achilles Statius l. 8.  
 scripsit. In fontem, qui erat ad Ephelum, suspecta  
 pudicitæ compellebatur intrare & iurare; quæ si fu-  
 erat infons, aqua immota persistebat: si pejeravit, a-  
 qua quæ antè vix genua contingebat, attollebatur vs-  
 que ad collum. Similis & ille fons, de quo apud A-  
 ristot: de Admir. audit. cui tabula cum iuramento  
 iniiciebatur, si iuramentum erat, innatabat: si periur-  
 ium, mergebatur. talis & fons Ammonis, de quo Pli-  
 nius lib. 2. cap. 103. qui illitus oculis pejerantis, ex-  
 cæcabat. 26. Attrigimus in simili, causam illius fon-  
 tis Ioui Hammonio sacri, de quo S. August. 21. Ciuit.  
 cap. 5. qui medio die frigidissimus, nocte calidissim⁹,  
 fluxit. 27. Difficilior eius ratio, de quo Plinius  
 lib. 21. cap. 2, apud Trogloditas, qui ter in die fit a-  
 marus totiesq; nocte. ita tamen speculamur. Quo-  
 ties Sol sextam partem cœli peragit, motus ciet in  
 quibusdam corporibus, patet hoc in gallis gallinaceis,  
 qui

qui sub hæc tempora canunt: patet & in quibusdam alijs. huius ergo simile quiddam potest in hoc fonte contingere, vt amara in fundo aliàs subsidentia cieantur. 28. Hugo Sempilius hoc scribit. Est prope oppidum Bexatem in Sicilia, fons, qui futuram pluviã turbinemque magno aëris sonitu prænuntiat, adeò vt eius murmur ad duo de viginti millia passuum subinde exaudiatur. idem experti sumus in Balthico mari, & hoc tempestatem proclamat: fieri autem id censemus ex ascensu de fundo exhalationum à cœlo commotarum: exhalationes verò commoueri docent fodiinæ, in quibus (teste Gerardo Medico Tubingensi) adeò sub id tempus cōmoventur, vt omnes lucernas extinguant. Alius lacus est in summo montis, dicti Stella, cacumine, in quo fragmēta naviū subinde reperiuntur, cū tamen à mari plusquã 12. leucis absit. Causa huius communicatio per vorticem cum mari: vortex navim frangit & ad fundum lacūs defert, lacus ad superficiem materiam leuem attollit: verū constitutio lacūs intra montem, habet craterem inquam æstuans mare subleuat aquas cum lignis. Fons est, ait idem in Villanova in Lusitania, qui oritur Calendis Maij, & ad Calendas Novembres abundat aquis, postea per totam hyemem latet. dedimus & huius causam superius in simili, ex quibus etiam explicari miraculum in Prussia Episcopali in Cameratu Alensteinensi, ad villam Buttrini vbi lacus septēnio absoluto euanescit cum piscibus, datq; pratum quod minimum centum quadrigas sæno oneret, post septennium redit cum piscibus 29. Archithalassus Regis Daniæ Zenetus scripsit, in Groëlandia ad radicem montis

tis Vulcanij esse Monasterium: ex montis autē pede  
 erumpere fontem ignitum, qui derivatur in omnes  
 cellas vt eas calefaciat, panem & cibos coquat, feci-  
 mus huius mentionem cum de ignibus subterraneis e-  
 gimus, & ratio illius ex dictis patet. 30. Non minus  
 mirabilis est fons in Zepusio ad ædem S. Martini, cu-  
 ius aquæ, quā fluit, lapidescunt: verū lapides ex eo  
 nati, qui sub terra sunt, pluuiis expositi, in camētum  
 vertuntur: ijs qui sub dio sunt manentibus in duritie:  
 & sic incolæ domos ex aquis extruunt, & huius ratio  
 jam superius data, quoad hoc quod aquæ in saxum  
 vertantur: quod verò in calcem solvantur pluuijs ra-  
 tio est, quia sub terra igni bituminoso exuruntur, ac  
 in calcem viuam exuruntur, quæ postquam libavit a-  
 quas, solvitur. 31. In Halesina regione, fons erat,  
 de quo Solinus cap. 11. tranquillus, sed si quis inflavif-  
 fer tibias exultabat. hoc opus ad dæmones referimus  
 volentes gentilitatem in cultu fontium firmare. ad e-  
 osdem referimus miraculum fontis, de quo Philostratus  
 in vita Apollonij lib. 1. c. 4. iuxta Thyanam, qui  
 licet in se frigidissimus esset, admotos tamen lebetes  
 fervere, ac bullire faciebat. Iacob à Vitriaco Hist:  
 Orient: lib. 1 cap. 85. Fons in partibus Tamaricæ qua-  
 ter colores in anno variat, videlicet apparet viridis,  
 sanguineus, turbida & clara aqua. Fons Siloë non  
 quotidie, sed alternis fluit diebus. Est quidē fluuius  
 in Perside, qui semper de nocte congelat adeò, vt ho-  
 mines & animalia glacies ferat, de die verò semper  
 resolvitur. In Æthyopia fons est quidam ita de die  
 frigidus, vt bibi non possit, ita de nocte calens, vt at-  
 tingi nequeat. Causam è dictis facile assignare. 32.

Floret

Floret Sinus Pruthenicus & aliæ quædam aquæ: certis temporibus, & tum inutiles multis vsibus: credimus eas fermentari excitato ab astris fundo, quod pro varia dispositione non eodem tempore in varijs euenit: & in quibusdam nonnisi dum in aliud flumen irrumperere parant: ibi enim colligitur efflorescentia ac per hoc quæ dispersa non erat conspicua, apparet. colligitur verò quia & aqua in aliud flumen incidens aliquo modo reflexa sistitur. qualiter euenit in Chrono vbi confluit cum Vilia sub Cauna ciuitate Lithuanie vna ex præcipuis, quo tempore vitatur ad cocturas mulsi cerevisieque tanquam noxia, aqua efflorescens.

33. In quibusdam fontibus omnia merguntur, non quia sunt tenues, nam Auernus est crassus, tamen neque folium sustinet, sed quia nimis spiritosi, sicut spiritus vini subtilissimus, qui etiam plumulam absorbet: spiritus enim illigant se plumulæ, in ea densantur, & eam madore gravant.

34. Aliqui etsi frigidi, bulliunt, spiritu nimirum attollente.

35. Author est Vitruvius, Susis in Perside fontem esse, ex quo qui biberit, dentes amittat. similem in Germania Plin. notat, causam referimus in mixturam Mercurij: nam & qui dentes arte tollunt absque magna euulsione, vtuntur Mercurio sublimato, aquis fortibus, arsenico, auripigmento, sale ammoniaco, item oppio &c.

36. Balnea Contarelli sub Puteolis, infixæ corpori ferrea ramenta extrahunt, tales quodam succo magnetis videntur admixtæ.

37. In Norvegia quæ est regio frigidissima non pauci fontes sunt, qui nunquam congelant, ob bituminis credo copiam.

38. Narrat Thomas Morestinus in Moravia Scotie aquam esse, quæ in saxum concre-

tis Vulcanij esse Monasterium: ex montis autē pede  
 erumpere fontem ignitum, qui derivatur in omnes  
 cellas vt eas calefaciat, panem & cibos coquat, feci-  
 mus huius mentionem cum de ignibus subterraneis e-  
 gimus, & ratio illius ex dictis patet. 30. Non minus  
 mirabilis est fons in Zepusio ad ædem S. Martini, cu-  
 ius aquæ, quā fluit, lapidescunt: verū lapides ex eo  
 nati, qui sub terra sunt, pluuijs expositi, in cāmētum  
 vertuntur: ijs qui sub dio sunt manentibus in duritie:  
 & sic incolæ domos ex aquis extruunt, & huius ratio  
 jam superius data, quoad hoc quod aquæ in saxum  
 vertantur: quod verò in calcem solvantur pluuijs ra-  
 tio est, quia sub terra igni bituminoso exuruntur, ac  
 in calcem viam exuruntur, quæ postquam libavit a-  
 quas, solvitur. 31. In Halesina regione, fons erat,  
 de quo Solinus cap. 11. tranquillus, sed si quis inflavif-  
 fer tibias exultabat. hoc opus ad dæmones referimus  
 volentes gentilitatem in cultu fontium firmare. ad e-  
 osdem referimus miraculum fontis, de quo Philostrat-  
 us in vita Apollonij lib. 1. c. 4. iuxta Thyanam, qui  
 licet in se frigidissimus esset, admosos tamen leberes  
 fervere, ac bullire faciebat. Iacob à Vitriaco Hist:  
 Orient: lib. 1 cap. 85. Fons in partibus Tamarix qua-  
 ter colores in anno variat, videlicet apparet viridis,  
 sanguineus, turbida & clara aqua. Fons Siloë non  
 quotidie, sed alternis fluit diebus. Est quidē fluuius  
 in Perside, qui semper de nocte congelat adeò, vt ho-  
 mines & animalia glacies ferat, de die verò semper  
 resolvitur. In Æthyopia fons est quidam ita de die  
 frigidus, vt bibi non possit, ita de nocte calens, vt at-  
 tingi nequeat. Causam è dictis facile assignare. 32.

Floret

Floret Sinus Pruthenicus & aliæ quædam aquæ: certis temporibus, & tum inutiles multis vsibus: credimus eas fermentari excitato ab astris fundo, quod pro varia dispositione non eodem tempore in varijs euenit: & in quibusdam nonnisi dum in aliud flumen irrumperere parant: ibi enim colligitur efflorescentia ac per hoc quæ dispersa non erat conspicua, apparet. colligitur verò quia & aqua in aliud flumen incidens aliquo modo reflexa sistitur. qualiter euenit in Chrono vbi confluit cum Vilia sub Cauna ciuitate Lithuanie vna ex præcipuis, quo tempore vitatur ad cocturas mulsi cerevisieque tanquam noxia, aqua efflorescens.

33. In quibusdam fontibus omnia merguntur, non quia sunt tenues, nam Auernus est crassus, tamen neque folium sustinet, sed quia nimis spiritosi, sicut spiritus vini subtilissimus, qui etiam plumulam absorbet: spiritus enim illigant se plumulæ, in ea densantur, & eam madore gravant.

34. Aliqui etsi frigidi, bulliunt, spiritu nimirum attollente.

35. Author est Vitruvius, Susis in Perside fontem esse, ex quo qui biberit, dentes amittat. similem in Germania Plin. notat, causam referimus in mixturam Mercurij: nam & qui dentes arte tollunt absque magna euulsione, vtuntur Mercurio sublimato, aquis fortibus, arsenico, auripigmento, sale ammoniaco, item oppio &c.

36. Balnea Contarelli sub Puteolis, infixæ corpori ferrea ramenta extrahunt, tales quodam succo magnetis videntur admixtæ.

37. In Norvegia quæ est regio frigidissima non pauci fontes sunt, qui nunquam congelant, ob bituminis credo copiam.

38. Narrat Thomas Morestinus in Moravia Scotie aquam esse, quæ in saxum concre-

concreſcat, igne querno iterum in liquorem diſſolubile. ignis quernus cæteris eſt vehementior vti experimur, ſumum acrem emittit, illa autem videtur non tam laxificatio quàm metallari ſimilis congelatio aquæ eſſe, proinde non eſt mirum ſolui.

§. 5. De natatione aut merſione in fontibus.

87. *In natantium in aquis*, leges deſcripſit Archimedes, noſtri non eſt inſtituti perſequi. attingemus tantùm de homine aquis innatante *Sage* ope, dæmonis non merguntur, verùm non ſemper: hoc verò experimento vti vetitum, ne dæmonis fraus etiam inſontes inuoluat. Cadauera poſt aliquod tempus enantant, vti & oua putrida, & quidem vt ſcripſit Agrippa; virorum ſupina, fæminarum prona. aiunt tamen quidam, mergi ſi pulmo extrahatur: hic enim augetur ante putrefactionem calore rarefaciente, & multò leuior euadit aquis, corpusque diſtendit, vt ſub ea mole ſit aquis leuius. Corpus non tumefactum eſt grauius aquis: tumefactum leuius: etſi in aëre leuius ſit non tumens tumefacto: quia aquam multam continet, quo intra aquam pondus non auget. Situs cadeuerum eſt ex eo, quia partes grauiores ſemper ſe obvertunt verſus aquæ fundum, ſubmerſi intumescunt. quia in illis calor naturalis primùm extinguitur; deinde eiſdem caloris reliquæ per antiperiſtaſim intenduntur atque attenuant humores, vt corpora tumefcant & fluitent: at carnes dum in aquis igni coquuntur non putreſcunt, quia naturali calori igneus ſufficitur, qui prohibet putrefactionem. Ea verò quæ ſoli exponuntur non putreſcunt, quia humidū deſiccatur.

Hoc



Hoc tamēn notabile, quod expertus quidā affirmavit. cūm quærendum est cadauer sub aquis, particulam panis iniiciendam; illam enim hæsuram suprà cadauer etiam in profluente. si vera experientia, ratio illius difficilis. fortè aliquis magnetismus intervenit. Faciliùs natant qui vocem habent vastam: quia iisdem pectus latius quod minùs aquam secat, pulmo maior qui plùs aëris continet: ob quam causam etiam suadet in periculo submerfionis spiritum continere, & ob eandem vt faciliùs efferantur equis ex glacie in profundum lapsis, guttur fune adstringitur.

#### §. 6. Effecta Aquarum.

88. *Effecta* inter *aquarum* habere possunt auiculæ; quæ folijs ex arbore delapsis in aquam ortum debent: sunt similes Anatis in Hybernia, dicūtur Baüm gansse. de his videtur loqui P. Nadaſi in virt. Charit. fol. 470. etsi paulò aliter, & vocat eas Bernacas; minores sunt anatibus, ex abiegnis lignis rostro pendent: dum sensim eruditæ in plumas, in aquam decidant, vel volatu se in aërem librent. Nieremb. ita illarum generationem, an aliarum prosequitur è fragmentis navium primò fiunt fungi, pòst alæ pedesq; accrescunt, tum auolant. Scalig. Exerc. 59. Iuernæ fluvio, si rami arboris vnus imminens inciderint, piscium formam induunt, & viuunt pisces: si autem in terrā frondes illius arboris ceciderint, volucres auolant. ita ille. quàm benè hīc illud adaptari potest.

Magnæ Deus potentiaë Natos ab vna origine

Partim relinquis gurgiti, partim leuas in aëra,

Vt stirpe ab vna prodita, Diuersa repleant loca!

Simile

Simile est illud ibid: apud eundem Scalig: Regi Galliarum allata concha fuit non admodum magna cum auicula pene intus perfecta; alarum fastigijs, rostro, pedibus, hærentibus extremis oris ostraci. Ita dat aqua terris aues, sed terra reddit pisces. In agro Narbonensi supra Rubresum lacum, est ager ex quo pisces modicâ fossione extrahuntur, maximè mugiles. his pro natali non sola aqua, sed & humidior tellus sufficit. & iam est verum posse aliquem ligone piscari. Discit & arbor vrbanitatem & in quibus crescit, rigat terras. Scribit Villalp tom. 2. part. 2. c. 9. In Insulis Fortunatis esse quandam arborem, quæ tantum singulis noctibus exsudat humoris, ut reficiat loco aquæ incolas. Reddit vices aqua arbori, dum alnum conseruat. hæc imputribilitas oritur ex eo, quia alnus habet commune cum humore adventitio: aqua autem sub aqua non putrescit. Maris Ægei littora Pausaniâ teste, sonum cytharæ reddunt. Causam facile intelliget, qui hydraulicas Musicas machinas aliquândo conspexit aut audiuit: ita ibi dispositæ cauernæ, ut in hydraulo fistulæ, vna exprimit diapason, alia diapente, alia diatessaron, alia tonum. Imò aër Musicam tibi harmoniam efficiet dum ventro occurrenti foramina chartaceæ fenestræ in hac proportionem factæ obijeceris, sint ut 1 ad 2, ut 2. ad 3, ut 3 ad 4, ut 4. ad 5, ut 1 ad 3, ut 1 ad 4. & sic deinceps, non tamen excidantur totaliter circuitus, ut adhuc suis foraminibus hæreere possint. Denique ignis operâ hoc ipsum consequeris si æolopilas sub hac proportionem conseceris. Eandem harmoniam sine fistulis ipsa aqua efficiet. Nam grauitèr obtusè cum delabitur aqua elementaris sonat;

sonat; & quò impurius eò grauius. acutè, quæ est æ-  
reæ & tenuis indolis vti aquæ distillatæ. acutissimè a c  
penetranter, quæ ignei temperamenti vt quintæ essen-  
tiæ. Grauiissimè sonat oleum, ei succedit aqua sim-  
plex, tum crematum, demum spiritus seu quintæ es-  
sentiæ. Frigidior aqua magis strepit quàm calida,  
quia hæc tenuior.

### §. 7. Magnitudo Fluminum.

89. *Flumen* quod sit *maximum* in mundo nõndum  
est conclusum. Indo primas Philosophus tribuit qui  
stadia 50. seu milliaria sex Italica, nostrum sesqui alte-  
rum latus, cum hoc potest certare noster Boristhenes:  
sed istis iuxta Arrianum latior Ganges: compertum  
verò quòd ad huc, amplior Maragnon qui 70 leucas  
in latum occupat. illi suppar fluuius Argenteus Riò  
de la plata, qui ramos salicis quos persundit, durat in  
silices igni ex cutiendo vtilis. Fluuius de Orellana  
per 50. leucas diffunditur vbi se dat pelago, dicitur  
ab Indis Apurimac, id est præcipuus. in illum colla-  
psæ rupes anno 1555. torrentem sciterunt per triduum;  
donec aggere superato funderetur amplior quàm prius  
leucis 14. circumit periodum leucarum 2000. effusus  
mare facit dulce ambitu 100. leucarum, impetus ru-  
entis à quarta leuca exauditur. Quantam decliuita-  
tem pro defluxu requirit fluuius non conuenit inter  
Hydragogos. Cardanus lib. 1. variet cap. 6. scribit,  
veteres longitudini centum pedum sesquipedem ele-  
uationis dedisse. Sed quo maior aquæ copiam eodem  
alueo velocius defluit, quia se partes premunt. pro-  
bant id flumina hybernis aucta niuibns. Communi-

ter tamen recipitur. pigrum valdè esse fluuium, qui post 1000. passus tantùm vno palmo Romano sit depressior valdè præcipitem, qui 10. Notato fluuij descensu potest deprehendi quanto vnus in terra locus altero sit depressior, aut subuectior. Hinc inuestigamus quanto altior Cracouia Gedano, dabimus autem Vistulæ mediocrem velocitatem, ac proinde in 1000. passus, palmos quinos. Vistula ab vrbe Cracouiensi vsq; Gedanum conficit milliaria germ 100. seu Italica 400. itaq; Cracouia altior Gedano 400. palmos Romanos. Et vlteriùs. Danubius ex Heluetia in Pontum Euxinum per 2000. Ital. milliaram fertur, qui siquidem valde est præceps damus illi 7. palmos: itaq; eius patria Heluetia altior erit Ponto Euxino palmos 14000. ex quo colligitur etiam, quòd Heluetia & Sueuia sint altissimæ regiones, quia ex illarum montibus, in omnes partes mundi flumina descendunt. Oenus & Danubius iu Orientem: Rhenus, Mosæ, Mosella in Septentrionem: Tosa, & alij, in Meridiem. Rhodanus Geneuam fertur per Occidentem.

### §. 8. In qui sitio fontium.

90. *Signa latentium aquarum.* 1. Si locus herbi<sup>s</sup> viridibus, nec non proceris arboribus, copiosa habentibus folia, sit vestitus: hæc enim à copia alimenti aquei proueniunt. 2. Si salices, vitex, alnus, nascantur, item ranunculus, nymphæa, & ranarum coaxantium stabulentur greges, nascatur item pulicaria, cyperus, mentastrum aquaticum: quia hæc sine copioso humere non viuunt. 3. Idem prodit nebula  
quam

quam versùs solem Orientem procumbens, ascendente obseruabis vel ex loco altiore quæ iuxta quosdam quanta fuerit; tam profundæ sub terra aquæ.

4. Signum latentis aquæ dat etiam plurimus circa locum volitans culex. 5. Plantæ item istæ, Iuncus, arundo, tussilago seu aquilegia, Batrachium, vel Chrysanthemon, conyza, potamogeton, gramen multum & pingue, cyperus, rubi, pyppuris, exylapathum, symphitum, solanum, humoris sunt indices. 6. Montes vestiti arboribus circa radicem fundunt aquas. 7. Hoc ipsum per artem inquiritur. locus effoditur ad 5. circiter pedes in profundum, & circa occasum solis pelui metallinâ prius olea perunctâ, ac inuetsâ, ut fundo cælum spectet, tegitur: locus deinde arundinibus atq; humo obruitur: manè retegitur: si pelui guttæ adhaeserint copiosæ, latet ibi aqua copiosa, quam tantus vapor prodit. Apponunt alij loco peluis ollam fictilem nondum coctam, eiq; imponunt lunam, ac prædictæ scrobi superponunt, & è lana vaporem expressione colligunt, è cuius copia quantitatem aquarum coniectantur. Item constabit ex lucerna bene instructa eidem scrobi imposita, nam si fuerit sponte intra noctem extincta copiam aquarum notat. Idem manifestabit pertica per dimidium composita ex salice vel lignis amantibus humoris; & à medio ex alijs lignis, si appendatur ex æquilibrio, nam in humido ligna aquatica descendunt.

#### §. 8. Signa certarum aquarum.

91. *Inspeciè designant aquas.* Vbi terra cretacea cū varia miscella ibi nec copiosa nec bona aqua. nam

huiusmodi terra deterioribus compingitur. Terra quæ est tota glauci coloris, aut candicantes habens maculas, vberem aquarum promittit prouentum. Nigra exiles ac defectuosas, ac ferre ex pluuijs collectas sed tamen bonæ conditionis. In argillosa terra dulcis est aqua. in topho, frigida. in sabulo soluto exilis vel limosa. in glareâ mediocris, in certa, in sabulo masculino & arena carbunculosa, stabilis & certa ac salubris. In rubris saxis aquæ optimæ & spei certissimæ, dum per venas alias non elabantur. in radicibus montium saxosis ac filice, vberiores, salubriores, frigidiores. Addit Porta in sua Villa Aqua salubris quæ anguillas gignit. ratio, quia illæ omnem mucorem absumunt: frigida est quæ tincas profert. calculosa est quæ facillè coit: salubris est si fauces oculorum ex ea bibentiū sanæ, item renes & venter, nec thorax aut pulmo patiatur. Laudabilis illa, quæ cocta nihil in fundo relinquit. In planis locis, & rariores, & falsiores aquæ, sole quod est tenuius absumente, & nullâ parte vltra montes se occultante. Amara aqua est quæ scrobem statim ac est effossus implet. vitiosa in qua legumen tardè coquitur, item quæ æræa vasa polita inficit, aut ea in quibus coquitur exusta obducit. Noxiæ item viscosæ ac mucidæ aquæ. Pluij liquores post brumam graniores, verum dulciores quàm qui decidunt æstate, quia non aduruntur. Post caniculum statim amaræ & quasi pestilentes pluuiæ, ob nimiam adustionem. ex qua causa etiam nocturnæ pluuiæ meliores quàm diurnæ. Stagnans pessima, quæ alit sanguifugas, quæ liuens aut atra, quâ si laues manus tardè screscant: quia omnes istæ impuræ.

puræ. Optimas censet Plin. lib. 31. cap. 3. quæ aëri  
simillimæ, scilicet pellucidæ, leues, sine odore, sine  
sapore : quia minimæ sunt mixturæ. Pluuiæ etsi  
dulciores sunt, putrescunt tamen citò : quia habent  
immixtas exhalationes calidas : quia magis impuri-  
tate terreâ turbatæ grandinum aquæ, idcirco adhuc  
peiores. Alpium itidem non merentur laudem ex  
eodem capite. ex harum potu sunt qui credant gut-  
turons in Styria veluti saccos adnasci gutturibus,  
quia bibunt defluam ex montibus aquam, in quam  
sunt niues solutæ : hæ verò secum multum trahunt  
è terrestri & crudo : crudum repugnat resolutioni,  
hæret musculis & glandibus, ibiq; concretum dure-  
scit, hoc malum patiuntur qui Alpes habitant. ait  
Scalig. Quæ muscum inducunt alueis impuræ sunt.  
Glaciès parte superiore purissimas & leuissimas por-  
tiones, infimâ exhalationes continet quæ illam ex-  
tendunt & faciant aquâ etsi non leuiorem, amplio-  
rem tamen, propter quod innatât. non esse leuiorem  
experieris, ponderes glaciem, deinde in aquam resol-  
ue atq; appende. Optimæ sunt quæ decurrunt per  
inæqualia saxa, nam frequenti allisione attenuantur.  
item quæ decoctæ in aheno modicū limi relinquunt :  
& quarum potiores robusti, colore nitido, cruribus &  
oculis sanis atque longæui. Salubritatem aquarum  
nonnulli cum Bartholino ex defluxu colligunt. & di-  
cunt saluberrima esse flumina qua ab oriente descen-  
dunt, secundas illis tribuunt quæ ab Aquilone : tertias  
illis quæ ab occasu, vilissima habent Austrina. Sed  
hæc opinio non solido nititur. Illud cum eodem  
sentimus. Pluuiæ cum nimbis & tonitruis deci-

duas, ob tetrarum exhalationum mixturam, noxias. Sub Syrio, mediâ item hyeme pluuias crudas, quia hoc tempore, qui percoquat sol debilis, illo, nimius.

### §. 9. Conseruatio aquarum.

92. *Conseruatio aquarum & medicina* Non laudantur in aquæ ductibus canales plumbei, multum minere communicant. corrigitur cruda aqua coctione, nam mollitur, uti & alia quæ elixantur: corrigitur & crebra agitatione, sic enim ab exhalationibus liberatur, & quidquid parat concrefcere, dissoluitur cum limosa & graueolens decoquitur, subsidit limus, separatur & percolatione. Salsa & nitrosa percolatione per arenam insipidi soli, sanatur. propter quâ rationem in puteis prope maris litora, dulcis aqua: quia residuum salem deponit quem habuit intra litus. ita expertus Antonius Schneebergerus. Aqua distillata septies iuxta Epigenem nunquam putrescit, sed semel distillata citius vitium acquirit iuxta alios, quia mixtura attenuata non euocata. Ex salsa dulcis colligitur coctione: sed non quid intra ahenum manebis dulce erit, salum inuenies, imò si diutius coxeris, amarum. idem euenit omnibus coctis, aduruntur quæ crassa, tenuiora euolant, hæc ergo collige lapâ suprâ halitum pendente, quæ ubi satura fuerit, compressa reddat aquas. Limosa etiam redditur melior sale insperso. Omne vitium aufert ab aqua pulgum, acetum, aut gutta olei vitrioli, hoc enim etiam est acetum, sed metallicum. prosunt aliquot folia acetosæ, cornu fossile monocerotis, turbidam clarificat alumen seissile iniectum. clarescere etiam aliqui  
scri-



scribunt, si amygdalam ori vasis in quo turbida seruatur, affricueris : sed Portæ in experimento non successit. Colorem acquirit vini & salubrior redditur in qua intabuit amaranthus, vel elixata radix exolidis, vel incocta raphanus : vel pulueres vsifibracæ, prius tamen in aqua fermenti per triduum maceratæ ac exsiccatae, in vmbra ac furno. Præseruat potiores à noxa aquarum calamus aromaticus, vel portulaca præsumpta, quod ipsum nonnulli etiam lactucæ tribuunt. Cisternarum aquæ ne putrescant, sic, occurritur vas vitreum impletur sale vel aceto, atque optimè clauditur calce subactâ oleo, & in cisterna demergitur, sanatur, etiamsi iam mucum contraxerit, immittantur & pisciculi vt mucorem absumant, sed suum odorem inferunt. Acetum, idcò succurrit aquis quia deficcat ac frigefacit, quæ duo è diametro cum putredine pugnant, quæ ex humido ac tepido ortum habet.

#### §. 10. Aliorum liquorum conseruatio.

93. Monet occasio vt quoniam diximus de conseruatione aquarum, addamus non inutiliter ex Paracelsi lib. 3. de gen. rer. nat. de alijs etiam liquoribus. Sic ille habet. *Potus* ne corrumpatur menstruata non accedat. *Vinum* summè conseruat sulfur, nec finit esse pendulum. *Cereuisiam* oleum gariophyllorum, vel oleum Benedictæ garyophyllatæ, vni mensuræ, duas aut tres guttas inspergendo ab acetositate præseruat. Docent alij, etiam iam acetosæ, remedio esse ouum hodiernum crudum iniectum, hoc enim in se totum vitium colligit, vti vino si iniiciatur

tur aquæ vasculum clausum, suâ corruptione sanat vinum. *Mulsum* conseruat oleum saccari, guttas duas aut tres vni mensuræ addendo. *Acetum* seruat oleum zingiberis. *Lac* oleum amygdalarum. Illud mirum, quod claudat hunc numerum de aquis, quod scripsit Guilielmus Mennens, feruere aquam admoto officulo quod est in latere ruberæ.

### §. II. Mineralium aquarum signa.

94. *Minerales aquæ* produnt se teste Gerardo Medico Tubingensi etiam sapore. Siquidem dulces sunt, quæ plumbi & auri: acidæ, quæ cupri & ferri; medij eiusque saporis varij; quæ stanni & argenti sunt participes. nitrum morficat linguâ. Produntur & claritate aut turbulentia. Aqua turbulenta, vbi sal, alumen, bitumen: clara vbi ferrum, æs, argentum. Cardan de subtil. Deprehunduntur etiam colore. iubet Bartholinus lignum aut linteum sæpius intingere & sine vento ficcari, hoc non tantum mutabit pondus, verum & maculas contrahet. Deprehenduntur tamen distinctius coctione. Coquatur suspecta mineræ aqua in fictili mundo quàm diutissimè. aduertatur ad id quod ollæ adhærebit, itemq; ad sedimentum. hoc enim in aliquo vase pone supra lenem ignem. attende ad colores & motus. Si rubeat, plumbi aut vitrioli signum est. sed si calidæ aquæ hoc ipsum immiseris, vide an soluitur, si ita, vitriolum est; alias, plumbum. Sed si infletur supra carbones, dicas alumen. Si fumet cæruleum, scias esse argentum. Si in aqua forti non soluitur aurum est: si purpureum reddit colorem, crede esse cuprum. Si penitus

nitus perit nec ardet, mercurius : si ardet, sulfur est. Hoc ipsum paulò aliter, sed exactius Kircher in hunc modum describit. Sumatur vas fictile vitreatum, in eo fiat decoctio aquæ ad tertiæ partis consumptionem, tum quiescat immota coctio per triduum. deinde fiat conus ex crassiore panno, totus madidus reddatur, huius itaque madidi coni vertex cocturæ aliquousq; immittatur, reliquum extra vas propendens, sic referet siphonem inflexum; atque suo se pondere suâ viscositate colligatæ per eum modestissimè deuoluent aquæ, & sedimentum remanebit quod prodest mixturam. Hoc tolle, atque resiccatum laminæ ferreæ politæ, sed candefactæ impone. si calcem continuerit, marmor, aut gypsum, non exuretur : & quidem gypsum statim candorem induet, calx aut marmor nonnisi post aliquod tempus. Sal & nitrum ardendo scintillabunt : & quidem sal cum crepitu, nitrum cum silentio. si cerussa fuerit immixta, rubescet, ac in minium vertetur : si alumen, lactei coloris faciet vestigia. Iam etiam aliam partem sedimenti aceto fortissimo vini iniice, si concreuerit supra sedimentum ferrugo, certus esto de ferro : si erugo, de ære : si aurugo, de auro. Vitrioli mixtura facillimè se in aquis prodit, nam si aspergatur puluere gallarû aqua, nigrescet. tales sunt fontes in Aruenia, in pago dicto *Vic-la-Comte*. Et si aquis thermalibus aliquid insit asphelti, admoto igne & chalcantino spiritu rubore prodetur, inquit Marcus Marci lib. de plu. prodig. Ex his iuxta Medicorum placita apud Kircher. in mund. subterr. aurea aqua roborat cor, ænea pectus & pulmones. ferrea, lien & hypochondria, atque melancohiam purgat. Plumbea,

stannea, jecur sanat, & phlegma ac hydropem remouet. sulfurea, bituminosa, nitrosa, intestinadelectoria iuvat ac laxat. lapideæ substantiæ miscella calculos deiecit. patet hoc vltimum in Tiburis incolis, qui ex Amene turbidam bibunt, nec inde vllus calculo corripitur: licet flumen & ripas & ligna quâ vadit in lapidem vertat. Ita & iuxta Carthusiam ad Oderam Francofurti, aqua cochleas, ligna & putamina nucum in lapides mutat, ranæ tamen manent sine noxa, & homines qui inde bibunt. Quod nobis probabile facit secretum cuiusdam contra calculos, aquam calculosi adhibentis.

#### §. 12. De vi Medica Aquarum.

95. Aqua vim etiam medicâ acquirat ab herbis per quas fluit. & quidem Cardan. lib: de aqua, asserit. fluentem per sisium, adiantum, nepitam, ciere vrinæ. fluentem per cypertim malabathrû, viscera corroborare. per iuncum, caput quidem grauare, sed somnum conciliare, aluum adstringere. vrinam mouere. quæ fluit per plantaginem & Nymphæam, illam immodicè refrigerare sanguinem. quæ per arundines, ab illa crisypellas sanatur. quæ per piperitim, ab illa flatus soluitur. Eandem vim habere decoctiones. nam prodest defluxui è capite, aqua; cui papauer, aut spica Indica est incocta. Flatui, cui anisum, aut vrticis semen; tussi, cui glycirrhiza, aut zingiber. calculo, cui lappæ semen, aut flos genistæ, aut taxifragia. Hoc etiam notat eodem loci Card. Si quis sitiens ingreditur balneum aquæ calenti, sitim amittit; quam si non habuit, acquirit. *Colores aquarum* aliqui à densitate

sitate & raritate prodeunt in quam lux impingit, ob quam causam marina aqua nigrior: prodeunt e fundo colorato. Sed non raro ex mixtura, ita *Lactea* sunt aqua, terræ candidæ, cretæ, aluminis liquidi, calcis, margæ, cerussæ, chrysocollæ, Mercurij ac lythargiri solutorum mixturâ, itemque pompholigos, sulfuris albi, eboris fossilis, naphthæ albæ, arsenici albi &c. *Virides* si æruginem trahant, aut chrysocollam, sulfur viride, &c. *Ceruleæ* ob lazurium, bolos, orichalcû, venas ferri, &c. *Violaceæ* admixtione fluorum amethystinorum, æris, floris æris &c. *Flauæ* ob mixturam ochræ, arsenici citrini, auripigmenti, bituminis puri, &c. *Sanguineæ* ob minium natium, sandaracam mineralem, hematitem, rubricam, crocum maris, chalcitida, &c. vel affluxum humoris ex plantis aut aliqua vena, ita lixiuio acri in quo maceratum stibium, si affuderis acetum, rubescet. *Nigræ* sunt quæ perfluent ferrum, melantheriâ, misium, sorium, icē tinguntur quas quercus & alnus tingit, sed sæpè ob loci opacitatem & profunditatem, ut aqua Auerni, quæ extra lacum non est nigra. at verò aqua Slatinensis in Moravia nummum argenteum denigrat, quod censemus fieri, ob atramentum, bitumea resolutum, sulfur adustum & eiusmodi. Ex simili etiam mixtura saporès oriuntur, itemque odores.

### §. 13. De Nilo.

96. *Nili exundatio* spectatur etiam in fluuio nigro in Africa dicto Rio grande: easdem enim vicissitudines habet, & utilitates uterq; exhibet. Exundat Nilus hac lege uti narrat Leo Afer, circa 27 Iulij

tumescere incipit, & crescit per dies 40. ubi suum accepit statum, rursus per totidem decrescit, interea ita campi inundantur, ut oppida in collibus veluti in Insulis spectentur. rarissime has leges fallit, adeo ut si aliter accidat prodigio habeatur. ut inquit Plinius lib. 5. cap. 9. Mensura sumitur diligenter exundationis, si solum cubitis 12. exundet, famem Ægyptus timet. si 13, etiamnum esurit. 14. cubita hilaritatem afferunt: 15, securitatem: 16, delicias: 18, sub Claud. Imperat. attigerat summo emolumento. Auctione aquarum censum fieri ex resolutione nivium in monte Atlante: in quem teste eodem Afro una nocte subinde tantum nivium cadit, ut domos & arbores ferè sepeliat. Pluviae non parum conferunt quæ fiunt sub Tropico Capricorni ad Nili fontes cum Sol Arietem ingreditur, quo tempore in illis partibus Autumnus incipit, hyems enim ibi est, cum nobis æstatem Sol adducit, ut scribit Ioseph Auerfin lib: 2. c. 4. Nili fontes Hollandi assignant in cuspide Affricæ ad Lunæ montes.

§. 14. Aqueæ tenuitatis & salis exploratio.

97. *Rarissima est aqua tenuis*, talis autem est, quæ sale careat. Probat assertionem hoc instrumentum, & simul quantum salis lateat, ostendit. confectio illius hoc modo se habet. Fiat cylinder tenuis, longus palmum Romanum, consistet materiâ quæ aquam non imbibit, ut est vitrum. cauus sit ut feratur supra aquas, ut autem rectius insistat addatur vni extremitati aliquantum plumbi. Iam habeatur vas aquæ sincerissimæ, qualis est aliquoties distillata: illius altitu-

titudinem diuide in partes 100. quasi libras : & quamlibet subdiuide in 12. quasi vncias. In illud vas immitte prædictum cylindrum vt perpendiculariter infiltat liberè, mergetur ferè totus, sed non attingat fundum vasis. Habeas etiam salem ficcissimum in polinem redactum, eum diuide in partes 100, & quæuis pars subdiuidatur in particulas 12. Infunde ergo in aquam vnâ particulam, iam cylinder assurget : infunde alteram, magis assurget ; & sic deinceps. Sed notandæ in cylindro diligenter singulæ emersiones ex aqua. & iam paratum habebis instrumentum, quod deinceps aquæ ignotæ si imposueris, suo descensu pandet, quot partes salis contineat.

§. 15. Maris constitutio ante finem mundi.

98. *Ante finem mundi* exundaturum mare non asserimus, certum tamen quòd multum terrarum obruet si relinquatur illi cursui quem hætenus tenuit. Semper montes pluuijs & alluuiionibus consumuntur, ita vt defluentes arenæ fluuios impleant, eorumq; attollant alueos. ita in Belgio aluei fluminum intra aggeres clausi, veterem alueum supra 10, imò alicubi 20. vlnis assurrexerunt. Tyberis Romæ ad pontem S. Angeli subinde tantum affert arenarum, vt ipse per pontem clauso subtus itinere, fluat. Ex eiusmodi arenis in ostijs fluminum enascuntur insulæ, dum mari committuntur flumina. ex eiusmodi aggestu maritima aliquando stagnante mari sunt mersa. Iaponia olim putatur fuisse vnum corpus : at tempore Pauli Veneti 7748. Insulæ. & post illius tempora 11000. idem de Insulis Canarijs. alibi teste Plin. l. 13. & 16.

& 16. supra sylvas nauigatur. & ad Brugas vt vidit  
 Anf. Boët. supra sylvas disceditur, ita arenæ obrue-  
 runt; propter quas ibidem syluæ instar metallorum  
 sub terra quæruntur. Aristotelis tempore, numera-  
 bantur terræ stadia 4000000. seu mill. Ital. 50000. vt  
 ipsemet narrat 2. de Cælo in fine. at vno sæculo tar-  
 dius, Hypparchus solum 34600. reperit. Ptolomæus  
 quinque sæculis posterior non plura quàm 22500.  
 Alfraganus Arabs nono sæculo Christiano; nonnisi  
 20400. Et moderni accuratissimi Geometræ; Wil-  
 lebrordus Snellius, qui propterea orbem circumiuit:  
 & Godefridus Wennelius toti terræ nonnisi dant  
 24600. plus minùs Italica: ita patet quo vno sæculo  
 aqua eripuerit hominibus terræ 15400. & quinq; sæ-  
 culis 27500. & sæculis tredecim, quæ intercedunt  
 inter Alfraganum & Aristotelem 29600. hanc ob-  
 seruare possumus proportionem, iuxta quam alluio-  
 ne consumitur. ex quo etiam patet, hunc mundum  
 tali modo dispositum ab æterno esse non potuisse.



PARS



## P A R S I V.

*Meteora in Terra.*

99. Tam bono iure potest in regiones terra diuidi, quàm bono aer est diuisus. Prope superficiem generat plantas, in medio quasi, metalla & fossilia: tandem ignes continet, & aquarum abyssum.

## C A P V T I.

*Mirabilia in Terra.*

Verùm reperiuntur & plantæ, & ignes non suis locis. In Arcadia lapis inuenitur, qui si diu sub stramentis iaceat, ignem concipit. arceri opinor à stramentis euolantes è saxo igneos spiritus, atque in saxum factà reflexione intensos, flammam facere. Non procul Puteolis in Italia est cāpus longus pedes 1200, latus 1000, Plinius vocat Phlegræum: ibi colles passim vastos sulfureque pingui refertos eructant fumos: nimirum vti aliqui ignes procul à nobis, ita aliqui proximi superfici ei terræ pabulo eis à natura prouiso collocati. Cùm in ciuitate Lucernensi in Heluetia fundamenta Curia foderentur, inciderunt fossiores in cuniculum. ex quo serè 20. hirundines euolârunt. res contigit circa Natalitia Domini, contigisse verò sic opinamur. prædictæ Alites in Autumno aquis se immergunt, ex quibus aliquo subterraneo torrente ad illum delati cuniculum, & ab aquis desertæ manserunt: calente verò per antiperistasis loco, animæ vsum receperunt, & luce conspectâ eam insecutæ. ita & mu-

scæ submersæ, si vel inter tepidos cineres vel intra cretam foveantur, reuiuiscunt. Cuidam Hispano enata è latere planta, scribit Kircher in orbe subterr, sed adeò infelici sæcunditate se propagabat, vt eam forficibus tonderi sæpius oportuerit, extirpare licitum non fuerit, quia vsque in femur radices egerat. An vulnus eò loci Hispanus acceperat, & semen vulnere exceperat? Areti è mulieris naso frumenti spica excreuerat: anno etiã 1524. è humido pueri genu, postquam ferro apertum, grana, filiginis, hordei, auenæ, exciderunt. In Italia mons est Tiburi vicinus, habet lapides siccissimos è quibus fungi grandes instar cucurbitarum prodeunt deliciæ accolarum. Semen fungorum vti & aliorum viliorum plantarum multiplex: ipsi fungi minutim concisi ac terræ commissi: cortex populi, cornu arietis, exhalatio, tale igitur quidpiam continet illud saxum, quod dein in vilem coalescit plantam. Patitur & quibusdam locis terra vicinos frigori ignes in Bohemia inter Dominium Biessin & Czachrow, sunt duo campi contigui, vti scribit Vir Apostolicus è Societ: Ies v P. Chánowski in vestigio Bohemiæ Pix. dum in vno est hyemale frigus, alter hilarescit calore æstiuo: hic messis ibi viride frumentum: hic ros, ibi pruina. Nitrum vni, alteri copiosos ignes subesse credimus. Admiratione implet, etsi opus altiores causæ de quo Kircher in orbe subterr. tomo 2. fol. 50. Pagus quidam in Affrica, cum hominibus, animalibus arboribus, supellectile; frumentis, cibis, conuersus est in lapidem, dicebantur antè Biedoblò. In Tartariæ magnæ deserto etiam hodie spectatur tota legio militum

tum, Hordam vocant, in saxa conuersorum. Vidi-  
mus nummos aureos S. Stephani Regis, eadem vi al-  
tiore in saxa versos. Exhibetur & hodie in templo  
Monasterij Oliuensis prope Gedanum, panis buccel-  
la versa in lapidem.

## C A P V T II.

### *De Cornu fossili Monocerotis.*

100. Illud quod *Cornu Monocerotis* multicredunt,  
& Medici inter alexipharmaca numerant, fossile est.  
Datur tamen Monoceros animal, & vidit illud Ludou  
Vartomanus lib. 1. Nauig. cap. 19. in Mecha Felicis  
Arabiz vrbē sepulchro Mahometis infamē : Staturā  
erat grandis equi, capite ceruino, iubā equinā sed mo-  
diā, cruribus macilentis, caudā suillā, cornu vno sed  
sulco, recto, intus candido extra in spiras conuoluto,  
quale asseruatur Parisijs in templo S. Dionysij, crassi-  
tie propē caput solum eā, quæ primis digitis viri pos-  
sit ambiri, longitudine 7. pedum & ampliūs, sed non  
sudat præsente veneno, neque illo circumscriptus ara-  
neus rumpitur : quod bulliat aquis impositum non  
est signum antidoti : omnia sicca iniecta bulliunt,  
maximē si fuerunt cauernosa, bullas attollit aer in-  
cauernis hærens, aut corpori affixus. Hæc de cor-  
nū Vnicornis sentiunt, qui de illo ex professo scripse-  
runt. Laur. Iubertus, Ludou. Mercurialis, Ambr.  
Paræus, Ans. Boët, Gesnerus. Effoditur instar cor-  
nū aliud quidpiam in Germania, Italia, Morauia, Boë-  
mia & alibi, vbi etiam effodiuntur non nata in ani-  
malibus animalium ossa, dentes, tibiæ, maxillæ, &  
cuius-

cuiusmodi pro miraculo veluti Gygantum fuissent, etiam in templis appendunt. imò effodiuntur integra huiusmodi animalia saxea, quales vnum etiam intestina saxea formata exhibuit Alberto M. lib. 1. de rebus metall. c. 9. cuiusmodi cornua subinde pedum sunt 10. ex his quæ dura sunt, inquit Ans. Boët in gemmis nullarum sunt yrium. Cætera odoris eius quem habet lac mixtum amygdalis, vires summas habent contra venena: dosis dr. 1. idem præstant etsi non formam cornu sed alterius rei figuram referant, iuuant & contra Syncopen cardiacam, epilepsiam, vermes puerorum, & sanant vlcera.

### C A P V T III.

#### De Metallis.

101. *Metalla* sunt quasi quædam terrea meteora, ea sic cum Gebro describimus in communi. Est vapor exhalationi terrestri commixtus adstrictione solidatus, & liquatione solubilis: in particulari verò, *Aurum* est corpus metallicum citrinum, ponderosum, mutū, fulgidum, æqualiter digestum, sub malleo extensile, fusibile, examinatione cinericiij, & cæmenti tolerans. *Argentum* est corpus metallicum, purum, album, durum, sonans, perdurans in cinericio, sub malleo extensile, ignibile, fusibile. *Plumbum* est corpus metallicum, liuidum, ponderosum, mutum, molle; fusibile, sine ignitione; cinericium, & cæmentum fugiens. *Stannum* est corpus metallinum album, non purum, liuidum, sonans, parum stridens, sub malleo extensile, cinericium & cæmentum non expectans. *Æs* est corpus

corpus metallicum, liuidum, fuscè rubrum, ignibile, fusibile, sub malleo extensile, cinericiu & cæmentum refugiens. *Ferrum* est corpus metallicum, mul, tùm liuidum, parùm verò rubrum, durum, ignibile, fusibile fusione non rectâ, sub malleo extensile. *Metalla* videntur esse aqueæ *natura*, quia igni liquantur, amota ab eo concreſcunt, quod est aquæ congelatæ: nam quæ sunt terrea, rigent in igne, & soluuntur aquis. *Ductilitatem* habent ex lentore, lentorem, ex commixtione magnâ terrei cum aqueo: nam si farinam aquæ miscueris, ductilem efficies. si seorsim existat humidum à sicco, oritur *friabilitas*. Quòd *metalla fluida non madesfaciant* ex permixtione copiosi oris sicci prouenit, hoc ipsum euénit in alijs massis, & in emplastris patet, multum habentibus de terreo. de quo lapides, quia nimis habent neque duci, neque liquari facîle possent. Metalla similia in hoc meteoris quia vapore & exhalatione concreſcunt: & quia raro non miscet varias simul naturâ exhalationes & vapores, & rarissimè pura metalla in fodinis inuenies; aurum sæpè adamanti, sæpiùs lazulo, aut alijs concretum reperies. *Æs*, plumbum, ferrum, terræ plus habent cæteris, ideoq; tam copiosa habent recrementa. plumbum citiùs igni soluitur, quia non tam perfectè illigatum habet aqueum terreo, exurit verò ob multum terreum: facîle cùm exurit illi humidum, illud instaurat, hinc minium & cerussa non difficulter in plumbum redeunt. auro pondus ex densitate: sed quæ densa non sonant ut aurum & plumbum porosa int æs & argentum, & eadem sonora. Aurum possibile confici posse ut sumatur intra corpus absq; no-

xa, affirmant Chymici, sed negant Galenici: quia inter aurum & corpus nostrum nulla similitudo; quæ inter alimentum, & corpora nutrienda, necessario debet interuenire. insuper aurum à calore nostro vinci non potest. Orichalcum natium reperiri modò negant quod habemus, est factitium ex ære.

§. i. Signa metalliferæ telluris.

100. *Signa metalliferæ regionis*, hæc ponuntur communiter, nobis ratio illorū dāda vt ad Philosophi tractationem spectent. 1. Dum pruinis omnes campi canescunt, sola metallifera loca ab eiusmodi senio libera. causa est, quia acres & calidi sunt metallorum halitus niues non tolerant. 2. Arborum quæ mineris supernascuntur, folia verno tempore sunt lucida vel subcærulea, rami præsertim superiores infecti nigrore, aut alio colore minùs naturali, stipites bifidi, rami discolores. ratio ex ijsdem spiritibus conficitur. 3. Viridis color in montibus fit ab ære, niger ab argento & auro, purpureus à pyrite, liuidus à plumbo & ferro, luridus à calchanto. cinereus & obscurus à sulfure. 4. Si metallum subest monti, hoc modo se prodet. lapidem eius loci attere, redolebit sulfur. Causa est, quia compositionem metallorum sulfur ingreditur. 5. Omnes metallici montes sunt steriles, quia halitus omnia germina enacant, exurunt. 6. In locis Mineralibus grauiorès quàm in cæteris lapides & aliquā parte splendent. quia per fumos illos quos expirant metalla partè aliquā se illis infundunt. 7. Si aquæ odorem aut colorem peregrinum è montibus deferant: indicium præbent mineræ, multò magis

si ra-

si ramenta metalli secum devolvant, 8. Metalla indicant hæ plantæ vbi nascuntur. Iuniperus humilis, hedera, caprificus pinaſter, & arbores folio pallente, trunco exili, & gramen marcidum, 9. Montium rimæ ſunt ab acerrimis metallorū ſpiritibus. 10. Aurum ſignificant latere, ſtelliones maiores buſonibus: hi enim paſcuntur antimonio, quod eſt quaſi flos præveniens fructum auri. 11. Ignes etiam de nocte in metalliferis conſpiciuntur, quia ſulſur multum exhalatur, quod flammeſcit varijs cauſis.

## C A P V T IV.

*De Fossilibus.*

101. *Fossilium* ex regeſtro ſunt, *Petroleum* quod ſic, naſci opinamur: bitumen, naphæa, gagates, ſulſur, intra cavernas terræ accenduntur, & in ſumos calentes expirant: hi frigidis impacti ſaxis concreſcunt in oleum, quod ex concavitate petrarum tanquam è diſtillatorio deinde effluit. *Sal ammoniacus* olim in arenis Cyrenaicis inueniebatur, à quibus juxta Græcam nomenclaturam appellationem ſortitus nunc eſt factitiuſ. Aſſumuntur quinque partes vrinx humanæ, vna ſalis communis, ac dimidia fuliginis lignorum: coquuntur vſque ad conſumptionem humiditatis, reliquum ſublimate, iterum ſolvitur, ac coagulatur. *Nitrum* etſi in ſe frigidum ſit, continet tamen ſpiritum rubeum maxime inflammabilem, quomodo ſeri, purgari, coqui poſſit, optimè docet Artilleriſta ſupra à nobis laudatus, Caſimirus Equeſ Lituanus. Nitrum per liquefactionem adiecto ſulfure de-

Puratum, dicitur *Sal prunella*. *Alumen* est varium, naturam habet connexionem cum sulfure ac vitriolo, ideoq; simul serè nascitur. *Bituminu* nomen continet omne oleosū & pingue, quod oleo misceri potest vel effluit spontè vel eruitur. Est tamen cui propriè hoc nomen comperat, hoc semel accensum difficulter extinguitur. quia non vt ligna forinsecus, sed etiam internè ardet. *Bitumen coagulatum*, dicitur *Sperma ceti*, & à Medicis adhibetur ad dissolvendum sanguinem concretum, & asthmaticis prodesse censetur. Sed Terram sigillatam non omittamus quæ etiam in Polonia ac in ripis Vistulæ prope Varsaviam eruitur, licet viribus debilior, vt in duplicata dosi exhiberi debeat: vti à Perillustri ac Generoso Domino Stanislao Baryczkâ Subdapifero Czerniechoviensi, magnæ scrutationis atq; experientiæ Viro, omniumq; capacissimo disciplinarum accepimus, qui nobis etiam gemmas omnis generis prope Varsaviam collectas exhibuit iam expolitas. Huc spectat & sal fossilis qui largo proventu è fodinis minoris Poloniæ instar grandium saxorum eruitur. hic quamdiu sub terra, minùs sub pondere habet. supra terram est gravior. causam referim⁹ in aëris illius subterranei densitatem, ita & lapis infra aquam, vt pote in densiori medio minùs premit: potest etiam evenire vt aëris recentis afflatu rigescat, densior ex eoque sal gravior exadat.

## C A P V T V.

### *De Lapidibus & Gemmis.*

102. *Lapis* est corpus inanime, durum, inductile, per aquam non solubile & solidum, quod è terra simplici tanquam



tanquam præcipua, magisque conspicua materia, citra multas à natura variationes concreuit. *Gemma* est lapis parvus, durus, & pulcher; nascitur è materia tenuissima. Lapidum generatio sic habet: Aqua succum lapidificum vehens partes terræ nectit, & ipsa vel exstillat, vel arescit, massa interea lapidea induratur: quod si humidum non consumatur à calore, sed à frigore densetur ac introrsum inæqualiter agatur, fit lapis multorum angulorum, qualis est Basaltes, si æqualiter recurat, fit rotundus. *Gemmæ diaphanæ* hanc habent genesim, intra concavum loci, in tali enim istæ generantur, exhalatio vel succus lapidescens sese colligit tenuissimus ac diaphanus, quem combibit materia concavitatem illam circumdans. in aquis plerumque nascuntur gemmæ huiusmodi, dum aquam succus lapidificus, vel exhalatio terrea indurat: hinc etiam metalla inter nascuntur: quia horum aquæ, plerumq; vim adstringentem habent, & ipsa metalla facile imitantur gemmas: ex quo pater, quod affinitatem habeant in materia. *Color* diuersis gemmis, uti & figura diuersa. colorem censemus à metallino spiritu provenire. *Globosus Granatus Boëmicus* *Quadrangulus Smaragdus occidentalis*. *Polygonus Basaltes*, *concaua Crapundina*, *rotundus Geodes*; *Hexagona in pyramidem desinens Crystallus*, & *Amethystus Boëmicus*, & *Adamus Hungaricus*. *Rubri sunt*, *Rubinus*, *Spinellus*, *Balassius*, *Amandinus*, *Asmandinus*, *Granatus*, *Alabandinus*, *Carbunculus* *Flauus Hiacynthus*, *Aureus Chrysolitus*, *Chrysoprasus*, *Chrysopteris*, *Chrysolampis*. *Viridis Smaragdus*, *Prasius*. *Cæruleus Sapphirus*, *Berillus*, *Purpureus Amethystus*.

Nullius coloris, Adamas, Cryſtallus. Paracelfus verò ſic gemmas depingit. Smaragdus eſt viridis tranſparens. Adamas eſt inſtar Cryſtalli & ferri politi colore, tranſparens ſubnigrè. Magnes (nolim illū gemmam dici) ferrei coloris. Hiacyanthus flavus & tranſparens. Saphirus cœleſtis coloris. Rubinus ſplendet colore valdè rubeo. Carbunculus vt ſol lucet. Calcedonius varij coloris. Topazius noctu lucet. Amethystus purpureus & ſanguineus. Chryſopraſus eſt igneus.

## C A P V T VI.

### *De Succino.*

103. *Succinum* medium quid eſt inter gemmas, metalla, ſalia (vt medicè loquar) bitumen: dicitur & Carabe, Ambra citrina, & gryſea, ſive chryſea, ſive Electrum. In aſſignanda eius materia ſequimur venerandam Antiquitatem, & illi Recentiorum experientiam adiungimus. Cenſuerunt illi, materiam Succini eſſe gummi arborum, ita Plin. l. 37. c. 1. 1. S. Baſilius Hexam. homil. 5. S. Iſidor. lib. 6. c. 8. & apud Ariſtot. lib. de admir. Exhibitum nobis eſt fruſtum parte ſuccinum, parte reſina: admisceſcit ſe tamen bitumen, alumen, nitrum, & vitriolum, atque ſal. Nam vbi chymicè coquitur, reddit & ſpiritum vitriolatū, & aluminofum falſum cum phlegmate & ac præterea ſal copioſus collo retortæ adhæret. In rectificatione, ſi diligenter inſtituatur, aſcendit ſpiritus albus reſpondens, naphthæ Babilonicæ, & flammam è longinquo concipit. Evocato oleo, ſi ſæces permittantur ad ſiccitatem exſtillare concreſcunt in bitumen Iudaico ſimili-

simillimum. Quæ singula expertus Medicorum Doctissimus Daniel Sennertus in sua Physica.

§. 1. De Succini fodinis.

104. Repertæ sunt & fodinæ Succini prope Regionem in Fruscia haud procul mari Balthico. Habemus eius mineræ partem penes nos, talis planè est, atq; ubi ligna secabantur ubi sarmenta, cortices arborum, ramusculi cum terra miscentur & ad terram declinant vetustate: est quid corticum simile terram obstruunt, est radicum atque ramorum, & singulis inter, nigræ arenarum adnatæ particulae flavi succini sparsim neq; tamen adhærentes. Olei succini usus in sua Basilica Osualdus Crollius, ut Anst. Boët: de gemm: plurimos, salutiferosque recenset. & quidem succinum censet esse balsamo suppar, quod & deliquia abigat, & cerebro multum conveniat, & calculo laborantes statim liberet.

§. 2. De vi tractiva Succini.

105. Non est proprium Succini trahere aleas, trahunt omnes diaphani ac duri lapides, ut Topazius, Rubinus, Sapphirus, Carbunculus, Opalus, Crystallus, Amethystus; Iris, Adamas: sed hic alteri adamanti diu debet prius affricari. Opaci non trahunt excepto Gagate, qui est multum bituminosus, & Lycanthrace. trahit & Carneolus affricatus capillis, trahit & sulfur, mastyx, cera dura sigillatoria, resina dura, imò & vitrum, & ex vitro atque crystallo adulteratae gemmae, & vitrum antimonii, alumen rupeum, lapis specularis, sal gemmatum. Argentum etiam vitrum ab auro

attrahitur, nam si virga fuerit solida, aurea, illiusque extremitatem vnam immiseris Mercurio, totam pervaderet ad summum. Si loco clauso fuerit Mercurius igni resolutus, atque ibidem aurum fuerit, totus se ad aurum colligat. imò si in corpus humanum fuerit ingressus Mercurius, auro deglutito se colligit, & cum illo agentur, si quis cum aureo annulo inambulet, ubi elaboratur Mercurius, videbit ab illo annulum tinctum albedine, sed modo solius Succini prosequimur tractatam ac naturam.

### §. 3. De his quæ apparent in Succino.

106. Quæ Succinū præbet ostēta dum culices, muscas, viperas forices, paleas, & eiusmodi, quasi involvisset exhibet. Ludibria sunt mera: ubi fregeris nihil nisi succinum habebis. Viderat Hollandus quidam in frusto succini grandem nummū aureum apud quendam ciuem Regio-montanum, ut mihi inde R. P. Michaël Radau scripsit, cupidine auri, pretio maiore succinum redemit: sed ubi fregit suæ avaritiæ ludum inuenit. Colligitur succinum in littore Prussico & Liuonico maris Balthici, quod purè arenosum ac vadosum. & quidem Liuones reticulis cum alga dum mare tumultuatur abripiunt, & quisq; in suū cumulum retrò se iactat, electurus per otium: in Prussia ipsa maris liberalitas expectatur quæ in littora effundit cum maxime ventis agitatum est, idcirco post tempestatem colligitur, & post Aquilones qui versus illa littora mare iactarunt. Colligitur & ad Fluvium Narviam in Masovia supra colles arenosos qui ripas constituunt & ambiunt. legitur & circa lacum quen-

quendam in Prussia: cōtingit & alibi effodi, sed rarius. supernatat aquæ salæ, mergitur in dulci, quia hæc tenuior ideo à mari tempestate agitato facillimè ex fundo in. tum effertur, & cum fluctu exploditur.

#### §. 4. Mirus effectus Succini.

107. Illud *de Succino mirum* si verum quod tradit Paracels. lib. 3. de orig. morb. inuisib. Succinum flauum super tabulam ex plumbo cinereo, seu bismuto confectā, colloca: colloca etiam in distantia trium spithamarum ab eo super eandem tabulam, vitriolum: (in alio exemplari, legimus, antimonium) tum vitriolum & colorem, & acrimoniam perdet, & in Succino tam color quàm acrimonia reperietur, vt vitriolum videatur. Rei huius nondum tentata nobis veritas. si tamen ita est. rationem in magnetismum reijcimus: qualis est in carne scorpionis aut viperæ ad venena. aliud non minùs mirum scripsit Agrippa in occult. Philos. quod scilicet succinum non trahit ocimum, & res vnctas oleo. Causam dabimus statim, vbi explicauerimus tractionem.

#### §. 5. Ratio quâ trahit Succinum.

108. Trahit Succinum non solùm paleas, verùm & alia corpora, & vitrum, & crystallum. tractio se habet hoc modo calore attritionis (nam debet atteri panno vt trahat) resoluitur ex parte, sicut igni totum liquefcit. hæ partes agglutinant se paleæ, & vbi incipiunt refrigerari ad suum corpus redeunt ac secum paleam reuehunt. cur & quomodo fiat hic regressus, in magnete explicabimus. collegimus id ex eo. quia

dum incalescit attritione, odorem spargit, atqui odoris vectrix est exhalatio partium tenuiorum vt docet S. Th. in 2. d. 2. q. 2. a. 2. disponitur verò ad tractionem etiã non attritione sed quocunq; calore, etiã fornacis, vti sumus experti: itaq; exhalat: exhalatio illa est viscosa, nam dum ardet fumum edlit copiosum & renacem subiecti quod attigerit; itaq; exhalatio potest se alligare paleis v. g. iam quod redeat exhalatio ad corpus succini ex eo deprehendimus, quia si manet succinum in eodem calore, vti experti sumus ad calorem fornacis, nulla fiet tractio, quia exhalatio non refrigescit etsi agglutinatur: si verò remoueatur ad minorem calorem succinum, fiet tractio: quia exhalatio densior facta, & noua è succino æquè vehemens non prodit, quæ illam succino retrudat: itaq; illa non impedita redit ad succinum cum eo cui se alligauit.

§. 6. Quædam adiuncta succini, dealbatio  
& imitatio.

109. Succinum flammam concipit, quia inflammabilibus constat Solum igni olet quia calidum & ficcum est cum aliquo humore, talia enim olent Circa flumina & mare inuenitur, quia aquæ frigiditas ad eius concretionem, & sal ad coctionem facit. Accensum non olet, quia exhalatio vectrix odoris exurit. redditur tractabile instar ceræ iuxta Mizaldum si in effervescentem & despumatam ceram fuerit coniectum. Album à flauo solum penes maiorem excoctionem differt, quia flauum coctione potest fieri album. Accipe enim fului v. g. libram vnam pone in-

ne in cucurbita terrea valida, adde salis marini vel etiam communis lib. 2. superaffunde aquæ fluuialis quantum sal requiret vt soluatur. ebulliant in alembico cæco in agglutinato in arena per triduum vel amplius, continuo aquam effundendo. tum examina frangendo, vltimam satis fuerit dealbatum: & donec fuerit satis continua coctionem. hoc viribus æquiualebit albo ex mari excepto. Succinum imitari, Mizaldus hoc modo docet, CrySTALLUM in tenuissimum pollinem redactam; ouorum albumine exclusis germi- nibus, tamdiu agitato donec in aquam soluatur, subi- ge: adde momentum croci subtiliter pulueri sati pro lutea ambra; hæc omnia vitreæ ampullæ indita, aquæ bullienti imponantur, vt coalescant, tum super marmore poliantur.

Alij hunc modum tradunt. Albumina ouorum agita- tione purifica, gummi Arabici, Mastiches tritæ mo- dicum affunde, adde croci tantillum, hæc omnia mi- sce ac vesicæ impone. & coque, atque in vmbra ex- sicca per dies nouem, oleo quotidie vngendo. De- nique alij hunc modum reliquerunt, Oleo communi resina terpentinae imponatur & coquatur, atque soli vt dure scat exponatur.

Alias virtutes Succini Erasmus Stella Lybanotha- nus de Borussiae antiquitatibus lib. 1. fol. 11. ferè ad hæc capita reduxit. 1. Ab Infantibus pro amuleto gestatur. 2. Contra lymphationes, & noctis metus cuique ætati prodest. causa esse potest, quia cor robo- rat. 3. Vrinæ difficultatibus potum, alligatumque, quod chrysolectum vocant. 4. Collo alligatum, mederi febribus Callistratus prodidit, 5. Tritum, cum



# Annum dabit *Quaecunq; linea coniuncta, etiam Diagonalis.*

110	211	209	207	205	203	103	105	114	109
215	126	191	189	187	185	121	123	125	112
106	195	138	175	273	171	135	137	128	114
204	186	172	146	170	161	145	140	130	116
202	184	170	167	150	155	148	142	132	118
101	119	133	143	149	158	153	159	169	182
102	120	141	144	154	247	152	158	168	132
104	122	136	162	133	141	164	156	166	160
106	124	174	127	129	131	167	172	164	178
108	190	111	113	115	117	181	179	177	176
210	91	93	95	97	99	199	197	195	200





<i>Pag.</i>	<i>Ser.</i>	<i>Errata</i>	<i>corrigere.</i>
45	11	Sublunares	Superlunares
30	9	porci	pori.
60	7	Vitreus	Vitruui's
57	15	Posta	Porta U
63	9	<i>adde</i> Eurus.	
68	4	German. l. Gemma. v. 10. sub-	ibid. v. 10. sub-
		dit. l. sub dio. v. 20. surdeq; l. sus deq;	dit. l. sub dio. v. 20. surdeq; l. sus deq;
69	14	cui	ceu
70	4	Ostelio	Otelio
72	5	Comptam	corruptam
73	16	temperans l. tepescens. v. 25 vnam l. in-	v. 25 vnam l. in-
		tra vnam.	tra vnam.
74	11	Amarior l. amaror. v. 19. quo l. quæ.	v. 19. quo l. quæ.
84	17	frugis	fragis
96	17	Sole	iale
97	12	vtramq;	vtrumq;
105	23	coloris	coloru.
130	32	subiectæ	subiecta
132	5	Campaniæ	Campania
133	25	volentes	volentis
134	26	&	ad
137	26	explicari	explicatur
141	14	habere	haberi
144	31	humere	humore
145	19	lunam	lanam
146	29	adustione	adustionem
148	21	quid l. quod. v. 22. manebis l. manebit.	v. 22. manebis l. manebit.
153	11	florum	flauorum
158	15	aliorum	aliarum
160	12	cardicam	cardiacam.

*Cetera prudens lector per se aduertet & corrigeret.*

174





